


SSH  
Current  
Shelves  
DU  
740  
A2  
W3  
v. 1678

Wantok (Boroko, Papua New  
Guinea)  
SSH Current Shelves  
UC San Diego  
Received on: 11-02-06



Namba 1678 NIUSPEPA BILONG YUMI OL PNG STRET!

Wan Wik, Septemba 21 - 27, 2006 K1.00 long  
Mosbi tasol - Ausait Mosbi K1.30


Givim tingting  
bilong yu na...  
**WINIM  
PRAIS!**

Wantok Niuspepa i laik kisim  
tingting bilong yu. Lukim Wantok  
Ridasip Seve insait we yu ken  
givim bekim bilong yu na gat  
sans long winim ol bikipela prais!  
Pes 14 - 15

Ol Independens  
poto long wiken  
Pes 14 - 15



LUKIM BEKIM  
LONG TINGTING  
BILONG POP  
LONG OL MUSLIM  
- PES 3



Bikples kisim  
taitol!

# GOL PUNDAUN LONG RONG HAN

Mani mak bilong dispela olgeta gol we moa long  
20 kilogrem inap kamap olsem K1 milien...

OL WANTOK RIPOTA i raitim

MOA long 20 kilogram gol  
bilong Lihir Gol Main long Nu  
Allan provins em sampela lain i  
bin kisim na katim go liklik na  
salim isi isi long Metol na  
Rifaineri Operesen (Metals  
Refinery Operation o MRO) opis  
long Mosbi.

I gat ripot i kamap olsem wanpela  
meri i bin go pas long katim dispela  
gol we hevi bilong em i olsem 22  
kilogrem na tilim long ol lain i go

pas long stilim dispela gol. Tasol  
dispela meri i lus pinis na nogat  
man inap painim em nau taim polis  
i holim ol arapela husat i bin traim  
long salim ol dispela hap hap gol.

Ripot i kamap olsem taim ol lain i  
karim dispela gol i go long opis  
bilong MRO, ol i no westim taim  
long stretim na sekim. MRO i hari-  
ap tasol na mekim pei go long dis-  
pela papa bilong gol.

Tasol i gat sampela wokman  
bilong MRO i skelim olsem sam-  
pela samting i no stret long dispela

bikos ol inap long sekim gut nem  
bilong dispela man na dispela gol i  
kam long we tru na raitim gut long  
pepa bikos em bikipela gol we i  
save kam long ol bisnis na kampani  
wantaim masin bilong kisim gol.

Mani mak bilong dispela olgeta  
gol we moa long 20 kilogrem inap  
kamap olsem K1 milien na taim ol i  
katim gen na salim i go olsem  
K600,000.

Moa stori insait long pes 3

HIRI KWIN: Alison Exton bilong Hanuabada (Bikples) long Pot Mosbi em  
Hiri Hanenamo kwin bilong 2006. Mis Exton i winim dispela taitol namel  
long narapela 23-pela meri long dispela Hiri Moale Festival long  
Independens wiken. Ol femili, wantok na sapota bilong Mis Exton i sin-  
gaut wantaim bikipela amamas taim ol i makim em olsem wina long Sir  
Hubert Murray stadium long Sande las wik.

POTO: Andrew Molen.

## SINGAUTIM BEK OL SAVEMANMERI...

Ol pipel bilong Papua Provins nau i lukluk long strongim bek sindaun bilong  
ol yet. Wanpela singaut nau i go aut long ol pipel bilong Papua husat i bin  
ronawe lusim ples bilong ol na go stap nabaut long PNG na Pasifik long go  
bek na strongim bek pipel bilong ol.


Lukim ol nius ripot long PES 8.



Brian Bell Kampani igat ol kain kain masin blong wok didiman long Papua Niugini.  
Mipela igat fetilaisa marasin tu na ol seeds blong ol kaikai na kumu long gaden  
olsem kebis, letis, anian, brocoli, tomato na planti arapela moa.

Brian Bell Kampani luksave olsem wok didiman em bun blong ol bikipela lain pipol  
long asples PNG. Mipela helpim na strongim dispela wok didiman longpela taim  
tru ikam inap nau tu.

Mipla sapotim wok didiman  
long Papua Niugini long gro  
bikipela



PLAZA 325 5411 HOMECENTRE CITY-GORDONS 325 8469 HOMECENTRE CITY-LAE 472 3200 TOPTOWN 479 1918  
GOROKA 732 1622 KOKOPO 982 9027 MT HAGEN 542 1999 MADANG 852 1899 Email: bbsales@brianbell.com.pg

Brian Bell  
Shop with a friend

# Snekman na dokta laik sevim laip

Veronica Hatutasi  
i raitim

...200 dai long snek long PNG

WANPELA Proposep o ripot i stap nau wantaim Helt Dipatmen long PNG i ken wokim ol anti snek venom marasin o marasin bilong kilim dai posin bilong snek long man we posin snek i kaikaim ol long PNG na sevim moa laip.

Mak long ol manmeri na pikinini we i ol haus sik i gat rekot long dai

bihain snek i kaikaim ol long PNG i sanap long 200 tasol mak i ken go antap long 800 wantaim ol dispela we i nogat rekot long ol. Na dispela mak i antap tumas.

Long wankain taim tu, anti venom marasin we ol i save kisim long Australia i kostim bikpela mani tumas.

"Snekman" Dokta Mark O'Shea na wan-

wok bilong em, Dokta David Williams i tok olsem bihainim wanpela wik menesmen woksop ol bin holim long Medikel Fakalti long Pot Mosbi las wik.

Tupela i tok ol i laik lukim mak i go daun na olsem, ol i laik lukim PNG i mas wokim anti venom marasin bilong em yet.

130 helt woklain long

olgeta hap bilong PNG i bin sindaun long wanpela menesmen kos bilong kisim save long lukautim ol manmeri na pikinini i kisim birua long snek i kaikaim ol.

Snekman Dokta O'Shea i no nupela long PNG bikos stat long 1986, em i go na i kam long PNG long karimaut ol wok risets long ol snek long PNG. Em i

wok wantaim Venom Risets Yunit wantaim Melbon Yunivesiti long Australia.

Snekman Dokta i gat ol Televisen Dokumenteri long Televisen program ol i kolim Animal Planet na Discovery Channel we em i wokim 4-pela siris program na 3-pela muvi long ol snek na lisat long PNG. Em i wok long 30 kantri long wol.

Menesmen kos ya i skulim ol helt woka long besik Fes Aid olsem givim stretpela fes eit i go long ol lain we snek i kaikaim ol, putim banis long raitpela eria, rot long glasim gut snek bait na givim anti venom o snek posin marasin na rot long sindaunim gut long kisim bek win long man we snek i kaikaim na rot long pulim win i blok bikos long posin bilong snek.

Sentrel provins, Westen, Milen Be na Oro i save bungim planti dai na hevi long posin snek i kaikaim pipel long en.

Long moa long 100 narakain snek long PNG, 6-pela em ol posin snek. Em long Papua Taipan, Papuan Blek, Niugini Smol Ai na Blek Wip Snek.

Dokta O'Shea na Williams i tok Australia i gat ol wankain snek olsem long PNG tasol mak bilong pipel i dai taim snek i kaikaim ol em tupela tasol insait long wanpela yia.

"Mipela i laik daunim mak long pipel i dai long taim snek i kaikaim ol long PNG.

"Ol pikinini na ol yangpela i save kisim birua na dai long snek i kaikaim ol bikos ol i save wokabaut planti. Na dispela grup pipel i gat longpela laip yet long stap long en," Dokta Williams i tok.

Pot Mosbi Jenerel Haus sik i save kisim samting olsem 150 pipel we snek i kaikaim ol na ol i dai.

Dokta Williams i tok pe bilong anti snek venom i kostim bikpela mani tumas.

Mak bilong baim wanpela botol i stap namel long K4-5,000 bikos ol i baim long Australia we strong bilong kina i stap daunbilo skelim wantaim mani bilong Australia na tu, holsel i save putim prais bilong em i go antap moa.

# Nesanel yut bung

Noreen Dada  
i raitim

askim bilong Nesanel Yut Toktok we ol bai autim long dispela bung.

OL yut insait PNG bai gat sans long autim tingting bilong ol long Milieniem Divelopem (MDGs) bilong kantri taim namba wan Nesanel Yut Bung i kamap long neks wik insait Pot Mosbi.

As long kirapim dispela bung i long bungim ol yut long wan wan provins long glasim na toktok long eitpela MDG bilong kantri we bikpela lukluk i go long pait agensim poveti, hangere, sik, pasin long daunim luksave bilong ol meri, bagarap long graun na namba bilong ol pipel husat i no inap rit o rait.

Nesanel Yut Bung i lukluk long bungim moa long 150 yut namel long 15 na 25 pela krismas husat planti bilong ol i ol memba bilong ol yut grup na husat bai go pas long karim aut

Nesanel Yut Bung Komiti Siaman Emmanuel Pok i tok bung i long helpim ol yut kamap strong insait divelopmen bilong kantri long karim aut ol MDG na helpim long pait agensim HIV/AIDS.

Ol spika husat bai toktok long dispela bung i kam long olgeta sekta long komyuniti olsem lo, sios, meri grup, non gavman oge-naisesen na ol gavman dipatmen.

Yunaitet Nesens Pikinini Fan (UNICEF) i go pas long fanim dispela bung we bai kamap long Mande 25 Septemba inap 29 Septemba long PNG Institut ov Pablik Edministresen.

# Australia Yut Voluntia gutbai

Noreen Dada  
i raitim

WANPELA samting we i ken helpim kantri kamap i long gat gutpela prensip wantaim ol klostu kantri na gutpela ples long stat em long grasrut level.

Gavana Jeneral Gren Seif Sir Paulias Matane i mekim dispela toktok long gutbai serimoni bilong ol yut voluntia bilong Australia husat i stap insait Koiari, Sentral Provins.

Sir Paulias i autim amamas bilong en i go long Yut Inisativ Program bilong Koiari Holdings wantaim Australia Voluntia Intanesenel long kirapim kain prensip we i promotim gutpela sindaun.

Sir Paulias i tokim ol pipel bilong Koiari olsem ol i lainim ol tingting, pasin na kalsa bilong ol yangpela pipel bilong Australia na long wan kain taim tu lainim ol bihain taim lida bilong Australia long ol tingting, pasin na kalsa bilong PNG.

"Mi amamas long bungim dispela liklik namba bilong ol yut bilong Australia insait kantri bilong yumi.


Olgeta yia AVI i save bringim ol yangpela i kam long PNG we i strongim moa gutpela prensip na rispek namel long Australia na PNG."

Sir Paulias i go het long tok olsem midia bilong PNG i save laik ripot planti taim long ol nogut samting we i kamap insait long kantri olsem na ol pipel bilong narapela kantri i ting yumi ol raskol.

"Mi gat hop olsem yupela ol memba bilong AVI i ken helpim long stretim dispela kain luksave na tingting.

Mi save olsem yu yet i lukim olsem yumi i naispela kantri wantaim gutpela pipel tasol hevi bilong yumi em yumi i nogat inap save long lukautim ol risos we God i givim yumi.

Dispela i no asua, dispela em i hap samting long divelopmen," Sir Paulias i tok.




SNEKMAN: L-R:Dokta David Williams na "Snekman" Dokta Mark O'Shea laik daunim mak long pipel i dai bihain long posin snek i kaikaim ol long PNG.



**"OL I KISIM MERI I BIN SIN NA BRINGIM EM I KAM LONG JISAS".**

Orait ol sava man bilong lo na ol Farisi i kisim wanpela marit meri ol i bin lukim em i mekim pamuk pasin na ol i bringim em i kam na mekim em i sanap long ai bilong manmeri. Na ol i tokim Jisas olsem, "Tisa, dispela marit meri i bin mekim pasin pamuk na ol i lukim em. Long lo Moses i bin tok olsem, yumi mas tromol ston long kain meri olsem na kilim em i dai. Na yu tok wanem?" ol i mekim dispela tok bilong traim em long wanem, ol i laik bai em i mekim wanpela tok ol i ken kotim em long en. Tasol Jisas i lindaun na i rait long graun long pinga bilong em

Jon 8:3-8



## COFFEE INDUSTRY CORPORATION LTD

WEEKLY MARKETING PRICES -Week ending 14/09/06.  
NOTE: All prices are quoted in Kina per kilogram.

	GREEN BEAN (Delivered-In-Store)				PARCHMENT (Factory Door)				CHERRY	
	ARABICA				ROBUSTA	ARABICA		ROBUSTA		Cherry
	A	X	PSC-X	Y1	Robusta	Class 1	Class 2	Robusta		
KAINANTU	NB	NB	-	NB	-	3.85 to 3.90	3.55 to 3.80	-	- to 1.15	
GOROKA	6.50 to 7.50	6.00 to 6.50	5.30 to 6.25	5.20 to 5.90	-	3.80 to 3.95	3.30 to 3.85	-	1.05 to 1.10	
KUNDIAWA	NB	NB	-	NB	-	- to 3.80	NB	-	-	
MINJ/BANZ	NB	NB	-	NB	-	3.20 to 3.60	3.10 to 3.40	-	1.00 to 1.05	
MT. HAGEN	NA	NA	-	NA	-	3.30 to 3.50	3.20 to 3.40	-	- to 1.08	
LAE	- to 6.50	- to 6.20	- to 5.30	- to 5.20	-	3.10 to 3.30	- to 3.00	NQ	-	
ASEKI	NB	NB	-	NB	-	NB	NB	NQ	-	
AVERAGE	6.77	6.24	5.72	5.58	NQ	3.51	3.37	NB	1.07	

NQ: I Nogat Prais. NB: I No Baim. NA: I No Gat

Arabika kopi prais i pinisim wik daun liklik inap long 9 cents bihainim rot bilong em i go daun. Long bris bilong sip, indikativ net F.O.B bilong Y-Gret i pinis daun moa long K5.63/kg insait long dispela wanpela wik.

Averes DIS prais bilong Y-Gret i pundaun moa yet dispela wik inap long K0.16/kg taim averes faktori dua prais bilong pasmen i wok long go daun tu long kam sindaun long K3.51/kg. Seri prais i stap wankain yet long K1.07/kg.

### Lukautim Kopi Na Kopi Bai Lukautim Yu

# Pop Benedict tok sori long ol Muslim

...Bikpela kros long toktok em i wokim

HETMAN bilong moa long 1.3 bilien Katolik pipel long wol, Pop Benedict 16 taim em i autim tok sori i go long ol Muslim lotu memba long sampela toktok em bin mekim ol i no wanbel long em i askim ol long gutpela toktok wantaim ol.

Long namba wan pablik etres bilong em long wiken taim em i kam bek long Bavaria, Jemeni Pop Benedict 16 i tok: "Mi autim bikpela tok sori tru long kamapim bel nogut long sampela toktok em wantaim ol sampela hap toktok mi bin wokim long Regensberg Yunivesiti na kamapim belkros long ol Muslim pipel."

"Dispela ol hap tok i no bilong mi. Mi bin kisim long toktok bilong Baisantine Empera Manuel 2 Paleologus bilong Pesia em bin wokim long Ankara, kantri Teki long samting olsem yia 1391," Pop i bin tok long sama haus, Castel Gandolfo we ol pipel i bin bung long pre Angelus long ren taim.

Pop Benedict 16 i bin kisim tok bilong Empera we i sut long Jihad" o Holi Woa: "Soim mi Mohamed i bringim wanem nupela samting na bai yu painim ol samting i no gutpela (evil) na bagarapim man (inhu-

man) olsem strongpela tok (koman) long yusim "sword" o bainat long autim bilip".

Kadinel Seketeri bilong Stet, Tarcisio Bertone SBD i mekim klia toktok bilong Pop Benedict 16 na tok sios i gat bikpela luksave long Muslim lotu husat i luksave tu long wanpela God i mekim heven na graun na i toktok long Abraham husat lotu Islam i givim bikpela luksave long en.

Em i tok Pop i sapotim ol inta rilijes na kaiserel toktok na wok na dispela i bin kamap long ples klia long Kolon Jemeni we em bin tok yumi mas lainim rot bilong kamapim belgut pasin na luksave long wanpela narapela na stap wantaim.

"Long hap tok we Pop i kisim long Empera manuel 11 Paleologus na autim long Regensburg Yunivesiti, Papa santu i no bin autim olsem toktok stret bilong em, nogat. Em bin yusim olsem tok piksa long rilesensip namel long rilijen na vailens na long rijektim as long yusim lotu long wokim vailens o pasin bilong kilim dai," Kadinel Tarcisio i tok.

## Ol Bogenvil eks paitman bai kisim alauwens

Veronica Hatutasi

MOA long 4,000 eks resistens paitman long Bogenvil (BRF) klostu taim bai kisim ol alauwens bilong ol.

Manimak long alauwens ol bai kisim em K10 milien.

Helt na Bogenvil Afeas Minista Sir Peter Barter i tok Nesenel Gavman i katim dispela manimak olsem fainol peimen long olgeta kleim o wok we ol eks paitman i bin mekim we i sut long Bogenvil hevi.

Wan wan long ol 4,085 BRF memba we nem bilong ol i stap long lista bai kisim K2,447/98.

Ol bai kesim sek long Pot Mosbi na karim i go long Bogenvil na tilim i go long ol memba.

Sir Peter i tok Bogenvil Etmintresen bai helpim long wok bilong givim ol mani i go stret long ol wan wan man. Husat i soim rait luksave pepa olsem em man stret long kisim alauwens mani.

Sir Peter i salim pas pinis i go long Presiden Kabui long toksave long disisen bilong Nesenel

Eksekutiv Kaunsel na tu, long painimaut long tok orait Bogenvil Etmintresen i bin mekim long sapotim wok bilong tilim gut mani i go long ol wan wan BRF memba.

Sir Peter i tok moa olsem dispela em laspela peimen gavman i mekim i go long ol eks paitman.

Em i tok mani i stap tasol ol i no makim yet de ol bai wokim peiaut.

Minista i tok dispela kalsa bilong singaut long kompensesen i mas pinis nau.

Em i askim strong ol BRF memba long yusim gut mani long helpim ol famili na ol yet.

Long wankain taim tu, Sir Peter i bin holim wanpela bung wantaim ol Foren Afeas na Tred, ol lain i makim ol Hai Komisin na ol intenesenel ogenaísesen wantaim ol opis long PNG long mekim klia long ol rot ol bai bihainim bilong komyunikesen na wok bung namel long ol.

Wanpela long ol samting we Minista Barter i bin toktok strong long en em

Bogenvil i hap yet bilong PNG na ol pawa long Foren Afeas sait i stap aninit long han bilong PNG Gavman.

Tasol wanpela samting i narakain i stap aninit long arenjimen bilong Bogenvil Otonomi em ol lain i makim Otonomes

Bogenvil Gavman i mas stap insait long ol tok-tok.

"Ol Diplometik na Intenesenel lo i luksave olsem wanpela ABG memba i mas stap long ol samting i sut long ol foren gavman na intenesenel ogenaísesen.

## POSF TOKTOK SUPA

Insait long Toktok Supa las wik, mipela i tok klia wanem samting em Ritaiamen Sevings Akaun...dispela wik mipela bai lukluk long:

### Husat i ken opim wanpela Ritaiamen Sevings Akaun?

Long winim luksave inap long opim wanpela Ritaiamen Sevings Akaun, yu mas inap long widdroim suparenuesen bilong yu we yu mas pinis long wok bihain long yu abrusim krismas inap long 55 yia, o 25 yia sevis (Polis, CIS na Paia Sevis we ritaiamen krismas bilong ol em 50 o i go antap moa, o 20 krismas wok).

We wanpela memba husat i no bungim yet krismas bilong lusim wok i pinis wok na i no painim nupela wok em i ken soim klia long trasti insait long 12-pela mun we em i no wok, em ol i ken opim wanpela RSA akaun long pinis bilong dispela 12-pela mun.

Dispela akaun i no bilong ol POSF Memba tasol. Em i op long olgeta memba bilong olgeta Otorais Suparenuesen Fan (Authorised Superannuation Fund). Sapos yu wanpela komtributa bilong wanpela arapela otorais superenuesen fan yu ken askim Trasti (Trustee) bilong Fan (Fund) long putim olgeta lusim wok benefit i go insait long wanpela RSA akaun bipo long yu lusim fan bilong yu yet.

Sapos yu mas wok long taim yet bipo long yu lusim wok o ritrens yu mas stat plenim kwik mani sindaun bilong yu bilong bihain taim. Moa yet, taim yu lusim wanpela superenuesen fan, yu bai nogat luksave moa long opim dispela kain akaun gen. Yu mas klia long tingting bilong yu sapos yu laik yusim dispela akaun o nogat bipo long yu lusim Fan. Yu mas soim POSF olsem yu redi long opim wanpela RSA.

### Yu ken investim hamas insait long wanpela RSA?

Taim yu klia long hamas yu bai investim i kam long fainel superenuesen benefit i go insait long RSA, bikpela mak bilong mani yu ken investim em K100,000.

Long kisim moa toksave, Plis ringim POSF Memba Sevices. PH: 3095244 o Kina Investment & Superannuation Sevices PH: 180 1010 (toll free namba o namba i nogat kos long yusim).

## Ol Buku fama givim bikpela tenkyu long CIC

James Kila i raitim

MOA long 160-smolholda famas bilong Buku Kopi groas grup insait long Kensok na Bedas eria bilong Sumgilbar lokal level gavman eria long Madang provins i givim bikpela tok tenkyu bilong ol igo long Kopi Industri Koporesin (CIC) long givim trening long ol long wok bilong kopi bisnis.

Dispela ol lain famas long las wik i bin kisim setifiket o hap pepa we i soim olsem ol i kisim trening na i ken go insait long wok bilong kopi insait long eria bilong ol.

Buku kopi grup i bin wok klostu wantaim CIC bihain long ol i bin putim wanpela aplikasin bilong ol long CIC i ken go na helpim ol long karimaut ol wok painimaut i go insait long ol hevi ol lain fama na ol viles long dispela eria i gat.

Long las wik kaunsila bilong Bedas na Kensok husat i save makim ol insait long Sumgilbar LLG i bin mekim bikpela tok amamas bilong em i go long CIC na i tok olsem pastaim tru ol i ting olsem CIC bai kam stap wantaim ol liklik taim tasol na lusim ol. Tasol dispela pasin bilong wok klostu wantaim i kamapim gutpela wok poroman namel long CIC na ol dispela lain smolholda fama.



GIVIM SETIFIKET: CIC Bod Dairekta NICK LALOP long lephan i givim setifiket igo long Mista Alois Bedum long Kensok viles long las wik.

Ol lain famas i givim bikpela tok tenkyu bilong ol i go long CIC Fama Trening na Extensin menesa Fabian Api wantaim CIC provinsel opisa Philip Puke wantaim mobail ektensin opisa Ambrosia Saito long stap klostu wantaim ol long givim gutpela tingting long ol long sait bilong wok kopi.

Dispela greduesin bilong dispela ol lain fama i lukim ol i kisim setifiket long sait bilong kopi-hasbendri na tu long bisnis menesmen.

Dispela bung i bin kamap long Kensok viles na i lukim planti ol lain olsem Madang provinsal DAL Etwaisa

Gane Agodiop, ol lain opisa bilong Wol Visen long Madang olsem Smith na Albert Malagian wantaim ol lain bilong DAL i bin stap long witnes long en.

Tupela bikman we i bin makim CIC long dispela seremoni em CIC Bod Dairekta makim Momase rijen, Nick Lalop wantaim CIC Jeneral Menesa bilong Risets na Groa Sevices Divisen, Potaisa Hombunaka.

Mista Hombunaka long toktok bilong em i tok welkam long ol lain bilong Buku long go insait long joinim ol famili bilong kopi famas insait long PNG.

Mista Hombunaka i

tokim ol lain famas olsem kopi em i bikpela samting tru long sait bilong kisim mani insait long wok tude. Long wol komoditi kopi i kamap namba-tu long ol.

Olsem na dispela ol lain fama bilong Buku i mas amamas olsem ol i joinim wanpela bikpela famili tru insait long wol. Em i tokaut tu olsem kopi i save gat maket bilong en olgeta taim. Taim ol fama i karim kopi i go long maket ol baiya bai resis long baim kopi bilong ol.

Mista Hombunaka i tok tu olsem kopi tasol i bin helpim PNG long kisim independens long 1975. Taim ol lain papa bilong kantri bifo i lukim

# Arawa holim Mis Atonomes Bogenvil so

Aloysius Laukai i raitim

BIPO kapitel bilong Not Solomons Provins, Arawa i kirap laip long wiken taim Bogenvil Red Cross brens i holim namba tri so bilong Mis Atonomes Bogenvil.

So i bin kamap long Sarere i hap so bilong resis long painim wanpela long makim rijen long 2006 Mis PNG Resis we bai kamap long mun Disemba.

Dispela so we i kamap long Arawa em talen so we ol meri husat i stap long resis i soim kala bilong ol long singsing, danis na skil long stopim ol lain long givim bagarap long ol.

Stail we i mekim ol pipel i laikim tru em sekim sekim danis bilong Polenisien we ol pikinini meri bilong Nissan ailan i wokim.

Dispela i makim namba wan taim kain resis olsem i kamap insait long Arawa bihain long hevi bilong provins na i kirapim bikpela laik namel long ol pipel husat i laik lukim so bilong Sponsa Nait long mun Nembemba long kamap insait Arawa gen.

Siamer bilong Bogenvil Red Cross brens Mis Salome Rihata i tok so i wanpela win stori na em i tok tenkyu long pipel bilong Arawa long mekim em kamap win stori.

Ol meri husat i stap insait dispela resis em Mis Starnorth Construction Limitet, Judith Kisu, Mis Quella Alliance na Consultancy Limitet, Francesca Willie, Mis Travel Car, Sylvis Hosea, Mis Roadways Limitet, Mary Nikauri, Mis Islands Boutique, Natalie Tohiana, Mis STI Treding, Alexier Dasi, Mis Agmark Pasifik, Brenda Tibola, na Mis Xerox Studio, Roseanne Kauona.

Ol bai makim Mis Atonomes Bogenvil long Disemba 16 long Buka.

Long wan kain taim, Siaman bilong panel bilong ol jas, Wilfred Lessi i givim wanpela toksave i go long wanpela jas long noken jas moa.

I gat bilip olsem dispela jas Siaman i tok long rausim em i wanpela 'save lain' long wanpela meri husat i stap insait long Mis Atonomes Bogenvil resis.



SIOS SELEBRESAN: Ol meri long ol Katolik daiosis long PNG i bung na selebretim wanpela bikpela lotu pestode long Rakunai Peris, Is Nu Briten provins. *Fail Poto*

## Bogenvil kirapim gen kalsarel so

Aloysius Laukai i raitim

OL wok long kirapim namba wan kalsarel so bilong Bogenvil insait Buka i wok long kamap long dispela taim.

Siaman bilong Bogenvil So Komiti, Chris Hakena i tok dispela so bai makim

namba wan taim we olgeta pipel bilong Bogenvil i ken kam na lukim. Mista Hakena i tok laspela so ol i bin holim i bin kamap long yia 1993 taim sampela hap bilong Bogenvil i stap namel long hevi na i no i bin inap long stap insait kain so.

Em i tok kalsarel so long dispela yia bai gat ol kain samting olsem

kanu resis, kwaia singsing, ben resis na tu ol at na kraf so wantaim ol singsing na danis.

I bai gat tu ol bisnis na agrikalsa prodak stol i stap wantaim planti moa.

Mani mak long ronim so i sanap long K500,000 we Atonomes Bogenvil Gavman i givim pinis

K100,000. Arapela K400,000 em Siaman Hakena i tok bai kam long ol sait bilong sponsa.

Divisen bilong Praimeri Indastri i go pas long ronim so we Sief Eksekutyutiv Opisa Patrick Koles i tok ol i wok long toktok yet wantaim ol sponsa long helpim wantaim fandim bilong so.



**ELECTORAL COMMISSION**  
Papua New Guinea



### ENROL NAU

Ilektorel Komisin nau i wok long karimaut nupela Enrolmen Rejistresen bilong 2007 Nesanel Ileksen bilong olgeta provins. Ilektorel Rol bilong 2002 mipela i lusim pinis. Em i min olsem mipela bai no inap yusim neks yia.

**Yu bai Vot insait long 2007 Nesanel Ileksen sapos nem bilong yu I STAP insait long Ilektorel Rol**

Sapos yu gat 18 krismas o moa long 18 krismas na nem bilong yu I **NO STAP** long Ilektorel Roll, yu **MAS** go lukim Provinsel Ileksen Menesa o Distrik Opis klostu long yu long stretim wanpela Enrolmen Fom pepa **NAU**.

Tingim!!! Dispela ekksesais I **NO** bilong **APDETIM** o stretim 2002 Ilektorel rol. Em i wanpela nupela enrolmen progrem bilong wanpela **NUPELA ILEKTOREL ROL BILONG 2007**.

Sapos Ilektorel Rol i stret, em bai givim strongpela bilip na tingting long olgeta manmeri olsem ol Ileksen insait long PNG i Fri na i Stret.

**TINGIM!!! ENROLMEN EM OLGETA MANMERI I MAS MEKIM na VOT BILONG YU EM I BIKPELA SAMTING**

Tok Orait i kam long Ilektorel Komisina  
**ANDREW S. TRAWEN, MBE**



TAIM BILONG AMAMAS: I bin wanpela gutpela de bilong amamas long 31 yia krismas bilong PNG. Hia em ol mama na pikinini long Kimbe i bilas na redi tasol long selebretim de.

## Loirengau Hau sik gat nupela bot

LOIRENGAU Jenerel Haus sik long Manus provins i gat nupela haus sik bot. Bihain long ol i rausim olpela haus sik menesmen las wik.

Manus Provinsel helt bot i bin wokim dispela senis bilong wanem em i laikim bai Loirengau haus sik bot i ken ron aninit long nupela sis-

tem we tupela helt na haus sik bot i kam aninit long em.

Provinsel Etministreta bilong Manus na bot Siaman Wep Kanawi i tok dispela em namba wan wok we bot ol i makim i no long taim, i mekim.

Mista Kanawi i tok planti komplem i bin

kam long pablik long menesmen bilong Loirengau Haus sik na olsem, ol i wokim dispela senis.

Em i tok ol i no rausim olpela bot tasol ol i senisim ol na nupela lain i i ken strongim tingting long mekim wok long sevim haus sik.

# Telepon sistem joinim Goilala

Andrew Molen  
i raitim

WANPELA nupela komyunikesen sistem long Aroa wara namel long Kairuku na Goilala distrik long Sentral provins bai helpim ol pipol long toktok wantaim ol arapela long wol.

Dispela nupela sistem we i kos moa long K60, 000 em i kamap wantaim helpim bilong helpim pilong Sentral provinsal gavman.

"Wanpela tingting bilong dispela provinsal gavman em long kisim gutpela infrastraksa i go long ol pipel," Sentral provins Gavana Alphonse Moroi tok.

Em i tok laip bai kamapim isi taim i gat gutpela rot i gat gutpela rot bilong ol manmeri long kisim ol samting bilong ol i go long maket.

Tasol nau ol i ken toktok wantaim ol lain bilong ol narapela hap long provins, long kantri o long wol.

"Yupela i ken toktok wantaim mipela long het opis long Konedobu," Mista Moroi tok.

"Mipela i putim planti samting i go insait long mekim dispela kain sevis i kamap long yupela," em i tokim ol manmeri long Baina

aste. Dispela telefon sistem i kamap wantaim wokbung bilong provinsol gavman, Telikom na Nasyi 98, wanpela loging kampani we i wok long helpim long developim graun long hap.

"Komyunikesen em i wanpela bikpela samting tru na nau em i kamap long ol pipel long ruel eria na dispela em i gutpela tru," Menesing Dairekta

bilong Nasyi 98, Jack Goh i tok.

Em i tok dispela kain sevis i nap kam long ol pipol taim ol pipol i wokbung wantaim divelopa.

Dispela telepon sevis bai givim ol pipol long dispela hap sans long toktok dairek stret wantaim ol arapela insait long wol.

Dispela telefon sistem bai salim mak i go

stret long ol masin long spes we bai salim i kam bek long bikpela Stesen long Gerehu long Pot Mosbi na bai karim toktok bilong ol i go wanem hap long graun.

Telikom i tok bai gat 6-pela telefon we ol i ken yusim "Telikad" long ring i go aut.

Mista Moroi wantaim ol bikman bilong ples i lonsim dispela projek long Baina aste.



HELLO: Gavana Moroi wantaim helpim bilong Telikom wantaim ol arapela nau i kisim telepon sevis i go long ol pipel long Baina.

## Sans long rausim olupela wara bil

OL manmeri husat i gat olupela wara bil long yia 2004 i go bek long 2003 na bipo i gat sans yet long askim Eda Ranu long rausim dispela olupela bil bilong ol.

Menesmen bilong Eda Ranu i tokaut olsem ol manmeri wantaim olupela wara bil bilong bipo i ken salim pas i go long ol na askim long rausim dispela bil tasol sampela liklik samting ol manmeri i mas mekim em,

- pinisim gut wara bil bilong 2005 na 2006

- peim 2005 na 2006 wara bil inap long Novemba 6.

Dispela em wankain sistem we Eda Ranu i bin karimaut long fas yia 2005 aninit long Amnesty Program we kampani i rausim olupela wara bil bilong planti manmeri long

Mosbi siti. Ol dispela bil Eda Ranu i rausim i mak olsem K30 milien olgeta.

Menesmen i tok taim ol manmeri i stretim dispela tupela poin antap ya, orait bai bod i sindaun na skelim pepa bilong ol manmeri husat i askim long rausim olupela wara bil bilong ol.

Dispela sans i kamap gen bikos planti manmeri i wok long singaut yet long Eda Ranu long hevi bilong wara bil bilong ol.

Menesmen i tokaut tu olsem dispela nupela pri peid mita sistem bilong wara bai i no inap kamap hariap yet. Bai kampani i traim tasol inap em i kisim ol bekim i kam long ol gayman dipatmen na ol haus we Eda Ranu i bin toktok pinis wan-

taim ol long traim dispela pri peid mita bilong wara. Nau yet i nogat wanpela strongpela ripot yet long kari-maut dispela nupela sistem bilong wara mita.

Menesmen i tokaut tu olsem ripot we Eda Ranu i no inap kamapim wanpela nupela reit long wara inap 8-pela krismas bihain bai ol i toktok long en wantaim ICC. Bikos ICC i save bosim ol lo i banisim ol prais na kos bilong ol sevis na ol samting long stua.

Siaman bilong Eda Ranu, Timothy Bonga i tok tu olsem kampani i wok long traim kisim K200 milien lon o dinau long stretim gut na opim dispela siweris sistem long siti. Em ol paip na sistem bilong ol

pipa wara bilong haus olsem toilet, haus kuk bilong wara. Mista Bonga i tok dispela em bikpela samting bikos namba bilong ol manmeri long Mosbi siti i bikpela nau long mak olsem 300,000 na sistem ya i liklik tru na klostu bai ol paip i bruk nabaut. Ol dispela paip tude i bin stap bipo long 1970 i kam taim namba bilong ol pipel i bin 30,000.

Mista Bonga i tok dispela dinau em Nesenel Gavman i no inap bekim. Em samting bilong ol pipel bilong Mosbi yet long bekim long taim ol i kam peim bil bilong ol. Tasol Gavman i gat wok long stretim rot bilong dispela lon long kamap bikos Eda Ranu em bisnis bilong Gavman, Mista Bonga i tok.



WANTOK • WEEKENDER • NAMBAWAN

# FAMILY DEALS



When 2 adults book a special fare,



the first child travels at 50% OFF the special fare,



& the 2nd child travels for FREE!

**CONDITIONS APPLY**

- Travel must be completed by 05th December 2006.
- 50% children's fare & free child still pay applicable taxes & surcharges.
- Family must all book & travel together in the same class of service.
- Additional children pay normal child's fare.

Call 327 3444 NOW

or visit your nearest Air Niugini office or Travel Agent for further information & conditions



# Karawi viles kisim K500,000 helpim

Noreen Dada i raitim

OL viles insait Karawi long Anoram Is Sepik provins i kisim moa long K500,000 helpim long ol nupela fementri long memba bilong ol, Arthur Somare.

Dispela em bilong helpim go hetim ol agrikalsa progrem insait long provins.

Memba bilong Anoram Arthur Somare i givim ol dispela helpim taim em i raun i go long Anoram long las Fonde.

Anoram distrik insait long Is Sepik i go pas long ol nara-pela lain long provins

long groim kakao bikos long helpim we memba bilong ol i givim long kirapim Kakao Kokonas Progrem (KKP) 8-pela yia i go pinis.

Mista Somare i tok taim em i kirapim KKP progrem long 1997, moa pipel i kisim ol sid na i wok long groim planti kakao moa.

"Pipel i nau lukim kaikai bilong dispela progrem na nau i gat mani long poket bilong ol.

Kakao em potnait pe bilong yu na Anoram bai go het long groim moa kakao long ol yia i kam bihain," Mista Somare i tok.


Anoram i save groim 4000 metrik tons long kakao olge-

ta yia na dispela em namba memba i tok i abrusim prodaksen level bilong Is Sepik provins.

"Wok bilong mi nau em long lukim olsem yu gat fementri na long lukim olsem yu gat trenspot long karim prodak bilong yu i go long maket.

Olsem na mi givim ol dingi long olgeta viles insait Anoram long helpim ol pipel long karim kakao bilong ol i go long maket.

Mista Somare i go het long tok olsem dispela bai helpim tu agrikalsa progrem em i kirapim arere long Sepik wara we foapela ten na tupela (42) fementri i kamap pinis.



HATWOK NA PUTIM WAS: Ol dispela polis man na meri i bin wok hat long lukautim stap na sefti bilong pablik long Madang long longpela indipenden wiken. *Fail Foto*

# Sekyuriti sevis helpim tru komyunititi

Fuzo Paul i raitim

WANPELA sekuriti sevis bilong wanpela asples man Kairiru slong Is Sepik i wok long helpim ol yut na ol lain i nogat wok long kamapim gutpela sindaun long komyunititi na ples.

Ailan Sekuriti Sevis i bilong Mista Kalsagai bilong liklik ples Yiwun long Kairiru Ailan, Is Sepik provins.

Mista Kalsagai i bin rijistaim kampani long Pot Mosbi long yia 1999. I kam inap nau, kampani i kisim bikpela bisnis long Westpek Beng, Pos PNG, Telekom PNG, Sepik Sevings na Lon Sosaiti, Kristen Buk Melanesia, Wewak kemis na Briaj Bel Invesmen.

Ailan sekuriti i givim (sekuriti ) sevis i go long Stetik Gads Seveilens patrol, kes

esko o ol lain i laik kisim bikpela mani i go long beng na VIP eskot. o ol bikman long gavman, sios o ol praivet kampani.

Mista Kalsagai i tok em bai givim moa sapot long ol yut na komyunititi long lukim olsem pasin long nogat wok na lo na oda hevi insait long provins bai go daun.

Tasol long kamapim dispela tingting, em i min olsem olgeta sekta

i mas putim han wantaim long kamapim gutpela wok bung wantaim.

I min olsem olgeta sekta i mas putim liklik liklik long kamapim gutpela wok bung, a i moa-beta long gavman na ol praivet i givim moa risos long ol yut na komyunititi long lukim olsem konfidens o luk-save i mas stap namel long olgeta stekholda, Mista Kalsagai i tok.

# Stek holda na pablik mas wok bung wantaim

Noreen Dada i raitim

EKTING Provinsel Edministreta bilong Madang i autim tingting bilong en long wanem samting ol pipel i mas mekim long kamapim provins.

Mista Kassas i tok long ol yia i go pinis, ol i bin inap long strongim helt na edukesen sevis na tu trenspot infrastraksa insait long provins tasol long ol nau taim, ol i no inap mekim.

"Bikos long sampela nogut polisi disisen na i no gutpela tingting long bihain taim, ron bilong dispela ol sevis i no gutpela.

Mipela nau i wok long lukim bikpela namba bilong ol pipel i wok long kam insait long provins we i putim bikpela presa long helt na edukesen sevis.

Dispela tu i apim lo na oda hevi na long dispela taim, yumi mas wok bung wantaim long daunim sampela bilong dispela ol sosel hevi," Mista Kassas i

tok. Em i singaut long pasin long wok bung wantaim long kamap strong namel long ol stek holda na i singaut long olgeta long noken tingting planti long ol hevi bilong bipo bikos em bai banisim developmen.

"Ol pikinini tu mas kisim skul long kamap gutpela man na meri bilong dispela kantri bikos ol bai helpim long kamapim dispela yangpela kantri bilong yumi."

# Madang tingim ol lida bilong nau na bipo

Noreen Dada i raitim

OL lida mas glasim win na lus stori bilong kantri long helpim long mekim senis long lukim kantri i kamap.

EKTING Provinsel Edministreta bilong Madang Provins Galun Kassas i autim dispela toktok taim ol i makim Indipendens De sele-bresen long Laiwaden

spot graun insait Madang long las Sarere.

Long wan kain taim em i autim amamas bilong en i go long ol lida husat i helpim long bringim developmen i kam long kantri.

Em i strongim tu ol pipel bilong provins long wokim sampela samting long mekim kantri i kamap.

"Olsem ol pipel bilong dispela naispela provins, glasim wok bilong mipela mas kamap insait ol haus bilong mipela, hauslain na distrik.

Ol pablik seven na ol lida mas gat komitmen long sevim ol pipel long nem bilong developmen na gutpela sindaun," Mista Kassas i tok.



TIATA GRUP: Bagiai Tiata Grup i redi long putim kamap pilai na musik bilong ol.

Foto: Fuzo Paul

# SOE tingim bek self gavman

Timon Henry i raitim

STET ov Imejensi (SOE) Sauten Hailans Provins (SHP) i bin selebretim teti -wan (31) Indipendens de long tingim bek Papua Niugini i kisim Sel gavaman long 1975.

Ten tausen pipel i bung long Momei oval long selebretim indipendens wantaim ol Sekyuriti Fos, insait long dispela taim indipendens i bin kamap moa biutiful wantaim ol Papua Niugini Difens Fos ben na Polis ben i bin provaidim gutpela musik long ol pipel bilong stet ov imejensi (SOE) provins.

Long dispela taim kontrola bilong stet ov imejensi (SOE), Gary Baki, i tok long bikpela kraud long Momei oval long wik i go pinis olsem ples bai i senis sapos ol manmeri i senisim pasin bilong ol. Nesenel gavman tude i nau i diklerim Stet ov Imejensi (SOE) long lukluk hariap long wanme samting i bagarap long dispela provins na traim long ristorim ol besik sevis i go long wanwan sab senta insait long Sauten Hailans provins. Olsem na em i askim ol pipel bilong dispela provins long sapatim ol wok bilong ol sekuriti fos long kirapim bek ples na brigim bek ol sevis.

Makim maus bilong olgeta bisnis bilong Sauten Hailans provins na menesa bilong Menduli, mista Robert Posu i tok, "Long taim bilong Indipendens de olsem ol faiv handret tausen pipel husat i kam bung hia em i fes taim tru inap long hamas yia i go pinis na nogat wanpela kain bung i save kamap long taim bipo, olsem na nau ol pipel i gat bikpela bilip olsem provins bai senis."

Insait long dispela taim em i apil i go long Minsita bilong Inta Gavman Rilesens, Hon. Sam Abal olsem stev ov imejensi (SOE) i mas surukim taim i go inap long 2007 inap ol pipel

i makim gutpela lida bilong ol. Em i tok bipo provinsel senta i no bin stap olsem bikos dispela provins i bin ron long fri henaut (Free hand out) kes mani na ol yut i bin ron long Mendi taun wantaim busnaip na dispela i brigim long stilim mani bilong ol manmeri na planti i kisim pen nating olsem na wanem wok kontrola bilong stet ov imejensi, Gary Baki i wokim long hia em i mas pinisim inap provins i go bek long nomel. Em i gat gutpela plen na em i mas go het long mekim.

Minista bilong Inta Gavman Rilesens Hon. Sam Abal i tok i nogat man o waitman bai kam stretim ples bilong yumi, yumi yet bagarapim na yumi yet bai stretim ples bilong yumi na gavaman bai lukluk long bikpela samting olsem helt, bris risos olsem oil na ges i wok long go aut isi isi bikos long pait na nogat sevis i kam long provins bilong yupela.

Ripot i kam long Wantok Niuspepa olsem insait long Septemba 16, moa long foa handret pablik sevens na ol sios leiman na meri i kisim awot oslem oli bin stap long dispela provins inap long fotipela (40 yias long sevim ol pipol bilong Sauten Hailans provins.) Ol pipol nau em i taim bilong senisim ol pasin na lukautim gut ol liklik sevis we ol misin na gavman i putim long sevim ol pipol. Insait long Indipendens ol sampela lida man tu i bin givim wanpela SLR na M16 gan i go long han bilong kontrola bilong stet ov imejensi, Gary Baki na minista bilong Inta Gavman Rilesens-Hon. Sam Abal na tu long ai bilong ol pipol.

Mista Joseph Jasi i apil long olgeta lida man long kam aut na givim ol gan i go bek long han bilong gavaman na bai yumi redi long developim provins bilong yumi.

# Stopim pait - Ipatas, Polye

Andrew Molen i raitim

STOPIM pait na lukautim ol samting bai planti moa sevis i kam long Enga.

Dispela em singaut bilong Enga Gavana Peter Ipatas na Mema bilong Kandep na deputi na Ekting Prait Minista Don Polye las wik Fraide long Wabag.

"Stopim pait, yumi wok long bagarapim olgeta liklik samting yumi gat long en."

"Yumi ting yumi gat olgeta samting tasol yumi nogat wanpela samting," Mista Ipatas i tok.

Em i makim Enga wantaim ol arapela

provins bilong hailens olsem Isten Hailens (EHP).

"Yupela lukim Isten hailens provins, ol i gat olgeta samting bilong wanem ol i no save pait," Mista Ipatas i tok.

Em i tok ol gutpela sevis i kamap na i ron gut long Goroka taun bilong wanem ol i no save pait na bagarapim ol samting.

"Long hia yumi ken mekim wanpela gutpela samting tasol long taim bilong pait bai yupela i kam na kukim i o daun ken," Mista Ipatas i tok.

Wanpela tingting bilong Gavana Ipatas na ol arapela lida bilong provins em long stretim ples bilong ol

na kisim ol gutpela sevis i go insait bek tasol pait namel long wanwan ples insait long provins i no save helpim dispela astingting.

"Ol pipol kantri i mas go pas long lukautim na kisim developmen i go insait long wanwan ples bilong ol," Mista Polye i tok.

"Yumi mas senisim tingting bilong yumi wanwan," em i tok.

Mista Polye i tok dispela pasin bilong bagarapim ol samting na askim kompens-esen long olgeta liklik samting i mas stop sapos ol pipol i laikim gutpela sevis i go long ples bilong ol.

Mema bilong Dei,

Melchior Pep i sapatim toktok bilong dispela tupela man.

"Planti taim ol yangpela man bilong yumi save go pas long pait na ol bikman i save stap long baksait na givim oda.

"Nau planti ol yangpela man bilong yumi dai pinis, pait i kamap planti taim na em i nap nau," Mista Pep i tok.

"Noken pait, pait i nogat win bilong em, bai yumi lusim moa yet sapos yumi pait," em i tok.

Mista Pep i tok bipo ol i pait long tamiok, bunara na spia na nau ol i yusim gan.

"Gan em i nogut, lusim," em i tok.

# Wok i kirap long ol Enga rot

Andrew Molen i raitim

WOK nau bai kirap long rot bilong Kandep i go long Laiagam long Enga provins na dispela i kisim planti amamas i kam long ol pipol long hap.

Mema bilong Kandep na deputi na tu ekting Prait Minista, Don Polye i kamap long Kandep las wik na brukim graun long makim wok we Asian Development Bank (ADB) i givim helpim long kirap.

Mista Polye i tok ol i tingting bilong em na ol arapela lida bilong Enga em long stretim ol rot insait long provins bilong ol.

Em i sirgaut long ol enjinia long mekim gutpela wok bai ol rot i ken stap long taim na kisim gutpela sevis i go long ol pipol.

"Ol enjinia i mas mekim ol rot we bai stap gut i nap 10 o 15 yia bihain yumi ken stretim ken," Mista Polye i tok.

Em i tok ol i laikim bai rot nau

ol i mekim bai stap gut long taim na i noken bagarap hariap olsem i save kamap planti taim bilong wanem bikpela moni go insait long dispela ol projek.

"Mipela i save putim bikpela moni long dispela na em i no gutpela long lukim ol i bagarap insait long 6-pela mun tasol.

"Mipela ol politisen i save givim tok orait na putim moni tasol wok tru em ol lain long graun olsem ol enjinia i save mekim na yupela i mas mekim gutpela wok," em i tok.

Mista Polye i tok wok long rot bai kamap long 3-pela hap.

Fes hap bilong wok bai kamap nau, bihain bai sampela moni go insait long namba tu na 3 hap.

Enga provinsol gavman i putim K3.2milien na ADB i putim K28milien long dispela projek.

Tasol Enga gavana Peter Ipatas i tok gavman i bihain tru long mekim ol dispela projek.

"Dispela hevi nap long kamap 2 o 3-pela yia i go pinis na dispela em i asua bilong gavman na ol ejensi bilong en," Mista Ipatas i tok.

Em i tok Enga provinsol gavman em i fes insait long kantri long putim moni bilong stretim ol rot insait long provins tasol gavman i westim taim na wok i no kamap hariap.

Long wankain taim Mista Polye na Ipatas i go daun long Wabag wantaim memba bilong Wabag yet, Sam Abal long pinisim laspela hap bilong tok orait long wok i kirap long rot bilong Wabag i go long Warumanda.

Mista Ipatas na Polye wantaim mi singaut long ol manmeri long noken givim hevi long ol wokman na lusim ol i pinisim wok.

"Noken askim long kompens-esen, ronim ol wokman na bagarapim ol masin," Mista Ipatas i tok.

## TOYOTA HIACE

- ✓ Bigger 3.0 litre Diesel
- ✓ Standard LWB 15 seater
- ✓ Hi-Roof LWB 16 seater
- ✓ Airconditioning - Optional
- ✓ Power Steering
- ✓ Stability & Comfort



Ela Motors  
TOYOTA

Your First Choice

### PNG's Most Popular Bus

Port Moresby.. Ph 3229400	Goroka..... Ph 7321844	Wewak... Ph 8562255
Lae ..... Ph 4781800	Mt. Hagen.. Ph 5421888	Vanimo... Ph 8571254
Kokopo..... Ph 9829100	Kimbe..... Ph 9835155	Tabubil... Ph 5489060
Madang..... Ph 8522188	Lihir..... Ph 9864099	Porgera.. Ph 5479367
Kavieng..... Ph 9842788	Buka..... Ph 9739915	Alotau... Ph 6410100

www.elamotors.com.pg



# Singautim bek ol savemanmeri

'Papua pipel i mas kam bek. Ol i noken pret moa...' - Papua lida



**BRUKIM ROT:** Gavana bilong Papua Provins Barnabus Suebu i kamap long Pot Mosbi long namba wan ron bilong balus Air Efata las wik Fraide nait.



**OL NIUSMANMERI:** Nius media tim bilong PNG i sanap kisim poto insait long Jayapura siti. Planti Papua pipel i gat ol wantok bilong ol i stap long PNG. Media tim i bin kisim planti askim long karim tok i go long ol Papua pipel i stap nabaut long ol arapela Pasifik kantri.



**LUKSAVE:** Komyuniti lida na bisnisan long Papua Daniel Wanda (namel), em wanpela pikinini bilong Papua yet husat i soim klia strong bilong en long wok bisnis. Em i laikim ol Papua pipel i stap nabaut long PNG long go bek long ples bilong ol.

**Neville Choi i raitim**

TAIM ol pipel bilong yumi i wok long redi long amamasim namba 31 krismas bilong kantri Papua Niugini i stap independen, wanpela grup niusmanmeri i bin kalap long balus na lusim kantri i go long Papua Provins bilong Indonesia.

As bilong wokabaut bilong ol i bin bihainim sindaun namel long PNG na Indonesia we i bin meknais liklik bihain long ol PNG soldia i bin kilim dai wanpela man Indonesia husat i bin abrusim boda mak bilong kantri bilong em na kam long hapsait bilong PNG solwara.

Balus ol i kalap long en em i wanpela long ol balus bilong kampani Air Efata, wanpela nupela balus kampani bilong Papua provins we Gavana bilong Papua, Barnabus Suebu i sindaun olsem siaman bilong bod bilong kampani.

Dispela balus ron em ol i gat tingting long traim long bihain taim we em i ken pulim ron namel long Jayapura long Papua na Port Mosbi long PNG.

Aninit long lukaut bilong wanpela opisa bilong Indonesia Embasi long Pot Mosbi, dispela grup i bin raun i go lukluk long bikpela boda haiwe namel long Jayapura na Wutung long PNG.

Wanpela man Papua provins ol i bin stori wantaim em Daniel Wanda, wanpela bisnisan long Jayapura siti husat i wok long traim kirapim bek ol pipel bilong Papua bai ol i ken halivim long strongim bek ples bilong ol.

Daniel i save wok bisnis olsem saplaia bilong ol kontraksen wok samting insait long Jayapura siti.

Em i bin stap na i klia long sindaun bilong ol pipel bilong em na pait ol i pulim i kam long taim bipo yet inap tude.

Mista Wanda i gat strongpela tingting olsem i gat bikpela mani i stap insait long Papua provins, tasol i nogat inap savemanmeri na ol lain Papua provins husat i gat bikpela tingting bilong developim kantri bilong ol.

"Papua pipel i gat bikpela mani i stap long graun bilong ol, bipo taim ples i bin bagarap, planti ol brata susa bilong mipela i bin ronawe i go stap long Papua Niugini. Mipela i laikim ol long kam bek nau na kirapim bek provins bilong mipela," Mista Wanda i bin tokim ol PNG niusmanmeri.

**Stori bilong Papua**

Daniel Wanda i tok klia bihainim wanpela man i tanim tok i stori olsem em i bin kamap olsem wanpela pikinini bilong Papua long 1948. Em i gat 52 krismas na em i wanpela man namel long wan wan manmeri Papua husat i klia long stori bilong Papua provins.

Sindaun bilong dispela provins, em i tok, i no bin gutpela longpela taim tru.

Stat yet long 1875 Papua i no bin sindaun gut insait long Indonesia.

Long 1950, maski ol Papua pipel i bin askim long kisim independens bilong provins bilong ol, askim bilong ol i bin lus nating taim ol i stap aninit long lukaut bilong kantri Netalens (Netherlands).

Long Desemba 1962 Indonesia i bin strongim singaut bilong en olsem em i bosim olgeta teritori o ples i bin stap aninit long Netalens bipo. Bihain long en, flek bilong Indonesia i bin plai insait long Papua.

"Ol Papua pipel i no bin laikim flek bilong Indonesia long plai insait long Papua," Mista Wanda i tok.

Bihainim ol askim i go long Netalens, wanpela kibung i bin kamap we i lukim olgeta teritori bilong Netalens i go bek long ol pipel. Dispela tokwanjel i bin kam long Yunaitet Nesens Temporalis Etnimistresen (UNTA).

Tasol ol pipel bilong Papua i no bin kisim bek graun bilong ol yet. Olgeta luksave i bin go long Indonesia.

Aninit long Resolusen 1752 bilong Yunaitet Nesens, UN i tokaut olsem bai i gat referendum long skelim tingting.

Em nau wanpela man wanpela vot tingting i bin kamap. Indonesia i bin tok klia long sindaun bilong Papua provins long UN.

UN i bin luksave na senisim sistem i go long 'one man, one vote'. Aninit long dispela luksave, UN i tok oraitim ol pipel bilong Papua long makim ol mausman bilong ol.

Ol mausman ol i makim bihain i bin sanap wantaim na aninit long wanpela referendum, ol i pasim wanpela tingting tasol long sanap na wok bung wantaim.

Stat long dispela taim i kam, ol pipel bilong Papua i bin bungim hevi taim kantri Indonesia

**Opim rot**

I no longpela taim bihain, rot i bin op bilong ol pipel bilong Papua

long kisim spesol otonomi. Dispela luksave i kirapim makim inap long 14 bilien bilong go long ol 2 milien Papua pipel.

Nau Gavana bilong Papua Provins tude, Barnabus Suebu wantaim wan wan ol savemanmeri bilong Papua i laik opim moa rot i go long ausait long ol ples olsem PNG. Dispela i lukim Air Efata balus i mekim ron i kam long Pot Mosbi.

Long wankain taim, Mista Wanda i strongim singaut bilong em i go long olgeta Papua pipel husat nau i stap long Pot Mosbi na ol arapela hap long PNG long go bek long as ples bilong ol.

Nau Daniel Wanda, Gavana Suebu, na ol arapela bikmanmeri lida bilong ol Papua pipel i lukluk i go het nau i go long 2021 we UN i givim Papua provins long kirapim bek gavman na wok strongim kantri ol yet.

Sapos ol i ken mekim dispela, Ol bai inap long soim olsem ol i gat inap save na strong long lukautim ol yet.

**Lukluk i go het**

Long Ogas 11, 2006, i bin i gat wanpela deklaresen i kam long Papua Society Presidien Kaunsil we i tok olsem olgeta pikinini bilong Papua i mas go bek long ples bilong ol.

Daniel Wanda i wok long bihainim ol wok kamap insait long provins bilong ol pipel bilong en, na de nau ol i lukluk long en em Oktoba 28 bilong dispela yia.

Long dispela de bai ol i lukim 600 samting memba bilong Papua Kongres bai sindaunim namba wan bung bilong ol. Dispela 600 manmeri i no ol man nating tasol. Nogat. Bai ol dispela lain i kam wantaim save na luksave olsem em i taim bilong halivim ol pipel bilong ol.

Nau yet planti Papua pipel i nogat bikpela tingting long kirapim ol wan wan bisnis bilong ol yet.

Mista Wanda i gat wanpela bikpela toktok long givim long ol pipel bilong Papua husat i sindaun turangu long ol arapela kantri olsem ol i noken pret moa. San i abrusim ol klaut pinis na i gat nupela de i kamap long Papua provins insait long Indonesia.

"Ol i mas kam bek. Ol i nogat as long pret moa."

**NEKS WIK: SINDAUN BILONG PNG NA INDONESIA PASIN POROMAN**



**STORI TASOL**

wantaim

**FR. PAUL LIWUN. SVD**



**Tambu meri na Holi Len**

Sampela yia i go pinis, wanpela man bilong Amerika i bin go wokim pilgrimis (o go lukim ol biknem Baibel na lotu ples we Jisas i bin wokabout long em taim em i stap laip) long HoliLen wantaim meri bilong em, tripela pikinini na tambu meri bilong em. Ol i bin lukim olgeta ples Jisas i bin stap na mekim wok long en bipo.

Taim ol i kamap long Jerusalem, tambu meri bilong em i kisim bikpela sik tru. Ol dokta i bin traim hat tru long helpim em, tasol ol i no inap. Olsem na em i dai.

Taim tambu bilong em i dai pinis, tambu man George i bin kisim dai setifiket na go long ambaseda bilong ol long Jerusalem long painim rot bilong salim bodi i go bek long Amerika na ol bai wokim wanpela naispela lotu na planim em long gutpela matmat long Amerika.

Bihain em i harim stori, Ambaseda i pilim bikpela sori tru na tokim George olsem: "sapos yu salim bodi bilong tambu long planim long Amerika, yu bai tromoim planti mani tru inap long US\$5,000 o K161,130,00 olgeta". Ambaseda i toktok gut wantaim em na askim sapos em i laikim helpim long funeral na planim bodi long Jerusalem. Bikos em i tok: "planim bodi bilong tambu long Jerusalem, em bai kostim \$150.00 long mani bilong Amerika o K 4,340 tasol.

Taim em i harim Ambaseda i tok long salim bodi i dia tumas, George i tokim Ambaseda olsem: "Mi no wari long bikpela prais bilong salim bodi bilong tambu i go long Amerika Mi no laik lusim em na planim bodi bilong em long Jerusalem. Nogat. Mipela i bin kam wantaim, olsem na mipela mas go bek long ples wantaim".

Bihain long harim toktok bilong George, Ambaseda i tokim George olsem: "Nau mi save. Ating yu laikim tumas tambu meri bilong yu a? Olsem na maski prais bilong em i antap tru, tasol yu laik salim yet bodi bilong em i go bek long Amerika. Yu no wari long mani. Yu wori long tambu meri bilong yu tasol. Tru a?"

George i no tok yesa long Ambaseda tasol em i bekim toktok bilong Ambaseda na tok: "Em i no tru... em i no dispela as tasol mi laik bai mi bringim bodi i go bek long ples bilong mi, Amerika. I gat narapela as bilong em yet". Ambaseda i laik save wanem narapela as dispela man i laik salim bodi bilong i go bek long Amerika na em i askim em gen long tokim em.

George i kisim strong na tokim ambaseda olsem: "Yu tingim o nogat? Long 2000 yia i go pinis wanpela man i bin dai na ol i planim em long wanpela matmat long Jerusalem. Tasol long de namba tri em i kirap gen. Olsem na, mi pret na mi no laik dispela kain samting bai kamap long tambu meri bilong mi. Nogat tru".

**Pater Mateus strongim agrikalsa**

Veronica Hatutasi i raitim

**..... Rais projek bai helpim komyuniti**

**WANPELA** Katolik Pater long Daru Kiunga Daiosis i helpim tru ol yangpela na komyuniti long daiosis na ol ples klostu long mekim samting long helpim ol yet na ol i ken go hetim gut laip na sindaun bilong ol.

Na em i strongim agrikalsa olsem rot long mekim pipel i "self reliant" o wokim samting long helpim ol yet na i no sindaun na singaut long helpim i kam long gavman o ausait.

Pater Mateus Juang bilong Flores Ailan long Indonesia em i wanpela yangpela pater long Montfort Misinari Sosaiti i peris pris bilong Sen Gerard Katitrel long Kiunga na em bin kam long PNG long yia 2001.

Pater Mateus em i eksen man na em i gat bikpela visen o driman olsem agrikalsa em i wanpela bikpela ansa long stretim ol hevi na salens bilong komyuniti, sosaiti na kantri.

Olsem na stat yet em i kamap long Daru/Kiunga Daiosis insait long Westen provins long Me 2001, em i helpim ol asples pipel long Daiosis na ol Wes Papua refuji long Is Awin na lowara wantaim ol rais projek.

"Stat yet mi kam long PNG long 2001, mi gat bikpela bilip na i no driman tasol bikos mi no wanpela driman man, olsem PNG em i ken kamap olsem "promis paradais graun bilong agrikalsa".

Bikpela tingting we i

bin strongim em long kirapim ol rais projek we em i givim ol rais sit long ol pipel long planim long graun bilong ol em ol pipel i tromoim bikpela mani tumas long baim rais long stoa. Ol i baim wanpela 1 kilogram peket rais long K6.

" Mi salensim ol pipel, asples na refuji wantaim long olgeta hap mi go long en watpo na ol i westim taim na tromoim bikpela mani long baim ol planti rais beil long Kiunga taun.

" Mi lukim olsem dispela em i pilai samting, ol i sapos long kisim rais aninit long fit (lek) bilong ol. Na graun em i gutpela tru tu ya. Na ol i ken sevim bikpela mani long mekim ol arapela wok sapos ol i planim yet rais bilong ol," Pater

Mateus i tokim Wantok Niuspepa

Sampela refuji kem na tripela ples i kaikai nau long rais ol yet i bin planim long em.

Pater Mateus i bin askim Ok Tedi Maining kampani long helpim ol wantaim ol mesin bilong klinim rais (rais mil) na long mun Me, kampani i bin givim tupela i go long lain bilong Pater Mateus.

**TOKSORI**

Wantok i salim tok sori long miksim ol kolom bilong las wik na putim Stori Tasol bilong Pater Paul aninit long Poto bilong Pater Lollington na Glasim Tok i gat ol toktok long 31 indipenden aniveseri i go aninit long poto bilong Pater Paul Liwun SVD.

EDITA- WANTOK

**GLASIM TOK**  
wantaim



**FR LOLLINGTON WIAM**

**Stiaman long sios noken pilai soka bol long ol Kristen**

PLANTI kristen long dispela kantri i stap hap hap na trip tasol antap na spiritual laip bilong ol i no kamap strong. Sapos yumi glasim gut, bai yumi lukim olsem taim yumi kisim baptais long wanpela sios em yumi kamap bodi bilong Kraiss pinis long dispela sios na yumi kisim skul na mekim strongpela tok promis long bihainim God Tri Wan. Ol promis yumi mekim long taim bilong kisim Baptais em long tanim bel na i go long Kraiss Yes mi tanim bel na i go long Kraiss.

Las kwesten yumi save mekim em long promis long bihainim gutpela pasin bilong God na Lo bilong em.

Bihain long dispela pris, nupela baptais memba na olgeta kongregesen i tok "dispela i soim yu olsem, yu mas konfes Jisas olsem Bikpela bilong yu. Stiaman i givim wanpela kendol lait em i mak bilong abrusing olgeta pasin tudak na kisim nupela lait we yumi mas sain olsem dispela lait long wol na givim Biknem long God. Em nau em mak tru bilong ol Kristen manmeri na. i no gat narapela rot moa.

Yumi stiaman meri bilong sios yumi no ken krangi long ol lain i no luksave long dispela mak ol i kisim pinis insait long sios bilong God. Taim yumi stia lain i sanap long ol maket ples, long ples bilong bung na arere long stua, yumi kukim stret long autim tok bilong God na paulim planti kristen manmeri long mekim sampela wok komitmen bilong ol na yumi paulim gutpela tingting bilong ol. Em i no stret. Yumi stia man i mas honest na i go long ol ples wea yumi wok misin pinis bipo na stiarim na strongim bilip bilong ol; long wanem planti i pundaun pinis long bilip bilong ol na ol i laikim present bilong yumi. Sapos yumi stia man long sios i sindaun na glasim gut, bai yumi painim aut olsem wanpela sem sol bilong God tasol yumi i wok long pulim em i go long wanpela sios i go long narapela, i go yet long narapela na i go yet long narapela na yumi paulim bilip. Bilip em pinis. Em nau yumi mekim ol i kamap olsem soka bal na stia man yumi kamap olsem straika long soka na yumi kikim sol bilong God olsem soka bal i go i kam i stap.



**RAIS PROJEK HELPIM GUT:** Ol ples lain i amamas long gaden rais bilong ol i kamap gut tru.

**Tingim bek 31 yias bilong PNG indipendens**

Veronica Hatutasi i raitim

**.....Kantri lukim gutpela na nogut wantaim**

PLANTI senis long gavman, pati politiks, korapsen, stilim na yusim krangi pablik mani em sampela long ol samting we i bagaram-pim piksa bilong PNG na i no gro gut insait long 31 krismas.

Asbisop bilong Katolik Asdaiosis bilong Pot Mosbi, Sir Brian Barnes, i tok olsem long namba 31 Indipendens Aniveseri bilong PNG.

Tasol long wankain taim tu, Asbisop i tok

insait long 31 krismas, PNG i lukim planti gutpela na i no gutpela tumas senis.

Em i givim piksa long kanu olsem kantri PNG, we i no wok long go gut bikos ol lain i go pas long pul i no wok bung gut wantaim.

Taim Asbisop i toktok long ol gutpela senis kantri i lukim insait long las 4-5 yias, moa yet long sait bilong politiks na ikonomsik we i stap long gutpela mak, yumi

stap antap long wara yet. Na ol sain bilong wari em long:

"Gavman i rausim man husat i bin kamapim ol dispela gutpela senis long ikonomi bilong PNG taim em i tok as long dispela em bikos Minista i no bin inap long kontrolim korapsen long Fainens Dipatmen we planti i no bilipim;

"Gavman i no wokim samting tumas long planti samting i no stret

olsem korapsen we sampela politisen i stap insait long em long loging bisnis we Asbisop i tok nupela wok painimaut i mas kamap long en;

"Korapsen long planti gavman Dipatmen na institusen we wok bilong pablik Akauns Komiti i soim long ples klia;

"Paul long gavman i no wokim wanpela samting bihainim ripot bilong Gan Komiti bikos bai i gat bikpela hevi

long 2007 nesenel ileksen;

Planti Palamen memba na ol Minista i wet long sanap long Lidasip Traibunel na ol arapela samting moa.

Asbisop Sir Brian i tok long dispela taim yumi selebretim 31 Indipenden Aniveseri, i moabeta long askim Bikman i blesim yumi na kantri bilong yumi na yumi pre long em i ken givim stia long ol gutpela lida i gat save na gutpela pasin long go pas long kantri na pipel bilong em.



# POMIS winim Kwis resis

### ...Laikim bai skruim long ol yia i kam

Noreen Dada i raitim

POT Mosbi Intanesenel Hai Skul (POMIS) i kamap wina long 2006 Nesenel Indipendens Kwis bihain long 4-pela de resis we i kamap insait Pot Mosbi.

Pul B wina Hutjen? Sekonderi Hai Skul i bungim POMIS husat winim Pul A resis long stap insait gren fainol.

Chidambara Thanu, Dianne Go na Kennedy Kuama bilong POMIS i bungim Shona Paivu, Watson Toroi na Philipa Kenatsi bilong Hutjena Sekonderi long Otonomes Rijen bilong Bogenvil, namel long resis we i pulim planti pipel i kam long was.

Tupela skul i soim wan kain save tasol POMIS i kam aut olsem wina bihain ol i win wantaim 38 poin.

Hutjena Sekonderi i pinisim resis wantaim 25 poin.

Dairekta Jenerel bilong PNG Ivens Kaunsel Seketeriet Ambaseda Aiwa Olmi i tok dispela kain resis i bikpela

samting long ol pipel.

"Ol kwis i givim ol sumatin strong long toktok long ai bilong pablik na tu long skelim save bilong ol sumatin.

Tasol resis i mekim moa long dispela.

Nesenel Brodkasting Koporesen karim aut laip brodkas bilong ol long redio na ol pipel tu i kisim save long harim dispela kwis.

"Mi laik strongim Edukesen Dipatmen long strongim ol skul long stap insait dispela kain resis na tu, long strongim ol sponsa long sapotim kain progrem olsem.

"Dispela kain sapot i ken go pas long helpim wanpela bikpela luksave bilong gavman long promotim wok bung wantaim bilong ol pipel na pasin long promotim kain kain kalsa bilong PNG," Mista Olmi i tok.

Maus man bilong bikpela sponsa, PNG Sastenebol Developmen Progrem Limitet Camulius Midire i tok em i laik lukim kain resis olsem i kamap gen long ol yia i kam bihain.




Foto: Veronica Hatutasi

REDI: Tripela sumatin bilong Hutjena Sekonderi skul i sindaun harim ol arapela poro bilong ol i brukim het nau tasol taim bilong ol i kam yet.

# Helpim Daru Sekonderi

Noreen Dada i raitim

### ...Askim ol bipo sumatin

PLANTI bilong ol gavman skul insait PNG i gat ol wan kain hevi- nogat inap fandim long ol i karim aut wok mentenens, kirapim nupela klasrum, nogat inap laibreri buk na planti moa hevi.

Olsem ol arapela skul husat i bungim ol kain hevi olsem, Daru Sekonderi Hai Skul i nau wok long painim rot long mekim moa bikpela laibreri bilong ol na painim ol buk.

Het ov Dipatmen

bilong Sosel Saiens long Daru Sekonderi, Tutae Giru i tokim Wantok olsem Daru Sekonderi i luk olsem i lus long tingting bilong planti.

"Planti bilong ol Westen provins pipel husat i gat nem insait pravit na pablik sekta i kisim skul bilong ol long Daru Hai Skul (nau Daru Sekonderi).

Em i gutpela long kisim helpim long provinsel gavman, tasol em bai gutpela moa yet sapos ol bipo sumatin yet o ol pipel bilong Westen Provins i bung wantaim long helpim skul.

Long dispela taim, mipela i nogat skul yunipom na laibreri bilong mipela i stap nogut tru.

Mipela askim long sapot bilong Westen provins komyuniti insait wan wan provins long sapotim mipela long wanem wei ol i ken," Mis Giru i tok.

# PNG yut makim Pasifik long strongim eksen plen

Noreen Dada i raitim

**WANPELA yut long PNG i lusim kantri aste long stap insait long wanpela tupela de konprens long Nadi insait Fiji.**

Yut Fesitivel Komiti i makim David Ephraim long stap insait dispela konprens long stretim fainol eksen plen bilong Edukesen bilong Sastenebol Developmen insait long Pasifik.

Mista Ephraim i wanpela yangpela man husat i go pas long kirapim aweanes long ol samting we i banisim developmen insait long kantri na i gat gutpela tingting long dispela eksen plen em na ol arapela yut long Pasifik i mekim.

"Mi bin stap insait dispela Pasifik Ailan Yut Festival we i bin kamap long mun i go pinis we long dispela taim yumi kisim tingting long kamapim wanpela eksen plen long Edukesen bilong Sastenebol Developmen insait long Pasifik.

Edukesen bilong Sastenebol Developmen i wanpela Yunaitet Nesens konvensen we i bin kirap long yia 1954 we ol arapela kantri i tingim na karim aut ol askim we i stap aninit long dispela konvensen.

Tasol long save bilong mi na long ol pren bilong long Pasifik, em i luk olsem ol Pasifik ailan kantri i no bihainim dispela konvensen.

Mi bilip olsem edukesen em ki long develop-

men- em i bikpela samting long samting ol i kolim integral humen developmen we i wanpela bilong faivpela Nesenel Dairektiv Gol na Prinsipel bilong kantri," Mista Ephraim i tokim Wantok dispela wik.

Hap toktok we Mista Ephraim i putim insait dispela eksen plen i long sait bilong integral humen developmen o wok long developmen bilong ol pipel.

Em i tok dispela eksen plen i no hat tumas long bihainim na em i inap long ol Pasifik ailan kantri long yusim bikos i nogat planti tumas tingting bilong ol arapela kantri long wol i stap insait long en.

"Mi laik ting ol Pasifik ailan kantri i ken yusim

dispela eksen plen insait long wan wan developmen gol bilong ol.

Dispela eksen plen em long mekim ol pipel sanap long tupela lek bilong em yet na long mekim dispela ol pipel i mas senisim pasin na tingting long kamap independent long strong bilong ol yet.

Planti taim ol pipel i save sutim pinga long gavman long i no mekim inap long helpim ol pipel.

Em i taim yumi stopim dispela kain pasin na traime long mekim ol samting we bai helpim kantri."

Dispela konprens i bungim ol pipel long Australia, Nu Silan na ol bikpela beng na gavman dipatmen insait long Pasifik rijen.

# UPNG gat gutpela indipendensn selebresen

Noreen Dada i raitim

LIKLIK ren i bin pundaun long makim Indipendens De insait long Pot Mosbi tasol dispela i no stopim ol pipel long go long wan hap we ol selebresen i kamap.

Long Yunivesiti ov Papua Niugini (UPNG) kempes long Waigani, ol sumatin i amamas long soim pablik long wan wan provinsel singsing na danis bilong ol long las Sarere.

Long makim 2006 indipendens

de, ol sumatin i holim Mista na Mis UPNG resis na string ben resis long Fraide wik i go pinis na long Sande ol i holim danis resis bilong ol.

Tania Tupou bilong Westen provins husat i wokim fainol yia stadi bilong en long Lo i tok dispela em i taim mipela i lukluk bek na glasim sapos yumi kamap mo beta o nogat.

"Planti taim yumi save tok, larim mipela lukluk long taim i kam bihain.

Yumi mas lukluk long ol samt-

ing long bipo tu long helpim mipela long painim rot long-go het long kamap strong," Mis Tupou i tok.

Lucy Kivia bilong Morobe na Oro provins husat i wokim fainol yia stadi bilong en long politikol saiens i tok tu olsem ol pipel i mas luksave long wanem samting em rispek.

"Ating liklik rispek long wanpela narapela na long ol pablik samting i as long planti bel hevi na pait we i wok long kamap long dispela taim," Mis Kivia i tok.




Foto: Nicky Bern

AMAMASIM INDIPENDENS: Ol yangpela i selebretim 31 krismas bilong PNG i sanap em yet.

**Cambridge**  
International College  
**ACCREDITED TRAINING**  
**FOR YOUR CAREER SUCCESS**

Diplomas, Advanced, Honours, Graduate

- \*Accounts, Finance, Business, Management
- \*Personnel, Marketing, Computers, Insurance
- \*English, Purchasing, Secretary, Leadership
- \*Tourism, Hotels, Stores, Advertising, Office

Baccalaureate, BBA, BCom, BMA, MBA

- \*Business Administration, Marketing, Strategy
- \*Human Resource, Finance, Commerce
- \*Organizational Management, Executive

*Fees include all Training Materials, Guidance, Tests, Revision, Examination, Marking, Award.*  
Diploma Fees: £150 or US\$300 or AU\$350  
For a FREE Prospectus, write, fax, or email:

**CAMBRIDGE**  
**INTERNATIONAL COLLEGE**  
Box 1378, So'ton, SO17 3WX, Britain  
Email: info@cambridgetraining.com  
Web: www.cambridgecollege.co.uk

ACCREDITED

ACCREDITED AWARD

Approved Training Provider



## Ol man i kam as nating long so

**Dia Edita**

Mi wanpela mangi Mendi na dispela em i namba wan taim bilong mi long rait i kam long pepa bilong yu, gutpela wantok.

Mi laik komplem long wanpela pasin kalsa ol i wokim long yunivesiti long Lae long de 1 i go inap 3 Septemba, 2006 na ol i bin putim long fran pes bilong Pos Kororia niuspepa long 4 de bilong mun September, 2006.

Papua Niugini ol i kolim yumi kristen kantri tasol pasin yumi mekim yumi olsem wanpela muslim kantri o wanem samting.

Wanpela man i kam as nating long so na soim sem pasin long ol pipel. Na bihain long dispela ol i putim long fran pes bilong Pos Kororia we mi ting i no stret.

Mi laik askim pipel bilong PNG na sapos i gat rot bilong pasim kain pasin olsem long stopim ol manmeri long kam olsem long so na mekim sem pasin long ol lain manmeri long PNG. Em i sem pasin stret.

Husat man i laik bekim plis rait i kam tasol long Wantok na mi bai lukim.

SWIN PD  
POT HOLE SITI  
MORBE PROVINS

## Wewak bisnis man opim nupela haia kar bisnis

**Dia Edita**

Mi laik raitim dispela pas i go long *Wantok Niuspepa* na tok amamas long wanpela asples bisnismen bilong Is Sipik provins husat i stap long Wewak taun na em i opeim wanpela nupela Haia Kar Kampani we ol i kolim 'Wama Rent A Car.'

Dispela bisnismen em i wok hat tru long las 10 o 11 ya long kamap wanpela gutpela lida long provins. Long las wik fonde, 31/8/06, Raphael Raminai, dairekta na ona bilong Kapundu Investments P/C i baim faipela nupela kar long Ela Motors long Wewak, prais em K500, 000.00 na moa yet long arapela kos.

Mi tu mi sapotim wanpela lokel bisnis man bilong Is Sipik Provins.

JOHN KRISOAKI  
WEWAK

## Senisim pasin plis

**Dia Edita**

OL MEMBA bilong palaman i korap olgeta. Olsem long nius yumi ritim long niuspepa bilong Fonde, Septemba 14, 2006 we het toktok bilong gavana Hami Yawari i stap long han bilong ol polis long wanem em i paulim sampela mani long taim em i sanap sekretari bilong wanpela kampani.

Em i mekim planti pasin nogut long ol manmeri bilong Papua Niugini long taim em i sanap olsem wanpela lida bilong kantri. Em i no mekim wanpela gutpela samting. Planti taim long nius bai yumi harim olsem ol memba bilong palaman i stilim mani mak olsem long K100, 000 na i go antap. Gavman i korap stret long nau na em i no pinis liklik. I go bikpela moa yet.

Indipendens de i no min wanpela samting long yumi long ol pipel bilong PNG bikos yumi no save wanem samting em stap yu yet long lukautim yu yet. Nogat. Bai yumi mekim go i go na maski yumi tok independens, yumi ol bebi yet. Ol narapela kantri olsem Japan o Australia mas lukautim yumi.

Mi les pinis long ritim nius bilong ol pasin nogut bilong ol bikman bilong yumi. Nogat wanpela gutpela nius long ol developmen na senis. Em bilong korapsen tasol. Toktok i pinis long maus. Maski yumi stap long long i go inap taim pinis.

KAMATE TUA  
LAE SITI

# Lo i senis long etvataisim bia?

**Dia Edita,**

Mi gat askim sapos lo bilong staim ol midia bisnis bilong etvataisim tobako o smuk na bia i senis o nogat?

Insait long tupela wik i go pinis kampani i bosim olgeta smuk insait long kantri, British American Tobacco (BAT) i gat ol etvatismen insait long tupela niuspepa i save kamaut olgeta de long toksave long pablik long ol tru

tru smuk bilong ol yet na ol giaman smuk i stap. Tasol ol i yusim olsem wanpela rot bilong toksave long ol nupela smuk bilong ol i go long ol manmeri i save haim smuk.

I kam inap nau yet, i nogat wanpela manmeri i kirapim toktok long dispela.

Na i go moa yet, las wik bikpela bisnis i bosim bia insait long PNG i bin wokim wan-

pela bikpela ful pes insait long tupela niuspepa bilong tupela de, we ol i soim tripela ken bia i winim ol bro medal long sampela ol bikpela intanesenel resis. Ol i mekim piksa bilong ol ken bia i go bikpela tru antap na ol medal ol i winim ol i mekim i go liklik tru i go stap aninit long ol ken bia.

Mi wanpela nesenesel na mi gat bikpela ting-

ing long sindaun bilong bia bilong PNG, tasol ples bilong etvataisim strong o win bilong ol bia em long ol arapela hap na i no insait long niuspepa husat i save tok em i namba wan deli niuspepa bilong kantri.

Ol midia bisnis i noken larim mani i bagarapim stretpela bel na tingting bilong ol aninit long ol lo bilong kantri na promotim tupela samting we i save strongim ol komyniti na helt hevi insait long dispela kantri.

Dispela tupela kampani i wok long traim ol nupela rot long lukim mak ol i ken i go inap long en long etvataisim ol prodak bilong ol insait long midia. Ol lain i save salim smuk i ken tok olsem ol etvatismen bilong ol i no kamap insait long ol pes bilong ol niuspepa na ol lain bilong bia i ken tok olsem ol i wok long promotim ol bro medal.

Mi no inap long westim taim bilong mi long makim toktok bilong

Code of Ethics, Advertising & Broadcast Policy o bosim stretpela pasin insait long etvataisim na brodkas polisi bilong Midia Kaunsil bilong PNG. Dispela polisi i save staim wan wan midia kampani long tok oraitim o tok nogat long ol etvatismen.

I gat ol wan wan lo i stap insait long PNG long etvataisim ol tobako na bia prodak. Midia Kaunsil i mas lukluk long kamapim wanpela kain kos bilong ol etvataisim sels wokmanmeri bilong ilektronik na print midia bai ol i save gut long dispela ol lo.

Em i taim tu long putim wanpela nupela hap toktok we i lukluk stret long etvataisim insait long narapela taim ol i laik printim Code of Ethics, Advertising na Broadcast Policy.

ANNA  
BERNADETTE  
SOLOMON  
BITTERN PLACE



## Pasim pamuk na ponograpi i wok strong long Wewak taun

**Dia Edita**

Mi RAITIM pas i go long *Wantok Niuspepa* long tok kros long wanem as tru na ol gavaman opisa o ol lo man i no stopim pasin pamuk long Wewak taun.

Dispela komputa masin i save soim ol pasin pamuk long intanet long olgeta hap.

Long las mun wanpela meri long Wewak Tinpis Fectori i mekim pasin

pamuk long vidio tep na salim long ol intanet long mekim mani.

Planti ol yangpela skul meri na ol meri long setelmen i wok long mekim pasin pamuk long mekim mani hariap.

Mi save raun i go long ol ples we pasin doti na sin i stap. Mi lukim olsem em i go strong na tru.

JOHN KRISOAKI  
WEWAK

## Ol PNG pawa mas toksave long pawa blakaut

**Dia Edita**

Mi WANPELA man long Gerehu na mi ni wanbel long PNG Pawa long wanem pawa i save blakaut longpela taim i go inap nait. No nogat toksave save kam long ol olsem pawa bai blakaut long dispela taim. Nogat. Dispela blakaut save bagarapim ol wok bilong mipela na ol narapela samting.

Olsem long narapela taim pawa i go aut na TV bilong ol i bagarap na

nau TV bilong mipela i wok long go on na bikos mipela i stap long wanpela yunit o haus na Karen bilong pawa i no ron gut.

Plis PNG Pawa sapos i gat sampela toksave bai i orait. Nau mipela bai westim mani gen long stretim TV bilong mipela.

Mekim wok bilong yu gut.

J TAURAKAVAI  
GEREHU

GFC DAIHAT  
GEREHU  
NCD



Yu laik autim tingting bilong yu -  
Salim wanpela pas i kam long Edita long:

Ol Pas i go long Edita  
P. O. Box 1982 BOROKO NCD

Sapos yu save long email, yu ken salim pas bilong yu i kam long:  
[editorial@wantok.com.pg](mailto:editorial@wantok.com.pg)

Yu mas raitim tru tru nem, telepon namba na pos opis bokds bilong yu. Sapos nogat, mipela i no inap putim pas bilong yu insait long pepa.

Wantok i gat rait long katim o stretim ol pas bai em i bihainim olgeta lo bilong niuspepa.

**WANTOK**  
**KOMENTRI**

**Strongim pipel, strongim kantri**

DISPELA yia mipela i makim namba 31 krismas we mipela i sanap long lek bilong mipela yet. Em i wanpela bikpela de bilong yumi, na luksave we planti bikmanmeri i bin givim long ol pikinini em i stap long as tru bilong mak yumi kamap long en tude.

Wankain olsem ol bikpela mineral na ston aninit long graun we mipela i wok kisim bikpela winmani long en na kantri i sanap strong, ol pikinini bilong yumi bai go pas long kantri long bihain taim.

Olsem na yumi mas strongim ol tude bai bihain taim bilong yumi bai i orait.

Dispela wik tu yumi lukim ol brata bilong yumi long Papua Provins long Indonesia i kam amamasim independens bilong yumi.

Insait long stori bilong ol, em yumi ken kisim skul na luksave olsem sindaun bilong yumi em i wanpela gutpela sindaun na sapos yumi tingting long bagaram-pim, bai yumi no inap lukim bihain taim.

Stori bilong ol brata susa bilong yumi long Papua provins em i stori bilong taim nogut, nogat gutpela sindaun na long ol pipel i kamap samting nating long graun bilong ol yet.

Planti Papua pipel i bin ronawe lusim ples bilong ol long taim bipo yet na planti i bin kam long graun bilong yumi, na nau ol i kolim as ples bilong ol.

Tasol tude sindaun bilong Papua provins long Indonesia i wok long strong bek gen.

Ol i wok long singaut nau long olgeta bratasusa bilong ol i bin ronawe na lus nabaut long go bek long ples bilong ol na kirapim kantri bilong ol.

Em i klia piksa tru olsem strong bilong save i stap wantaim ol pipel em i wanpela samting we i nogat pinis bilong en.

Sapos pipel i kisim halivim long strongim save bilong ol, bai ol i no inap tingting tumas long bagaram-pim haus, ples na graun bilong ol wantaim ol paul pasin.

Yumi lukim bikpela stori dispela wik em sampela lain i stilim bikpela hap gol bilong maining kampani na go salim long opis olsem samting bilong ol yet.

Ol dispela lain i makim tru ol man nogut husat i bin bagarapim sindaun bilong ol Papua pipel na stilim graun bilong ol.

Ol papa bilong ol i bin indai, ol brata susa bilong ol i bin bruk na famili i nogat moa. Dispela i lukim ol i kamap wanpela pipel we i skin tasol, na tru tru lewa i nogat.

Wankain olsem ol wantok bilong yumi long Papua provins, yumi ken kisim bek strong bilong yumi na lukluk i go het long gutpela sindaun.

Olgeta gutpela samting yumi laik bilong ol tumbuna bilong yumi em i mas kru i kamap long save bilong yumi wan wan.

Independens i no taim bilong malolo long wok tasol. Nogat. Em i taim bilong yumi long tingting ron yumi kamap long en, na gutpela sindaun yumi gat tude.



**Nogut Gavman i guria nau**

**KAINKAIN senis i kamap long las wik long pasin politiks bilong yumi long PNG we Minista bilong Pablik Sevis Sinai Brown i rausim na senisim ol bosman bilong ol Gavman Dipatmen.**

Tasol dispela senis bilong em i no kisim wanbel bilong ol arapela Gavman Minista na ol i stopim dispela senis bilong em.

dispela wik Deputi Prais Minista i no westim taim. Em i soim klia dispela bel hat bilong ol Gavman memba na rausim Sinai Brown long wok bilong em olsem Minista bilong Pabliks Sevis.

Lukim gut, em ol lain bilong Nesenel Alaiens Pati (NA) yet we lida bilong ol em Prais Minista Gren Sief Sir Michael Somare. Ol i rausim wanpela raitman bilong ol yet em memba bilong Lae Bart Philemon long wok Minista na nau ol i rausim Sinai Brown husat tu em NA lida makim Niugini Ailan rijon.

Olsem na tingim nau, husat gen bai NA i bagarapim sin-



daun bilong em gen. I luk olsem ol olpela memba tasol bai kisim taim long ol dispela senis bilong NA yet insait long banis bilong ol. Ol bai senisim planti ol olpela lida wantaim ol nupela lida nau.

Sief Somare ating i no wari tumas bikos taim bilong em long politiks i inap nau na ol yangpela olsem pikinini man bilong em yet na memba bilong Angoram Arthur Somare i kisim ples pinis. Na em bai join wantaim ol yangpela NA lida olsem Patrick Pruaitch bilong Sandaun provins, Don Polye bilong Enga provins, Wari Vele bilong Sentrel provins na arapela yangpela lida moa olsem Sasa Zibe bilong Morobe na arapela moa.

Tasol sapos dispela Gavman

bilong Somare i laik winim 2007 nesenel ileksen ria kam bek, ol i mas lukaut gut long soim dispela kain piksa nau. Sapos ol i tok long gutpela wok bisnis o ekonomi na moa developmen na sevis antap long ol wok na rot i stap pinis, ating em bai abrus nau. Bikos sapos dispela Gavman i laik go pas yet long kantri, em i noken pilai pilai na senisim ol lida nabaut long opis bilong em.

Tru tumas ol pipel bai luksave olsem ol yangpela i laik rausim ol olpela na eksperiens lida na kisim ol yangpela lida tasol.

Sapos dispela Gavman i go aut na kempen olsem em i stretim pinis bet bilong sanapim ol developmen na sevis long en, olsem na pipel mas kisim bek bek long putim kaikai antap long dispela bet, em ol bai mauswara tru. Dispela Gavman i no ron long strong bilong em yet olsem wanpela pati tasol. Nogat. Tupela o tripela pati i marit wantaim long kamapim Gavman na bungim tingting na

strong na ranim kantri.

Taim bilong nesenel ileksen, bai kempen na plen bilong ol bai senis bikos ol bai toktok long astingting bilong pati bilong ol stret. I no bilong narapela tupela o tripela pati ol bin marit wantaim long 2002 i kam. Olsem na ol bai strongim dispela bet ol i wokim olsem wanem?. Nogut ol i marit wantaim nupela na narapela pati gen long 2007 na wokim nupela bet.

Olsem na ol haus sik na rot long ol distrik i save stap wankain yet na nogat senis long ol. Ol kaunsil i mekim kinkain mauswara long tambolo distrik i stap taim bikpela Gavman long antap i no wari long ol.

Olsem na bikpela samting em, yumi votim lida long pasin na save bilong yumi long em. Noken long pati politiks nabaut. Votim lida na askim em long strongim distrik wantaim ol distrik mani bilong em long skul, rot, lo na oda na arapela komyuniti sevis.

**Yu mas pulap long Holi Spirit**

Sapta 3

Jisas i bin mekim wok long strong bilong Holi Spirit. Jisas i tokim ol disaipel long ol i mas larim Holi Spirit i pulapim ol. Yumi tu i mas pulap long Holi Spirit. Dispela tok em i klia olgeta. Tasol nau yumi kamap long narapela kwesten. "Mi mas mekim wanem na Holi Spirit bai pulapim mi?"

**1. Holi Spirit i mekim yu kamap nupela**

Taim wanpela man o meri i tanim bel na askim Jisas long lusim sin bilong en, orait Holi Spirit i mekim em kamap niupela. Jisas i tokim Nikodima, "Sapos man i no kamap niupela long wara na long Holi Spirit em i no inap i go insait long kindom bilong God." (Jon 3:5).

Efesus 1:13 i tok, "Yupela i pas wantaim Krai na God i bihainim promis em i bin mekim bipo na em i givim Holi Spirit long yupela, olsem mak bilong yupela i stap lain manmeri bilong em stret." God i givim Holi Spirit long yumi olgeta kristen wanwan. Em i stap tisa bilong yumi. Tasol



em i laik go moa yet na pulapim laip na bel na tingting bilong yumi wanwan.

**2. Givim baksait long olgeta pasin bilong sin**

Sampela kristen i ting olsem, "Mi gutpela kristen. Mi no save stil mani no save spak na mi no save mekim pamuk pasin. Mi lusim ol dispela pasin pinis." Dispela em i gutpela tasol olsem wanem long olgeta arapela pasin olsem, bel nogut na tok baksait na mangal? Yu ting God i amamas long dispela pasin o nogat? ol dispela pasin i givim long bel hevi long Holi Spirit. Baibel i tok, "Yupela i noken givim bel hevi long Holi Spirit. Yupela i mas rausim olgeta pasin bilong bel nogut na kros na belhat na bikmaus na tok bilas na olgeta kain pasin nogut. Yupela i mas mekim

gutpela pasin long ol arapela kristen. Yupela i mas lusim sin bilong ol, olsem God i lusim sin bilong em long nem bilong Krai." Efesus 4:30-32

Yu mas pre na askim God long glasim tru bel bilong yu na soim olgeta samting i no gutpela long ai bilong em. Holi Spirit bai kamapim ples klia olsem kain tingting na pasin i no gutpela long ai bilong God. Yu mas autim dispela ol sin long bikpela na askim em long klinim tru olgeta hap long bel na tingting bilong yu bai yu i ken i stap klin tru.

**3. Givim yu yet olgeta long God**

Jisas i givim em yet long diwai kros olsem ofa bilong tekewe sin bilong yu. Long marimari bilong God em i lusim rong bilong olgeta sin yu bin mekim na mekim yu kamap niupela. Na yu gat bikpela dinau long God. Em i givim niupela laip long yu olsem presen. Tasol bai yu givim wanem samting i go bek long en.

Romans 12:1 i tok, "Mi tingting long bikpela marimari bilong God na mi tokaut, strong yupela olsem. Yupela i

mas givim bodi bilong yupela long God olsem ofa." Sapos yu givim bodi bilong yu olsem ofa, orait yu noken yusim bodi bilong yu long mekim ol kain pasin nogut. Nogat tru.

Romans 6:12, i tok, "Yupela i noken larim sin i bosim bodi bilong yupela. Nogut sin i pulim yupela na yupela i bihainim laik nogut bilong bodi." Taim yu tanim bel na bilip long Jisas, God i lusim sin bilong yu na mekim yu i kamap nupela. Olsem na yu mas givim laip bilong yu olgeta long God na larim em i bosim olgeta hap bilong laip bilong yu. yu noken bihainim laik bilong yu yet, nogat. "Taim yupela i stap laip bai yupela i stap ol manmeri bilong God stret na bai yupela i mekim pasin God i laikim. Yupela i mekim olsem na yupela i ken lotu tru long God" Romans 12:1.

Husat i sindaun long sia king long bel bilong yu? Jisas i king long laip bilong yu o yu yet i laik stap bos man yet? Yu mas daunim yu yet na daunim olgeta laik bilong yu na larim God i bosim laip bilong yu yet, orait Holi Spirit i no inap pulapim laip bilong yu.

**WANTOK**

Published Weekly, Thursday, for Word Publishing Company, Ltd.

P.O. Box 1982, Boroko, NCD Papua New Guinea

Telephone: (675) 325 2500

Fax: (675) 325 2579

Email: editorial@wantok.com.pg

Pe bilong wanpela yia 52 niuspepa

<b>Ples:</b>	<b>Air:</b>
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager Elizabeth Konga

Editor Neville Choi

Published at Section 58, Allotment 3 Office 2, Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.



Harim TOK PISIN long  
Radio Australia  
**101.9FM**  
Port Moresby

**TOK PISIN NEWS**  
from Radio Australia  
radioaustralia.net.au

**Tok Pisin Service**  
6am - 7am 6080; 7240(KHZ)  
7pm - 9pm 5995; 6020; 9710; 1280(KHZ)

**PASIFIK BEAT**

**SOLOMON IS:**  
Bipo MP tok rasol bagarap i gat as long sait bilong politiks

BIPO Solomon Ailan Fainens Minista, Peter Boyers i tok em i bilip bagarap long kampani opis bilong em insait Honiara long Sande nait i kamap bikos long politiks. Dispela independent MP i tok wanem bagarap i kamap i kam long foapela ten (40) man long kampani graun bilong en i no wok bilong ol kain raskol we olgeta i save long en.

Mista Boyers i bilip em i pasin we i kirap long sait bilong en kamap man husat i givim toktok long kot agensim wanpela bilong tupela gavman MP husat polis i holim pasim long ol sas long kirapim bikpela pait insait Honiara.

**Husat i Askim:** Sam Seke  
**Husat i Bekim:** Peter Boyers, Solomon Ailans Independent MP

**BOYERS:** Namel long tripela ten (30) na foapela ten (40) yangpela man i kam na ronim was man bilong mi wantaim ston na go het long bagarapim opis bilong mi we ol i stilim tu sampela samting. Ol i bagarapim opis bilong na go.

**SEKE:** Ol i gat ol kain samting olsem naip o gan tu?

**BOYERS:** Long tok ol i holim samting long givim bagarap, ol i gat ol ston na naip tasol.

**SEKE:** Was man bilong yu inap long luksave long husat stret i mekim dispela?

**BOYERS:** Long dispela taim nogat. Polis i lukluk long opis we ol i mekim wok painim aut na ol i stap insait wok long mekim dispela wok painim aut wantaim arapela foapela hevi we i kamap long wan kain nait.

**SEKE:** Inap yu tokim mipela moa long bagarap opis bilong yu i kisim?

**BOYERS:** Planti bilong ol windo i bruk bikos ol i tromoim ol ston long en. Ol kampani fail em ol i tromoim long plaua. Olgeta fail na opis samting em oli tromoim long olgeta hap na wanem samting i stap long tebol i no stap moa. Em i namba wan taim mi lukim kain vailens olsem i kamap.

**SEKE:** Peter, pastaim yu bilip olsem dispela i kamap bikos long politiks. As bilong dispela i kamap em bikos long sait bilong politiks?

**BOYERS:** Ating i mas gat kain tingting olsem. Tru tumas mi pilim olsem mi kamap mak long sampela as na em i ken kamap bikos long sait bilong ol kot hiaring we mi witness long en. Mi bilip as bilong en em bikos long tupela MP polis i holim pasim we ol man husat i karim aut dispela pasin i bilong Is Honiara. Mi ken tingting kain kain samting tasol mi bilip i gat as long ol i mekim dispela long mi.

**SEKE:** Olsem wanem wantaim dispela tupela husat i bungim hevi? Ol husat, yu save long ol o wanem prensip bilong yu wantaim ol?

**BOYERS:** Planti bisnis insait dispela taun i save long wanpela arapela na em i luk olsem ol bisnis haus insait long erai mi stap long en o eria we mi gat ol bisnis bilong mi i bungim sampela kain bagarap.

Namba wan as em bikos i nogat planti bisnis i stap raun. Ol i gat liklik namba bilong ol was man husat i lukautim ol bisnis na dispela em isi long ol raskol i makim ol. Mi no ting dispela em hevi bilong lo na oda long sait bilong ol atoriti. Ating em i ol hevi we i kamap bikos ol i kamap na mi gat strongpela bilip long polis na long lo sistem long kantri long stretim kain hevi. Mi no ting dispela em mas kamap sistem we yumi tok yumi nogat lo na oda hevi bikos yumi i gat ol lo na oda hevi. Mi bilip em ol iven we i kirap bikos ol i kirap na i ken kamap bikos long politikol envairomen mipela gat long dispela taim we i kirapim i no klia tingting.



**AMAMASIM BIA:** Ol dispela yangpela meri Jemani i sanap kisim poto wantaim ol bikpela glas bia long bikpela festival bilong bia ol i kolim Oktoberfest i kamap insait long ples Munich, Sauten Jemani long Sarere, Septa 16, 2006. Dispela yia bai namba 173 Oktoberfest na em bai ron i go inap Oktoba 3, 2006. (AP Poto/Christof Stache).

**SI Jas bai givim disisen long 'bihain taim' bilong MP**

**WANPELA** jas long Solomon Ailans (Solomon Islands) bai givim disisen bilong en long tumora Fonde long sapos Honiara MP Nelson Ne'e bai sanap long High Court.

Ol nambawan kot bilong wanpela long tupela Solomon Ailans palamen memba, em ol i sasim long kamapim ol trabol long mun Epril insait long Honiara, i bin pinis long Tunde.

Defence lawyer Andrew Nori i no bin singautim ol witnes taim prosekusen loya i pinisim toktok bilong ol long ol sas blong kirapim trabol.

Mista Nori pastaim i bin tokim kot olsem ol prosekusen loya i no gat inap evidens, na Mista Ne'e i no at wanpela keis long bekim dispela ol sas.

Honiara nius ripota Ofani Eremae i bin stap insait long kot na sampela witnes i sanisim stori bilong ol pinis.

**BOUG i wok hat long rausim ol Fiji soldia**

OL ATORITI insait long Bogenvil (Bougainville) i kirapim gen ol wok bilong kisim wanpela spesol envoy long rausim 5-pela Fiji man, husat i stap hait iet insait long South Bougainville.

Ol i sutim tok long dispela 5-pela man i bin i go hait long Bogenvil long wok wantaim Noah Musingku, man i go pas long kamapim wanpela giaman mani bisnis.

Bogenvil Vais Presiden Joseph Watawi i tok gavman bilong en i wok long toktok wantaim Fiji High Commission insait long Port Moresby.

Em i tok ol i wok long traime painim wanpela gutpela rot bilong kisim aut ol dispela ol Fiji man.

**Ol Australia soldia long East Timor i kam bek**

SIKISPELA-ten-nain (69) ol soldia blong Australia i kamap bek long Sydney bihain long ol i bin stap 4-pela mun long East Timor.

Gavman blong East Timor i bin askim ol soldia long halivim ol long daunim ol trabol insait long kantri, em i bin kamap long mun Me.

Insait long dispela taim bilong ol, ol sodia i bin painim klostu 3-tausen ol gun na ol samting bilong pait.

Samting olsem 900 Australian Defence Force wokman meri i stap yet insait long Is Timor (East Timor).

**Yangpela Australia long Cambodia kalabus i no winim 'appeal'**

WANPELA yangpela mangi bilong Australia, em ol i salim i go kalabus long Cambodia long wanpela-ten-tri(13) yar long ol sas bilong drak, i no winim apil bilong en.

Gordon Vuong bilong Sydney, krismas 16, ol i bin holim em kalabus long yar igo pinis taim em ibin traime kisim wanpela 'flight' lusim Cambodia wantaim tupela kilogram heve blong heroin drug.

Loya bilong en i askim kot long daunim kot taim i go long faifpela yar, long wanem em i wanpela yangpela man yet.

Em i tok Vuong i gat wanpela mo sans long kisim keis bilong en i go long Supreme Court bilong Cambodia.

**Olpela PNG Minista i tok em i no mekim wanpela rong**

INSAIT long Papua New Guinea, ol ibin rausim wanpela sinia gavman minista long wok bihain long ol i sutim tok long em long traime kamapim trabol insait long gavman.

Ekting Prait Minister Don Polye i bin rausim Pablik Sevis Minista Sinai Brown long wiken.

Niusman Firmin Nanol i ripot olsem minista ibin rausim finance secretary long wok pastaim long kisim tok orait blong gavman.

Mista Polye i tok minista i kamapim pinis wanpela pasim bilong daunim wok blong gavman taim em i makim ol pablik sevan olsem ekting dipatmen bos.

Tasol minista i tok em i no bin mekim wanpela rong.


**Pacific BEAT** Listen to Radio Australia 101.9FM Port Moresby

4, 5, 6am & 4pm, 5pm including sport


Radio Australia current affairs programme which focuses on island nations, bringing you morning and evening coverage of Pacific current affairs including interviews with political leaders, newsmakers, and the people who make the Pacific beat.



TUPELA YET: Hiri kwin bilong 2006 na 2005 i sanap wantaim long Hiri Moale festival long wiken.



PAIRAP: Dokdoki ben bilong Fiji i mekim sampela gutpela musik tu long Pot Mosbi Independens selebresen.



STRONG BILONG KANTRI: Gavana Jenerel Gren Sief Sir Paulias Matane i sekim gad ov hona.



SALUT: Gavana Jenerel Gren Sief Sir Paulias Matane isoimre-spekt bilong em.



MASTAIM: Ol opisa wantaim PNG fleg.



HEDIORO BOGEBADA: Dispela tupela meri kilim skin srtet long Hiri Moale festival long Pot Mosbi.




PNG YA!!: Ol manmeri na mangi tu i amamasim 31 yia bilong kantri.



RAIT KALA: Dispela meri Papua i aigris long bilas bilong tupela mama na pikinini long Independens Hill.



PROMIS: Ol skul pikinini long Kangep i kam gut long nesene pleds.



AH SORE: Stail meri, Baraka Melinda Puti i mekim save long danis na singsing antap long haus win.

Nem:.....

Krismas:.....

Man o Meri: .....

Atres:.....

Telepon Namba:.....

Long givim bekim long ol askim, makim olsem

Salim i kam long long: Wantok Ridasip Seve P.O. Box 1982, Boroko, NCD Papua New Guinea

1. Yu save baim na ritim Wantok hamas yia nau?

1-pela yia  
 2-pela yia  
 Moa long 2-pela yia

2. Em i isi long baim Wantok Niuspepa o nogat?

Em i isi  
 Em i hat moa

3. Yu save kisim Wantok Niuspepa we? (makim olgeta rot yu save kisim)

Baim long stua  
 Baim long maket  
 Baim long man i salim long rot  
 Ol i save lusim long haus bilong mi  
 Mi save ritim long wok ples  
 Mi save ritim Wantok ol arapela i baim  
 I gat narapela hap? Plis tok klia.

4. Yu ting wanem long prais bilong baim Wantok? K1 long Mosbi, na K1.30 ausait long Mosbi?

Em i dia tumas  
 Em i orait  
 Em i liklik tumas

5. Yu save baim Wantok long wanem de insait long wan wan wik? (makim wanpela tasol)

Fonde  
 Fraide  
 Sarere  
 Sande  
 Mande

Tunde  
 Trinde

6. Yu save baim Wantok hamas taim? (makim wanpela tasol)

Olgeta wik  
 1 - 3-pela taim long wan wan mun  
 1-pela taim insait long sampela mun  
 Wan wan taim tasol  
 Mi no save baim

7. Yu save laikim wanem ol pes insait long Wantok?

Pes	Laikim	No Laikim
Nius	<input type="checkbox"/>	<input type="checkbox"/>
Rijinel Nius	<input type="checkbox"/>	<input type="checkbox"/>
Sios	<input type="checkbox"/>	<input type="checkbox"/>
Helt Nius	<input type="checkbox"/>	<input type="checkbox"/>
Edukesen Nius	<input type="checkbox"/>	<input type="checkbox"/>
Oi Pas	<input type="checkbox"/>	<input type="checkbox"/>
Komentri	<input type="checkbox"/>	<input type="checkbox"/>
Wol/Pasifik Nius	<input type="checkbox"/>	<input type="checkbox"/>
Meri Nius	<input type="checkbox"/>	<input type="checkbox"/>
Haus Na Gaden	<input type="checkbox"/>	<input type="checkbox"/>
Glasim Musik	<input type="checkbox"/>	<input type="checkbox"/>
Entatenmen	<input type="checkbox"/>	<input type="checkbox"/>
Komik na Pilai	<input type="checkbox"/>	<input type="checkbox"/>
Stori Buk	<input type="checkbox"/>	<input type="checkbox"/>
Rurel Indastri	<input type="checkbox"/>	<input type="checkbox"/>
Bisnis Nius	<input type="checkbox"/>	<input type="checkbox"/>
Spot Dro	<input type="checkbox"/>	<input type="checkbox"/>
Spot Poto	<input type="checkbox"/>	<input type="checkbox"/>
NRL Nius	<input type="checkbox"/>	<input type="checkbox"/>
Spot Nius	<input type="checkbox"/>	<input type="checkbox"/>

8. Yu save laikim ol nius stori insait long Wantok Niuspepa o nogat?

Mi save laikim stret  
 Em i orait  
 Mi no save laikim tumas  
 Sapos yu no laikim, yu laikim wanem kain nius stori insait long Wantok?

9. Yu laikim wanem kain pilai resis insait long Wantok? (Makim raunim yes o nogat long wan wan)

Painim bal resis  Yes  Nogat  
Kalarim piksa resis  Yes  Nogat  
Raitim stori resis  Yes  Nogat  
Kanage stori resis  Yes  Nogat  
Ol kwis o askim resis  Yes  Nogat  
Sudoku  Yes  Nogat

Sapos I gat arapela yu tingim, plis raitim nem bilong en long hia

10. Wanem kain ol prais bai kirapim bel bilong yu long traim ol resis insait long Wantok?

11. Yu save laikim ol pilai na kwis o askim resis bilong traim we i nogat prais bilong en o nogat? (makim wanpela tasol)

Yes, mi save laikim  
 Nogat, mi no laikim

12. Hamas manmeri i save ritim Wantok Niuspepa yu baim? (makim wanpela tasol)

1-pela manmeri  
 2-pela manmeri  
 Inap long 6-pela manmeri  
 Moa long 6-pela manmeri

13. Yu save laikim ol Wantok spesol sapli-men long ol bikpela de o nogat?

Yes  
 Nogat

14. Yu save laikim ritim Catholic Reporter na Gavamani Sivara inset o nogat?

Yes  
 Nogat

15. Yu baim wanpela samting yu bin lukim insait long Wantok Niuspepa etvataisimen tu o nogat?

Olgeta taim  
 Wan wan taim tasol  
 Nogat

16. Logo o piksa bilong Wantok em i wanpela sei kaur na dispela toktok "Niuspepa bilong yumi ol PNG stret". Yu ting Wantok

Niuspepa i makim ol grasrut pipel bilong PNG?

Yes  
 Nogat

Sapos nogat, plis tok klia:

17. Yu laik lukim moa, liklik tasol o wankain namba poto, stori na ol etvatisimen insait long Wantok Niuspepa?

Moa  Liklik tasol  Wankain Poto

18. Yu ting Wantok i mas kamaut yet long Fonde o yu laikim i kamaut long narapela de insait long wan wan wik? (makim raunim yesa o nogat)

Kamaut yet long Fonde  Yesa  
 Nogat  
Kamaut long narapela de  Yesa  
 Nogat  
Wanem De? \_\_\_\_\_

19. Sapos Wantok i kamaut tupela taim long wan wan wik bai yu baim tupela pepa wantaim? (makim wanpela tasol)

Yes  Nogat  Sampela taim tasol

20. Sapos Wantok i kamaut tupela taim long wanpela wik, yu laikim bai em i kamaut long wanem tupela de? (Raitim wanem tupela de)

De Namba 1 \_\_\_\_\_  
De Namba 2 \_\_\_\_\_

21. Yu ting wanem long kain tok pisin insait long Wantok? (makim wanpela tasol)

I gutpela tru  
 Gutpela tasol  
 Em i orait  
 I no gutpela  
 I nogut olgeta  
 Plis tok klia

22. Yu ting tok pisin insait long Wantok em i tok pisin yu save yusim long ples yu stap long en?

Yes  Nogat  
Plis tok klia: \_\_\_\_\_

23. Yu save kisim nius na toksave long wanem hap? (makim olgeta rot)

Wantok

Post Courier na National  
 Redio  
 Televisen

Arapela (plis tok klia)

24. Yu save ritim wanem ol arapela niuspepa insait long wan wan wik?

Post Courier  Yes  Nogat  
The National  Yes  Nogat  
Ol ovasis niuspepa  Yes  Nogat

25. Yu save baim ol dispela niuspepa hamas taim insait long wanpela wik? (makim namba)

Post Courier  1  2  3  4  5  
The National  1  2  3  4  5  
Ol ovasis niuspepa  1  2  3  4  5

26. Yu save harim wanem ol redio stesin? (makim ol redio stesen yu save harim)

Provinsel Redio, olsem Redio Morobe,  
 NBC / Karai  
 FM 100  
 Nau FM  
 Yumi FM  
 Wantok Redio Lait  
 Redio Australia  
 Arapela (plis tok klia)

27. Yu save lukim TV hamas taim tru insait long wanpela wik? (makim wanpela tasol)

Mi nogat TV  
 I go inap 1 awa  
 Namel long 1 na 3-pela awa  
 Namel long 3 na 6-pela awa  
 Namel long 6 na 10-pela awa  
 Moa long 10-pela awa

28. Yu save laik lukim wanem ol dispela stesin?

EMTV  CNN  ABC  
 SBS  HBO

BBC  
 Arapela (plis tok klia)

29. Yu save mekim wanem kain wok? (makim wanpela tasol)

Fama  
 Nogat Wok  
 Haus meri / domestik  
 Wok potnait  
 Infomol Sekta Wokman  
 Sios wokman  
 Sumatin  
 Arapela wok \_\_\_\_\_

30. Wanem mak bilong skul bilong yu? (makim wanpela tasol)

Nogat skul  
 Misin skul  
 I go inap Gret 6  
 I go inap Gret 10  
 I go inap Gret 12  
 Spesol o teknikel trening (I no koles)  
 Sampela skul long koles  
 Greduet long Koles  
 Sampela skul long yunivesiti  
 Yunivesiti Greduet

31. Yu gat hamas krismas (makim wanpela tasol)

I go inap 15 krismas  
 16-20 krismas  
 21-25 krismas  
 26-30 krismas  
 31-40 krismas  
 40 na i go antap

32. Hamas manmeri i stap insait long haus bilong yu. Kandim yu yet tu. (makim wanpela tasol)

Wanpela  
 Tupela

Tripela  
 Fopela  
 Paipela  
 Namel long 6 na 10  
 Moa long 10

33. Yu save laik ritim o harim nius bilong yu long wanem kain tok ples? (makim raunim wanpela anit long tupela het tok)

Ritim Nius	Harim Nius
Inglis	Inglis
Tok Pisin	Tok Pisin
Motu	Motu

34. Taim yu toktok wantaim ol poroman o famil bilong yu, yu save yusim wanem tok ples? (makim wanpela tasol)

Inglis  
 Tok Pisin  
 Motu  
 Sapos arapela tok ples, plis tok klia

35. Long lukluk bilong yu, yu ting wanem long Wantok Niuspepa nau? (makim wanpela tasol)

Namba wan stret  
 Gutpela tru  
 Gutpela  
 Em i orait  
 I no gutpela  
 Plis tok klia

36. Wantok i go mobeta o nogat? Skelim wantaim Wantok bilong 5-pela o 10-pela yia i go pisin. (makim wanpela tasol)

I gat planti gutpela samting moa  
 I gat sampela gutpela samting tasol  
 Em i wankain tasol  
 Em i nogut moa  
 Em i bagarap olgeta nau  
 Plis tok klia.

Dispela Niuspepa save bai ron i go inap Fonde Oktoba 26, 2006. Ol wokmanmeri bilong Word Publishing Company na Wantok Niuspepa i no inap stap insait long resis bilong winim prais.

**Givim bekim na winim Prais!!**

**1st Prais!**  
Airlines PNG

Sans long winim tiket na rum silip wantaim Airline PNG

**2nd Prais!**  
14 Kala TV  
Brian Bell  
Stay with a friend

**3rd Prais!** K500 kes moni i kam long

**PANOTEL**

**4th Prais - K200 kes moni**  
na 5 pela katen Sardine tinpls

**5th Prais - K100 kes moni**  
na 5 pela katen RD Tuna tinpls  
Ol arapela prais - Ol kala

WANTOK T-slot na kep



Lo bilong Lukautim ol Meri



Adaltri na Entaismen

LONG dispela wik, yumi stat long lukluk long lo bilong Adaltri na Entaismen bihain long ol tok-tok long Tambuim Paitim Meri i pinis.

Sapos marit man o meri i slip wantaim nara-pela man o meri husat i no trupela man o meri bilong em yet, em i mekim rong ol i kolim adaltri.

Sapos arapela man o meri i traim grisim wan-pela marit man o meri long slip wantaim em, dispela grisman o grismeri i mekim rong ol i kolim entaismen.

Sapos yu marit man o marit meri wantaim wanpela bilong dispela tupela hevi, orait dispela toktok i ken helpim yu long rot yu ken kisim long stretim hevi bilong yu.

Moa long neks wik.

Sotpela Tok Lukaut Skruim tok long Sik Kensa

Dokta bilong yu bai toktok wantaim yu long wanem kain operesen em ting i gutpela long yu. Dispela bai kamap bihain dokta i luksave long ron na sais bilong solap bilong kensa insait long bodi bilong yu.

Bipo yu kisim operesen yu mas toktok na askim long ol samting yu i no klia long en. Ol bai i no inap karim aut operesen inap yu yet i givim tok orait bilong yu.

Long neks wik, yumi bai lukluk long ol kain operesen ol dokta i ken karim aut long rausim solap insait long susu bilong yu.

Moa long neks wik.

Wok Redi long ol Bikde

Veronica Hatutasi i raitim

..... Bilong ol Meri, Pikinini na Humen Rait

MUN Novemba ba Disemba i gat planti bikpela de bilong ol meri, pikinini, humen rait, voluntia na disebel lain long wol we PNG bai givim luksave tu long ol.

Olsem na ol grup na ogenaísesen i save sapotim ol wok na rait bilong ol meri i karimaut ol wok redi long selebretim ol bikpela de olsem long dispela lista.

Novemba 20 em Yunivesel Pikinini De, Novemba 25 em Intenesenel De bilong Rausim Olgeta kain Pasin long Rabisim na Bagarapim ol Meri, Disemba 1 em Wol AIDS De, Disemba 3 em Intenesenel de bilong ol Disebel Pipel, Disemba 5 em Intenesenel Voluntia De na Disemba 10 em Humen Rait De.

Ume Wainetti em Progrem Kodineta bilong Famili na Seksuel Vailens Eksen Komiti (FSAC) i salim toksave i go long ol grup na ogenaísesen i save sapotim wok na rait bilong ol meri, pikinini na famili long kamap long wanpela bung tude long toktok long



WOK REDI: Ume Wainetti na ol arapela grup lida i gat bikpela wok long helpim ol meri na komyuniti.

plon na ol wok bai kamap long ol bikpela de bilong ol meri.

"Mi askim yupela long toktok wantaim ol patna bilong yupela long provinsel na nesene level long staf wok bung wantaim na wokim ol

bena, eksen plen, redim ol pilai drama we bai autim ol strongpela mesej o tok skul long pipel.

'Plenim gut ol wok long promotim ol de na kisim ol tok orait long polis sapos yupela i

laik holim ol kempeim mas samting," Ms Wainetti i tok.

Em i tok long ol grup lida o ogenaísesen long etvaisim ol lain bilong ol long wok wantaim ol lokol redio stesen, midia, TV na ol lida i ken harim singaut na givim sapos wantaim ol risos long pait egensim vailens long famili, strit na wanem hap moa.

Het tok bilong ol dispela bikpela de bilong ol meri, pikinini na famili em long "Mekim Rait i Kamap Tru Tru."

Em i tok ol bai karimaut ol wok plen i sut long ol dispela de 20 de bipo ol i kamap.

Ol netwok patna em long Nesene Kaunsel bilong ol Meri, YWCA, Nesene Volantia Semis, ICRAF, Komyuniti Developmen Dipatmen, Komyuniti Beis Koreksen, Viles Kot na Komyuniti Polising.

Mis Wainetti i tok bikpela samting em long plen gut na wok bung wantaim long redi long selebresen bilong ol dispela de na pipel i noken lusim tingting long ol lain we i kisim bagarap long narapela, hangere, sik na ol lain i gat sampela hap bodi i bagarap bai kisim gutpela lukaut.

Raun lukim ol meri na pikinini



EM NAU: Ol mama na pikinini i wok long gaden rais bilong ol.



KARM KAIKAI: Mama ya i kisim ol rais sit i redi pinis long gaden bilong em.



HAUSLAIN: Ol lain bilong Fr Mateus bilong Flores Ailan, Is Timor.



SELEBRET: Ol refuji pikinini bilong lowara kem long Westen Provins i amamas long namba wan rais haves na selebret.

Rais i helpim gut ol meri

.....Ol asples na refuji meri long Kiunga

OL sios long PNG i wok long strongim ol pipel long mekim samting long helpim ol yet na kamapim gut laip na sindaun bilong ol, antap long spirituel wok ol i mekim long komyuniti na pipel.

Pater Mateus Juang SMM i wanpela Katolik Pater bilong Indonesia i wok long Sen Gerard Peris long Kiunga i bilip strong olsem agrikalsa bai helpim gut tru na kamapim senis long laip bilong ol manmeri long PNG.

Pater Mateus i tok bikos long pasin kastam bilong ol PNG na Melanesia pipel graun em i lewa bilong pipel na tu, em i promotim ikwaliti o man na meri i gat wankain luksave, PNG i mas promotim agrikalsa.

"Agrikalsa em i promotim ikwaliti o givim wankain luksave long man na meri, we ol man, meri, yangpela na pikinini i ken wok wantaim long promotim yuniti na tu, sevim envaironmen.

"Em i daunim hevi na hatpela taim ol meri na pikinini i bungim long painim kaikai bilong famili. Na tu, strongim ol man long wok bilong ol na ol i ken givim luksave long rait bilong ol meri insait long ol wan wan komyuniti bilong ol," Pater Mateus i tok.

Em i tok kliapela toktok na luksave long agrikalsa em i ken promotom tingting long wok bung wantaim, toktok wantaim na daunim "domestic violence" o pasin bilong bagarapim ol meri na luksave long lo na oda, daunim pasin bilong kisim smok nogut na ol drag, ol yangpela na ol arapela manmeri i ken go insait long wok agrikalsa na kamapim gutpela samting na abrus long planim mariwana we i bagarapim na kilim laip.

Long ol komyuniti insait long Daru Kiunga Daiosis na ol refuji kem long lowara na ol arapela moa, yu ken lukim planti ol meri, ol yangpela na ol pikinini i wok hat nau long planim rais long ol gaden na ol i amamas tru olsem nau ol i ken wokim samting we bai helpim ol gut long sindaun bilong ol.



# Fiji musik karim toksave bilong daunim HIV/AIDS

OL lain husat i go pas long ronim dispela inta-rijenel iven 'Yunaitet Agensim AIDS- PNG na Fiji, i luksave olsem musik em namba wan rot long karim aut aweanes long HIV/AIDS.

Na long dispela luksave olsem musik i nogat banis, ol i kism ben bilong Fiji, Voqa Ni Delai Dokidoki, wanpela luksave ben wantaim ol yangpela lain i stap insait long en long helpim wantaim dispela kempein. Dispela kempein i ron long olgeta de bilong independens wik.

Long taim mi toktok wantaim menesa bilong dispela ben long Trinde wik i go pinis long Junction naitklap, ben i wokim pinis tupela so insait long Mosbi, Moale Naitstail bilong Fiji i namba tu pablik so bilong ol insait PNG.

"Mipela i no nupela lain long intanesenel ron we yumi pilai pinis long Australia, Nu Silan na Amerika.

Na long yia i go pinis, yumi pilai insait Honiara, Solomon Ailans na nau long PNG," ben lida Mista Mano Dugulele i tokim mi.

"Samting we i arakain long ron bilong mipela long PNG em gavman bilong mipela i kirapim long patnasip progrem, 'Yunaitet Agensim AIDS- PNG na Fiji bilong tupela gavman."

Dugulele i tok Voqa Ni Delai Dokidoki i kam long kantri long askim bilong gavman na em i amamas tru long Fiji gavman long askim dispela 7 pela albam famili ben long Nasau viles long Koro ailan long saut isten hap long Viti Lavu long kam.

Dispela makim i gutpela long ben we long laspela 7 pela yia i gat ol yangpela husat i go pas long singsing ol singsing we ol arapela yangpela husat i harim i ken bilip long ol toktok ol i karim aut long singsing bilong ol.

Na strong bilong ol i save kam long mama bilong ol Kelera Lote husat i save ron olgeta wantaim ben.

Dispela 'Yunaitet Agensim AIDS- PNG na Fiji' i iven we i kirap namel long sampela wan wan iven olsem Somare/Ratu Mara Golf Tonamen Fiji na PNG Tred So, kalsarel so bilong ol grup husat i kam long Fiji, wol Ragbi Sevens- PNG Nesanel De 7's tonamen, kosing klinik bilong Serévi na tu, Voqa Ni Delai Dokidoki.

Dispela kain iven i lukluk long kamap olgeta yia insait long Fiji o PNG na em i tingting bilong nupela Fiji Hai Komisina long PNG, Isoa Delamisi Tikoca husat i wok wantaim Nesanel Iven Kaunsel na sponsa bilong Fiji, Digicel.

Mi bilip komiti husat i go pas long ronim dispela iven i toktok wantaim Airlines PNG long kism ol spesol prais long baim balus long ol PNG na Fiji pipel insait Nu Saut Wels, Kwinslen na Noten Teritori log Australia long larim ol kam long Mosbi long lukim dispela iven.

"PNG mas go pas long kirapim planti ol samting insait long rijen bhain long win stori bilong Melanesien Spia het Grup kibung,"



**YUNAITED AGENSİM AIDS:** Ben bilong Fiji, Voqa Ni Delai Dokidoki, wanpela luksave ben wantaim ol yangpela lain i stap insait long en long helpim wantaim dispela kempein. Dispela kempein i ron long olgeta de bilong independens wik.



**MUSIK I GO GUT TRU:** Ol yangpela i singsing wantaim lewa bilong ol.

Hai Komisina Isoa Delamisi Tikoca i tok long taim ol i wokim plening bilong dispela iven.

"Kain iven olsem 'Yunaitet Agensim AIDS- PNG na Fiji' ken bringim bikipela mani helpim long kantri na apim tred wok namel long tupela kantri bilong yumi na long wan kain taim tu, bringim ol yangpela i kam insait kempein long pait agensim AIDS."

Voqa Ni Delai Dokidoki i wanpela ben we i gat strongpela bilip long stia na lidasip bilong mama. Tripela brata husat i go pas long singsing, Temo Soko Lote, Junior Lote na VIII Lote i tok mama bilong ol Kelera i bun bilong ben.

Em i kamap mama na papa tu long ol pikinini man bilong en taim papa i lusim ol.

Ben long dispela taim em ol pikinini bilong pastaim ben we i bin gat papa na ol pikinini man i singsing.

Mano Dugulele i tok dispela i namba wan ben tasol insait Fiji we i stap strong wantaim nogat memba i lusim ben o kism ol nupela memba.

Dispela i mas kam long stia bilong Mama Lote husat mi ting save i no save larim ol manki long mekim ol so long Sande.

"Noken long Sande," em i save tok strong long ol manki we em i

save tok Sande em de bilong God na nogat wok mas kamap long dispela de.

"Long ples' yet, ol manki i save laik pulim pis na salim wanem pis ol i pulim long Suva o ol arapela taun long Viti Levu.

Pulim pis em laip bilong ol, Isem musik tu em laip bilong ol, pulim pis em samting ol i laikim tru," Dugulele i tok.

Voqa Ni Delai Dokidoki i pilaim musik bilong ol long Moale nait bilong FM Sentral we i save kamap olgeta wik long Junction naitklap.

"Moale nait i no long ol Papua o Hiri musik man tasol olsem nem 'moale' em amamas, olsem na

yumi askim ben long Fiji long mekim so bilong ol," tok FM Sentral anaansa William Mairi.

FM Sentral i ronim Moale nait bilong ol long 11 pela wik nau wantaim gutpela sapot bilong 'SP Brewery husat i save givim ol prais long wan wan wik.

Tasol long Trinde wik i go pinis, ol musik bilong Pasifik reggae na ailan musik i kam aut taim ben bilong Fiji i pilai.

Wanpela bikipela sapota bilong ben, Isidor Tiger bilong Pororan ailan insait Buka i kam long was ita harim ben em i laikim tru.

"Givim mi mobail long mi ringim ol pren long mi long kam long was, harim na danis long dispela gutpela musik," Isi i tokim mi.

Moale nait long Trinde wik i go pinis i kamap wantaim sapot bilong SP Brewery, Holiday Inn, FM Sentral na Fiji Hai Komisen.

Long stap tu long lukim so em Sharzy husat i laik mekim ron bilong em i go long Australia wantaim CHM Supa Ben long mekim ol so long hap.

Sharzy husat singsing bilong en Hem Stret i kamap namba wan long redio kaunt daun i save singsing na mekim rekot long planti sing sing long tokples Fiji, Tahiti, Samoa na Tok pisin tu.

Voqa Ni Delai Dokidoki i save raitim klostu olgeta musik bilong ol na sampela taim i save putim stail bilong ol yet long ol arapela singsing bilong Fiji wantaim 'meke', wanpela spesol danis bilong Fiji.

Ben i makim Mosbi long mekim namba wan so bilong ol long nupela singsing bilong ol My Beautiful Fiji, naispela singsing we ating bai apim luksave bilong Voqa Ni Delai Dokidoki insait long rijen.

Dispela singsing ol i mekim long namba wan taim taim ol i singsing long palamen long wik i go pinis.

My Beautiful Fiji bai stap insait namba eit albam bilong ol we kampani bilong ol yet, Dokidoki Prodaksen bai mekim na autim long neks yia.


Sampela bilong ol musik long grup em FM Sentral na FM 100 i wok long pilaim long dispela taim na spesol stail bilong ol i wok long kirapim laik bilong planti insait long PNG.

"Mipela i toktok wantaim CHM na ol arapela bodi long painim kampani long salim nusik bilong mipela insait long PNG," Dugulele i tok.

"Mipela i toktok long maketing na promosen plen na dispela ating bai helpim mipela long painim maket netwok we i gutpela long mipela salim musik bilong mipela long PNG."

**Yu ken ridim ol stori bilong Musik olgeta Mande insait tasol long The National**






### YUMIFM Redio Program

#### Program bilong Wanwan De - Mande - Fraide

6am - 10am - Sankamap show - Host: Kas.T  
 6:15am - Komuniti Notis Bod  
 6:30am - Nius Hetlains / Bondei grittings  
 STOP & SHOP GES FAIA KOMPETISEN  
 6:45am - Niuspepa Hetlains  
 7:00am - Major Nius Bulletin - YUMIFM Nius Senta  
 7:15am - Powerhaus Hit prediksen  
 7:30am - STOP & SHOP GES FAIA KOMPETISEN  
 8:00am - Major Nius Bulletin - YUMIFM Nius Senta  
 8:15am - YUMIFM Bisnis / Market Ripot  
 8:30am - STOP & SHOP GES FAIA KOMPETISEN  
 9:00am - Nius Bulletin - YUMIFM Nius Senta  
 9:15am - Luksave long Komuniti (Redio Pilai)  
 9:30am - STOP & SHOP GES FAIA KOMPETISEN  
 9:45am - YUMI PAINIM WOK Segment  
 10:00am - Nius - YUMIFM Nius Senta  
 10am - 2pm - Monin Trek na Belo Pack -  
 10:10am - Lukatim yu yet - Helt toktok - RH Hyper Mart  
 10:15am - Powerhaus Hit Prediksen  
 10:45am - YUMI PAINIM WOK Segment  
 11:00am - Nius - YUMIFM Nius Senta  
 11:10am - Cont'd - Lukauti yu yet - Helt toktok  
 11:30am - Nius Hetlains b'long Belo Taim  
 12:00pm - Major Nius Bulletin - YUMIFM Nius Senta  
 12:10pm - ESI COOK RICE Belo taim Dedikesen  
 12:15pm - Komuniti Notis Bod  
 12:20pm - cont'd ESI COOK Belo taim dedikesen  
 1:00pm - Nius - YUMIFM Nius Senta  
 1:10pm - cont'd ESI COOK RICE Belo taim dedikesen  
 1:15pm - Powerhaus Hit Prediksen  
 2:00pm - Major Nius Bulletin - YUMIFM Nius Senta  
 2pm - 6pm - Avinun Draiv Taim - Host: UNCLE ET  
 2:00pm - 4:00pm (Tunde / Fondei) TOKAUT TOKSTRET  
 2:45pm - YUMI PAINIM WOK Segment  
 3:00pm - Nius - YUMIFM Nius Senta  
 3:10pm - Avinun cruz  
 4:00pm - NIUS - YUMIFM Senta  
 4:10pm - SAUT B'long UNCLE ET - foapela singsing  
 4:30pm - Nius Hetlains  
 4:45pm - YUMI PANIM WOK Segment  
 5:00pm - Nius - YUMIFM Nius Senta  
 5:10pm - 6:00pm - FLAME KULCHA (1 hr)  
 6:00pm - MAJOR NIUS BULLETIN - YUMIFM Nius Senta  
 6pm - 00am - NAIT BEAT - Host: ANGRA KENNEDY  
 6:10pm - 7:00pm Mon kamap sho  
 6:15pm - Powerhaus Hit Prediksen  
 6:45pm - Komuniti Notis Bod (Toksava wantaim Vaviessie)  
 7:00pm - 9:00pm - COCA COLA GARAMUT  
 9:00pm - 00am - Nait Beat - Isi Cruz long nait  
 00am - 6am - BRUKIM TULAIT SHOW  
 00:00 - Early Monin Taim Cruz (ol lain brukim tulait So)

## Ol wiken entatenmen poto



MAMBU EM  
MIPELA YAI OI  
Not Solomon  
manki i kam gut.



AMAMASIM BIKDE! Westen Provins stail.

WI YAKA! Klia long ol Manus Danis  
lain.



EM NAU! OI Not Solomon meri i no isi  
long hatim kain singsing na danis bilong  
ol.

### RADIO AUSTRALIA TOK PISIN PROGRAM HARIM LONG: 101.9 FM

Radio Australia Tok Plain Program - MANDE

**Morning - Nait**

6AM Slesen Op - Nius Hetlain - Musik na ol intaviu  
 6.30AM Nius na Karen Ales  
 7AM Slesen Pas  
 7PM Slesen Op  
 7.01PM OI Hetlain na Program Privu  
 7.15PM Musik na Chit-Chat  
 7.30PM Nius na Karen Ales  
 8PM Helt  
 8.15PM Musik  
 8.30PM NIUS  
 8.40PM Spots Ripel  
 8.55PM Musik  
 9PM Slesen Pas

**TUNDE**

**Morning - Nait**

6AM Slesen Op - Nius Hetlain - Musik na ol intaviu  
 6.30AM Nius na Karen Ales  
 7AM Slesen Pas  
 7PM Slesen Op  
 7.01PM OI Hetlain na Program Privu  
 7.15PM Musik na Chit-Chat  
 7.30PM Nius na Karen Ales  
 8PM Marna Graun  
 8.15PM Musik/Spots  
 8.30PM NIUS  
 8.40PM Helt Ripel  
 8.55PM Musik  
 9PM Slesen Pas

**TRINDE**

**Morning - Nait**

6AM Slesen Op - Nius Hetlain - Musik na ol intaviu  
 6.30AM Nius na Karen Ales  
 7AM Slesen Pas  
 7PM Slesen Op  
 7.01PM OI Hetlain na Program Privu  
 7.15PM Musik na Chit-Chat  
 7.30PM Nius na Karen Ales  
 8PM Focus  
 8.15PM Musik/Spots  
 8.30PM NIUS  
 8.40PM Focus Ripel  
 8.55PM Musik  
 9PM Slesen Pas

**FONDE**

**Morning - Nait**

6AM Slesen Op - Nius Hetlain - Musik na ol intaviu  
 6.30AM Nius na Karen Ales  
 7AM Slesen Pas  
 7PM Slesen Op  
 7.01PM OI Hetlain na Program Privu  
 7.15PM Musik na Chit-Chat  
 7.30PM Nius na Karen Ales  
 8PM Youth  
 8.15PM Musik/Spots  
 8.30PM NIUS  
 8.40PM Focus Ripel  
 8.55PM Musik  
 9PM Slesen Pas

**FRAIDE**

**Morning - Nait**

6AM Slesen Op - Nius Hetlain - Musik na ol intaviu  
 6.30AM Nius na Karen Ales  
 7AM Slesen Pas  
 7PM Slesen Op  
 7.01PM OI Hetlain na Program Privu  
 7.15PM Musik na Chit-Chat  
 7.30PM Nius na Karen Ales  
 8PM Wantok  
 8.15PM Musik  
 8.30PM NIUS  
 8.40PM Youth Ripel  
 8.55PM Musik  
 9PM Slesen Pas

**SARERE**

**Nait**

7PM Slesen op - OI Nius Hetlain/Program Privu  
 7.05PM Musik na Chit Chat  
 7.30PM Nius  
 7.40PM Wantok  
 8PM Lokal Ben  
 8.30PM Nius  
 8.40PM Musik/Chit Chat  
 9PM Slesen Pas

**SANDE**

**Nait**

7PM Slesen op - OI Nius Hetlain/Program Privu  
 7.05PM Musik na Chit Chat  
 7.30PM Nius  
 7.40PM Femil Blong Serah (Redio Pilai)  
 8PM Lukluk Bek Long Wik  
 8.30PM Nius  
 8.40PM Musik/Chit Chat  
 9PM Slesen Pas

### SP WIKLI HIT HIT PARADE

Sarere 16/09/2006

- |    |                   |                                 |
|----|-------------------|---------------------------------|
| 1  | Hem Stret         | Sharzy ft Anslom & Fedyz        |
| 2  | Smile             | Nokondi                         |
| 3  | Tehine Moana      | Nahorau                         |
| 4  | Buka Meri         | Sharzy                          |
| 5  | Iwalingoto        | Junior Insects                  |
| 6  | Raingal           | Mistops of DOY Is               |
| 7  | Sia Hai O         | Basil Blitz Greg                |
| 8  | Rainy Lae         | Sharzy ft Anslom, Saba, Hausboi |
| 9  | Ire Bala          | Daville                         |
| 10 | Milomilo          | Kekene                          |
| 11 | World war II      | Psycho Band                     |
| 12 | Ipa Hupi          | Sounds of Hela                  |
| 13 | Telephone         | NiUAGE                          |
| 14 | KBC               | Sparqs                          |
| 15 | Ni alia Gutsomi   | Stain Nuts                      |
| 16 | Sumi Rere         | Lerams of Kagua                 |
| 17 | My Lady           | Sparqs                          |
| 18 | Tangara Walau     | Stain Nuts                      |
| 19 | Sori Uwaho Namomu | Murphy                          |
| 20 | Maten Kandiek     | Twin hoxs of Kavieng            |

### EM TV TV GAID

#### FONDE SEPTEMBER 21, 2006

5.29AM STATION OPEN  
 5.30AM G OYCE MEYER  
 Religious programme  
 6.00AM G TODAY  
 9.00AM G CREFFLO DOLLAR  
 Religious Program

#### CLASSROOM BROADCAST

9.30AM Mathematics - Grade 8  
 10.20AM Science - Grade 8  
 11:10AM Social Science - Grade 7  
 12:45PM Personal Development - Grade 6  
 1.15PM Making A Living - Grade 7  
 2.59PM STATION RE-OPEN

#### KIDS KONA

3.00PM G LIGHTS, CAMERA, WIGGLES  
 3.30PM G HI-5  
 4.00PM G Y  
 4.30PM G THE SHAK  
 4.57PM G EMTV TOK SAVE  
 5.00PM G HOT SOURCE  
 5.29PM G EMTV NEWS UPDATE  
 5.30PM G BERT'S FAMILY FEUD  
 6.00PM G NATIONAL EMTV NEWS  
 6.30PM G A CURRENT AFFAIR

#### 6.59PM G NEWS UPDATE IN TOK PISIN

7.00PM G TEMPTATION:  
 7.30PM G CHM SUPERSOUND  
 7.57PM G EMTV TOK SAVE  
 8.30AM G SPORT SCENE  
 9.30PM M THE FOOTY SHOW  
 11.00PM M THE AFL FOOTY SHOW  
 00.30AM G EMTV NEWS REPLAY  
 1.00AM EMTV PRIME TIME LINE UP

#### FRAIDE SEPTEMBER 22, 2006

5.27AM STATION OPEN  
 5.30AM G JOYCE MEYER  
 Religious programme  
 6.00AM G TODAY  
 9.00AM G CREFFLO DOLLAR  
 Religious Program

#### CLASSROOM BROADCAST

9.30AM Mathematics - Grade 8  
 10.20AM Science - Grade 8  
 11:10AM Social Science - Grade 7  
 12:45PM Personal Development - Grade 6  
 1.15PM Making A Living - Grade 7  
 2.59PM STATION RE-OPEN

#### KIDS KONA

3.00PM G THE EGGS  
 3.30PM G HI-5  
 4.00PM G Y  
 4.30PM G THE SHAK  
 4.57PM G EMTV TOK SAVE  
 5.00PM G HOT SOURCE  
 5.29PM G EMTV NEWS UPDATE  
 5.30PM G BERT'S FAMILY FEUD  
 6.00PM G NATIONAL EMTV NEWS  
 6.30PM G A CURRENT AFFAIR  
 6.59PM G NEWS UPDATE IN TOK PISIN

7.00PM G TEMPTATION: The  
 7.30PM G RUGBY LEAGUE 1ST  
 PRELIMINARY FINAL - Join your expert commentary team including Ray Warren, Peter Sterling, Phil Gould, Matty Johns and sideline commentary from Andrew Voss. Live from Aussie Stadium, Sydney.  
 10.12PM G EMTV TOK SAVE  
 10.15PM G IN MORESBY TONIGHT  
 A new-half-hour magazine program giving you insight of events happening in Port Moresby.  
 10.45PM G AFL 1ST PRELIMINARY FINAL  
 1.45AM G EMTV NEWS REPLAY

#### 2.00AM EMTV PRIME TIME LINE UP

#### SARERE SEPTEMBER 23, 2006

7.59AM STATION OPEN  
 8.00AM G PLANET FANTA  
 9.30AM G HOT SOURCE  
 10.00AM PG SO FRESH  
 11.30AM G RUGBY LEAGUE REPLAY  
 1st Preliminary Final  
 1.30PM G AFL REPLAY  
 1ST Preliminary Final  
 4.00PM G SPEED MACHINE  
 4.30PM G THE CAR SHOW  
 5.00PM G ESCAPE WITH ET:  
 5.30PM G FISHING NORTH  
 AUSTRALIA: "Maningrida Bluewater"  
 6.00PM G NATIONAL EMTV NEWS  
 6.30PM G AUSTRALIA'S FUNNIEST HOME VIDEO SHOW  
 7.30PM G RUGBY LEAGUE 2ND  
 PRELIMINARY FINAL - Join your expert commentary team including Ray Warren, Peter Sterling, Phil Gould, Matty Johns and sideline commentary from Andrew Voss. Live from Telstra Stadium, Sydney.

10.12PM G EMTV TOK SAVE  
 10.15PM G SOUTH PACIFIC MUSIC  
 11.15PM M CSI NEW YORK  
 00.15AM G EMTV NEWS REPLAY  
 00.45AM EMTV PRIME TIME LINE UP

#### SANDE SEPTEMBER 24, 2006

7.29AM STATION OPEN  
 7.30AM G SHARKS THE TRUTH  
 8.30AM G BUSINESS SUCCESS  
 9.00AM G SUNDAY  
 11.00AM G NRL FOOTY SHOW  
 12noon G SUNDAY ROAST  
 1.00PM G RUGBY LEAGUE  
 2nd Preliminary Final Replay  
 3.00PM G AFL SEMI FINAL  
 6.00PM G NATIONAL EMTV NEWS  
 6.30PM G THE QUEENS CASTLE  
 7.30PM G 60 MINUTES  
 8.27PM G EMTV TOK SAVE  
 8.30PM PG SUNDAY NIGHT MOVIE:  
 BLACK KNIGHT(2001Adventure/Comedy/  
 Fantasy - Martin Lawrence plays Jamal, an  
 employee in Medieval World amusement  
 park. After sustaining a blow to the head,



TORO



BIABIA



KANAGE



Independens selebresen i kam gut tru, nogat wanpela bagarap i kamap. Independens i pundaun long Sarere stret na olgeta manmeri i ting em nomol de na bai likasop i op. Nogat tru! Tupela poro bilong tokwin i bin selebret yet long Fraide i go moning na ol i wokabout i go long Rainbow Stop & Shop long baim bia tasol i painimaut olsem likasop i pas na tupela go silip gut tru long hauswin klostu long stua. Neks taim ritim pepa na save long ol de bilong pablik holide we lika i save pas long dispela de.

Sampela ol press kru i go long Jayapura long Fraide yet na selebretim independens bilong ol long hap. Ol i kam bek long Tunde 12 kilok long nait stret. Tokwin i harim olsem narapela i silip yet long Rainbow na i no go long opis yet. Em wok long glasim ol DVD CD bilong ol pikinini em i bin baim long Jayapura na malolo gut tru i stap. Kamon SS!

Waipa em tumbuna danis bilong ol Tolai i save mekim long taim bilong selebretim ol samting. Long Independens de long Yuni, ol sumating bilong Is Niu Briten i kamapim dispela danis. Dispela danis em yu kisim wip na wipim

han o lek bilong man husat i stap insait long dispela danis. Tokwin i kirap nogut long lukim ol mangi Sepik, Morobe, Wes Niu Briten tu i tekpat long dispela tumbuna danis. Em nau, multikalisorol pasin i wok nau.

Bikpela Media Expo bai kamap long dispela mun Septemba 2006. Plis husat ol arapela printing kampani na ol arapela kampani husat i tekpat mas peim ol booth bilong yupela na yumi mekim dispela Expo i kamap bikpela na gutpela. Dispela Expo em i nambawan kain i bin kamap long PNG...Kamon Let's Do it PNG!!

Wantok tasol.

PAINIM NEM INSAIT

Grid for the word search puzzle. Letters are arranged in a 15x15 grid.

Painim ol dispela toktok bilong bodi:

Table of body parts and their corresponding words: HAN, ROP BILONG BLUT, BLUT, SKIN, BUN, KRU BILONG HET, SUSU, BROS, YAU, SKRU, BEL, AI, GRAS BILONG AI, KAPA BILONG PINGA, PES, PINGA, PORET SANGANA, GRAS, HAT, LEWA, WASKET, MAUS NEK, NUS, ROT BILONG WIN, BANIS BUN, MAUSGRAS.

ANSALONG LAS WIK... crossword puzzle grid with some letters filled in.

ANSALONG LAS WIK...

ANSALONG LAS WIK... numerical puzzle grid with numbers 1-9.

Puzzle by websudoku.com

ANSALONG LAS WIK... numerical puzzle grid with numbers 1-9.

Puzzle by websudoku.com

Ol ansa bai kamaut long neks wik so putim was long neks wik pepa!!

EMTV TVGAID

he awakens to find himself in 14th century England. Stars: Martin Lawrence, Marsha Thompson, Tom Wilkinson, Vincent Regan. 10.30PM G EMTV NEWS REPLAY 11.00PM G PRAISE 12midnight EMTV PRIME TIME LINE UP

MANDE SEPTEMBER 25, 2006

5.27AM STATION OPEN 5.30AM G JOYCE MEYER Religious programme 6.00AM G TODAY 9.00AM G MALOLO CLUB \*\*start\*\* One week of school holiday specials to keep kids entertained with cartoons Dora the Explorer, What's New Scooby Doo, The Adventures of Skippy, and Pick Your Face.

TUNDE SEPTEMBER 26, 2006

11.30AM EMTV PRIME TIME LINE UP 2.59PM STATION RE-OPEN KIDS KONA 3.00PM G BANANAS IN PYJAMAS 3.30PM G HI-5 4.00PM G Y

4.30PM G THE SHAK 4.57PM G EMTV TOK SAVE 5.00PM G HOT SOURCE 5.29PM G EMTV NEWS UPDATE 5.30PM G BERT'S FAMILY FEUD 6.00PM G NATIONAL EMTV NEWS 6.30PM G A CURRENT AFFAIR 6.59PM G NEWS UPDATE IN TOK PISIN 7.00PM G TEMPTATION 7.30PM G RUGBY LEAGUE SP CUP GRAND FINAL - Full replay of the 2006 SP Cup Grand final played at the Lloyd Robson Oval. 9.27PM G EMTV TOK SAVE 9.30PM G PRAISE 10.30PM M COLD SQUAD 11.30PM G EMTV NEWS REPLAY 12midnight EMTV PRIME TIME LINE UP

TUNDE SEPTEMBER 27, 2006

5.27AM STATION OPEN 5.30AM G JOYCE MEYER Religious programme 6.00AM G TODAY 9.00AM G MALOLO CLUB

One week of school holiday specials to keep kids entertained with cartoons Dora the Explorer, What's New Scooby Doo, The Adventures of Skippy, and game show Pick Your Face. 11.00AM G CREFFLO DOLLAR Religious Program EMTV PRIME TIME LINE UP STATION RE-OPEN 11.30AM 2.59PM KIDS KONA 3.00PM G BANANAS IN PYJAMAS 3.30PM G HI-5 4.00PM G Y 4.30PM G THE SHAK 4.57PM G EMTV TOK SAVE 5.00PM G HOT SOURCE 5.29PM G EMTV NEWS UPDATE 5.30PM G BERT'S FAMILY FEUD 6.00PM G NATIONAL EMTV NEWS 6.30PM G A CURRENT AFFAIR 6.59PM G NEWSUPDATE IN TOK PISIN 7.00PM G TEMPTATION: 7.30PM G HAUS & HOME 8.27PM G EMTV TOK SAVE 8.30PM PG SUPER NANNY 9.30PM PG WHAT'S GOOD FOR YOU

True or false? Debunk the myths of life's little mysteries with this brand new series that will test your knowledge of common health theories. Each week we'll sort the information from the misinformation - you'll be surprised by what we discover. Hosted by Sigrid Thornton (new day) 10.30PM M C.S.I. 11.30PM G EMTV NEWS REPLAY 12midnight EMTV PRIME TIME LINE UP

TRINDE SEPTEMBER 27, 2006

5.27AM STATION OPEN 5.30AM G JOYCE MEYER Religious programme 6.00AM G TODAY 9.00AM G MALOLO CLUB One week of school holiday specials to keep kids entertained with cartoons Dora the Explorer, What's New Scooby Doo, The Adventures of Skippy, and the kids game show Pick Your Face. 11.00AM G CREFFLO DOLLAR Religious Program

11.30AM EMTV PRIME TIME LINE UP 2.59PM STATION RE-OPEN KIDS KONA 3.00PM G BANANAS IN PYJAMAS 3.30PM G HI-5 4.00PM G Y 4.30PM G THE SHAK 4.57PM G EMTV TOK SAVE 5.00PM G HOT SOURCE 5.29PM G EMTV NEWS UPDATE 5.30PM G BERT'S FAMILY FEUD 6.00PM G NATIONAL EMTV NEWS 6.30PM G A CURRENT AFFAIR 6.59PM G NEWS UPDATE IN TOK PISIN 7.00PM G TEMPTATION: 7.30PM G MCLEOD'S DAUGHTERS 8.29PM G EMTV TOK SAVE 8.30PM M WEDNESDAY NIGHT MOVIE: ZOOLANDER - (2001) Comedy - At the end of his career, a clueless fashion model is brainwashed to kill the Prime Minister of Malaysia.Stars: Ben Stiller, Owen Wilson, Christine Taylor. 10.30PM G EMTV NEWS REPLAY 11.00PM G SOUTH PACIFIC MUSIC 12midnight EMTV PRIME TIME LINE UP



**PPEN  
PREN**

- NEM: Jacklyn Sanga**  
KRISMAS: 15 (meri)  
ADRESS: P.O Box 214, Wewak  
SAVE LAIKIM: Harim musik, mekim pani, kukaim kaikai, go lotu, raitim pas na mekim bilum
- NEM: Albert Yakamsa**  
KRISMAS: 21 (man)  
ADRESS: C/- Eddie Creek Aid Post, P.O Box 2, Wau, Morobe provins  
SAVE LAIKIM: Ritim buk, go lotu, mekim pani na stori nabaut
- NEM: Michael Haya**  
KRISMAS: 18 (man)  
ADRESS: Magarima High School, P.O Box 33, Mendi, Southern Highlands  
SAVE LAIKIM: Pilai ragbi tas, harim tumbuna stori na harim nius
- NEM: Billy K Timbon**  
KRISMAS: 28 (man)  
ADRESS: Mumbé Bros, P.O Box 4249, Boroko, NCD  
SAVE LAIKIM: Pilai soka na volibol, ritim buk, lukim ragbi na go lotu.
- NEM: Jovanna Kamato**  
KRISMAS: 17 (meri)  
ADRESS: Bema High School, PMB, Bema, Lae, Morobe Provins  
SAVE LAIKIM: Lukim TV, pilai basketbol na volibol na harim musik
- NEM: Helen Maufu**  
KRISMAS: 17 (meri)  
ADRESS: Kimbe Secondary School, P.O Box 225, West New Britain  
SAVE LAIKIM: Go lotu, mekim pani, pilai soka na mekim pani.
- NEM: Janet Kirewo**  
KRISMAS: 15 (meri)  
ADRESS: Lutheran Day Primary School, P.O Box 2096, Madang  
SAVE LAIKIM: Pilai volibol, harim musik, go lotu na mekim pani
- NEM: Zemille Kenny**  
KRISMAS: 13 (meri)  
ADRESS: Lutheran Day Primary School, P.O Box 2096, Madang  
SAVE LAIKIM: Harim musik, pilai spots, go lotu na mekim pani
- NEM: Naomi Tukiki**  
KRISMAS: 14 (meri)  
ADRESS: Lutheran Day Primary School, P.O Box 2096, Madang  
SAVE LAIKIM: Raun raun, mekim panim go lotu na pilai volibol
- NEM: Molly Cholai**  
KRISMAS: 13 (meri)  
ADRESS: Lutheran Day Primary School, P.O Box 2096, Madang  
SAVE LAIKIM: Skul, pilai soka na volibol, ritim buk, go lotu, harim musik na kuk.

# Sapta 5 - Oda bilong Britis Empaia Redi long pait na bikpela toksave

**L**ONG eit kilok long nait ol i autim mumu long hol. Ol i kaikai i tan gut tru. Saiten Pokep i tokim ol long putim ol kaikai long tupela hip; wanpela hip bai i go long ol visita na narapela bilong ol polis na pamili bilong ol. Ol i brukim hip bilong ol visita gen, sampela i go long polismasta na sampela long ol polisman i kam wantaim em.

Taim bilong kaikai i stat Pokep i askim ol meri na pikinini i kisim kaikai pas-taim bihain ol man. Kiap Maina i kisim kaikai bilong en long hip bilong Mumeng na pinis em i go wantaim long polismasta na tupela i kaikai long wanpela liklik tebol. I gat planti kaikai tru. Husat i laik kisim namba tu o tri taim i ken go kisim.

Long ten kilok nait sampela meri na pikinini i wok-abaut i go bek long haus bilong ol long slip. Napikuwop wantaim tupela pikinini bilong en i sindaun wantaim ol pamili bilong kopul Gawi na narapela pamili long wanpela liklik kona na mekim save stori. Long twel kilik stret Kiap Maina i bringim bikpela redio bilong en i kam daun na ol i harim nius i kam long NBC long Mosbi. Long hap pas twej nius i tok bai Gavana Jeneral i mekim toktok bilong en long wan kilok. Kiap Maina i toksave long ol polisman bilong en olsem em i laik harim Gavana Jeneral i autim nem bilong ol dispela man Kwin bai onarim long de em bin bon long en (betdei).

Taim ol i harim pip bilong wan kilok i krai, Kiap Maina

i tanim redio i go antap na olgeta man i putim yau bilong ol long en. Man bilong ridim nius i ridim ol sampela bikpela nius pinis na bihain em i tok,

"Now we will cross over to the Government House where Russell Bula i standing by for the Governor General to announce the names of those who have been awarded honours by Her Majesty.

On behalf of her Majesty the Queen, I have the honour and the privilege to announce the following honours.

Heading the list this morning is Masta Kei Laban who has been awarded the Knight of St. George for long and distinguished service to the development of politics in Papua New Guinea. In the Discipline Forces the following officers have been awarded OBE for distinguished services to the Royal Constabulary. They are Sergeant Major Lowan, Sergeant Major Takot and Sergeant Pokep. The following have been awarded MBE for long services to the Royal Constabulary, Sergeant Kilol, Sergeant Mel, Corporal Gawi, corporal Kini and Corporal Reu".

Olgeta man i kirap nogut na ol i amamas. Saiten Pokep, Kopul Gawi na Kopul Reu ol i lukluk long ol yet na pes bilong ol i lait long amamas. Namba wan taim tru meri bilong Saiten Pokep i singaut amamas long ai bilong ol man. Ol tripela i sanap na lukluk tasol long Kiap Maina na autim bikpela saprais wan-

taim smail. Ol i save dispela i mas wok bilong en o Kiap Braun. Kiap Maina na Polismasta bilong Lae tupela i namba wan man tru long kam sekan long ol dispela tripela bikman bilong ol.

Bihain Kiap Maina i lukluk long pes long ol polisman bilong en na i tok. "Nau mi laik askim Polismasta long mekim liklik toktok". Bikman bilong ol polis long Morobe i lukluk long olgeta, stretim nek bilong en na i tok, "Kiap Maina yupela ol polisman bilong mi na ol pamili bilong yupela. Pastaim tru mi amamas tru long Saiten Pokep long winim dispela bikpela namba tru i kam long Kwin. I no gat planti man long Papua Niugini i gat OBE. Nambatu amamas bilong mi i go long Kopul Gawi na Reu long MBE bilong tuepal. Hona yupela i kisim tude i no bilong yupela tasol, hona i bilong yupela hia long Mumeng na long yumi olgeta long Morobe. Yupela tripela i makim wok bilong polisman long dispela distrik. Bikpela kongretulesen bilong mi tru i go long yupela. Em tasol".

Kiap Maina i givim tenkyu long Polismasta na bihain em yet i mekim liklik hap toktok bilong en. Em i tok, "Tunait i bikpela nait bilong yupela tripela bikman bilong Mumeng. Yumi amamas tude long Mumeng bikos Kwin i onaim wok bilong yupela long dispela stesin na insait long Kukukuku. Mi yet mi laik tenkyu long yupela tripela bikman bikos sapos yupela i no halivim mi bai mi stap

kranki yet. Tude yumi save olgeta man long PNG i save long nem bilong Mumeng na olsem tude yumi mas amamas long Saiten Pokep OBE, Kopul Gawi MBE na Kopul Reu MBE. Tenkyu long yupela tripela. Nau mi laik askim Saiten Pokep long mekim liklik toktok, bihain Kopul Gawi na Kopul Reu".

Saiten Pokep i sanap, lukluk long Kiap Maina bihain long ol pren bilong en na i tok, "Tenkyu Polismasta na Kiap Maina long gutpela toktok yutupela i mekim pinis. Spesel tenkyu bilong mi i go long Polismasta long kam stap wantaim yumi tude long Mumeng. Mi tu mi laik tok olsem Kwin i mas wanpela naispela mama tru long lukim planti gutpela sevis Gawi na Reu tupela i givim long wok bilong polis. Mi laik tok olsem tupela dispela man i mekim traipela wok tru long bringim ol Kukukuku i kam insait long control bilong gavman. Mi ting sapos tupela i no stap wantaim mi bai ol Kukukuku i kilim mi pinis.

"Mi yet mi laik tenkyu long Kiap Braun na Saiten Mesa Kumkum long halivim bilong tupela. Em tupela i statim Mumeng na mekim ol polisman hia olsem wanpeal komyniti. Nau mi laik tok olsem sapos Kiap Maina i no gat bai mipela i no inap long kisim dispela namba bilong Kwin. Mi laik tok long yupela olgeta polisman bilong mi em medal bilong mipela tripela hia i bilong yumi olgeta.

Sapos halivim bilong yupela no gat bai mipela

tripela i no inap winim wanpela samting. Tenkyu long yupela man na meri bilong Mumeng stesin. Tude yumi olgeta i mas amamas bikos Kwin i amamas long wok bilong yumi long Mumeng."

Saiten Pokep i toktok pinis, olgeta man i stat long tokpilai gen. Long dispela taim tu ol sampela meri i go bek long haus wantaim ol pikinini bilong ol. Napikuwop wantaim meri bilong Kopul Gawi tupela i no mup. Tupela i sindaun na taitim longpela toktok bilong tupela yet.

Tupela i no wari, ol pikinini bilong tupela i slip gut long mat klostu tasol. Napikuwop i lukluk long em na i tok, "Klostu bai mitupela na ol pikinini i go long haus nau".

Napikuwop i kirapim olgeta pikinini bilong en na Misis Gawi pinis na em i singautim Saiten Pokep na Kopul Gawi long karim tupela bikpela pikinini na olgeta i go bek long haus bilong ol. Haus bilong Pokep na Gawi wantaim i no longwe long haus bilong Kiap Maina. Tupela bikman i gutnait long ol poroman bilong tupela na tupela i lukautim pamili i go long haus. Ol narapela bai i stap long hap bilong Kiap Maina inap long tulait. Bipo ol i go long slip Kiap Maina i toksave long olgeta olsem bai i no gat wok long neks de. Ol opis long Mumeng stesin bai i pas long makim ona Kwin i givim long Saiten Pokep, Kopul Gawi na Kopul Reu.

*I go moa yet neks wik....*

## Mi wari na mi laikim helpim

**Dia Laipain,**

*Plis givim sampela gutpela stiatok long helpim stretim hevi bilong mi.*

*Mi bungim wanpela man bilong narapela kantri na mi laikim em tru. Em i hat long lus tingting long en na nau mi stap long narapela provins. Mi traim sampela taim long ringim em long telipon long tokim em hamas mi laikim em tasol em i no save toktok planti o tokim mi hamas em misim mi o wanem kain pilings em gat long mi.*


*Mi save tingim ol wel long tokim em olsem mi laikim em tru na mi laik em i luksave long ol pilings bilong mi long em. Mi save tingting tu long go na stap wantaim em long haus bilong en. Sampela taim mi save*

*tingim wanem taim em bai ringim mi long tokim mi olsem em laikim mi. Wanem wel ken mi soim bikpela laik bilong mi long en na tokim em, olsem em i man mi laikim tru?*

**Dia Pren,**

Plantu yangpela pipel i gat wan kain tingting olsem yu. Em i orait long pilim olsem yu laikim o lavim arapela husat yu bungim long liklik taim tasol. Em i orait tu long wanpela meri long bungim wanpela man o sampela man long lukim husat tru em i laik prenim.

Em i bikpela samting long luksave long en olsem fosim o strongim kona bilong yu long wanpela man long laikim yu i no gutpela sain long gutpela, helti



presip. Lav em i presen we i kam long God we Em i givim fri na laikim yumi long mekim wan kain long ol arapela. Tasol yumi mas noken strong long askim dispela lav o fosim arapela long laikim mipela. Em i lav we i mas kam wantaim nogat fos. Ritim Corinthinans 13:10.

Taim wanpela i save gat strongpela laik bilong narapela, em bai lavim dispela man o meri tasol na bai i no inap lavim narapela. Dispela pasin i save kirap olgeta taim na em i trupela pilim bilong wanpela tasol, em i no trupela pilim sampela taim. Plantu pipel i

save pilim dispela tasol ol lain husat ol i ting i lavim ol i les long ol na bihain, painim wanpela husat i mo beta long pastaim man o meri ol i bungim.

Tingim kalsa bilong yutupela we i arakain long wanpela narapela. Nogut em i no billip long ol samting long sait bilong marit olsem baim braid prais o ol arapela marit askim. Nogut mama papa bilong en i laikim em long maritim meri long kantri bilong em yet taim em go bek long kantri bilong em yet.


Mipela i laik strongim yu long bung wantaim ol meri long wan krismas grup bilong yu na painim aut long wanem rot log abusim dispela kain pilim yu gat. Mo beta long en, bihain yu ritim baibel toktok yumi tok long ritim, serim wari bilong yu wantaim pasto bilong yu.

Em ken pre wantaim yu inap yu strong long spirit bilong yu na yu ken painim bel isi.

**Laipain**

Sapos yu gat wari, rait i kam long Lifeline, P O Box 6047, Boroko, NCD. Telipon: 3260011. Raitim trupela nem na etres bilong yu na bai mipela i ken salim bekim long pas bilong yu. Bai mipela i no inap putim trupela nem bilong yu long atikel.

**Laipain**



# Preswara pis industri strong yet

JAMES KILA i raitim

INSAIT long Yonki na Aiyura eria long Isten Hailans provins planti ol lain i wok long baim na kaikai ol pres wara pis olsem kap na tilapia ol yet i lukautim. Sampela i save go baim long Yonki na sampela i save kisim long ol pis-pond bilong ol yet arere tasol long haus.

Wanpela sinia teknikal opisa bilong Hailans Akuakalsa Developmen Senta long Aiyura, Kine Mufuape i tokaut olsem dispela industri i wok long go strong tru long Hailans rijen na bikpela laik tru i wok long kamap namel long viles na hauslain komyniti.

Planti ol lain fama long Avani long Kompri veli na long Daulo eria long Isten Hailans na tu ol lain long Chimbu na long Waghi veli long Westen Hailans i wok long mekim wankain samting.

Sapos yu ron long kar o PMV na laik traim teist bilong kap pis o tilapia na ol narapela pis bilong wara orait sekim tasol Yonki maket o wanpela ples arere long rot ol i save kolim "Kol-wara" maket.

Long dispela hap bai yu guria tru long lukim ol mama i mekim ol tebol bilong ol na salim ol pis i stap. Dispela ol pis em ol pres tru na yu bai lukim ol i rausim long paia o praipan na putim long tebol.

Em i trupela tok olsem prais bilong sampela ol dispela pis i dia tumas. Tasol sapos yu laik tru long pilim teist bilong ol pis bilong Hailans orait yu traim baim na teistim. Hmmm.....tru tumas yu bai laikim stret na ating sapos yu gat mani bai i baim planti na kaikai.



FISAMEN LONG HAILAENS: Ol wokman bilong Hailans Akuakalsa Developmen Senta i wok long ol pis long fam bilong ol long Aiyura.

OL FOTO: JAMES KILA

Dispela abus bipo i save stap long ol wara long nambis. Tasol nau dispela abus bilong ol pres wara long nambis i surik pinis i go antap long Hailans na planti ol lain long antap i wok long kaikai naispela na grispela mit bilong tilapia pis.

Dispela pres wara pis industri long Hailans rijen nau yet i wok long go strong tru. Planti ol smolholda fama insait long ol viles na haus-lain long Hailans i wok long digim ol baret arere long ol haus bilong ol na stat long baim ol liklik pis ol i kolim "fingalings" na stat long lukautim ol long dispela ol pis-pond bilong ol.

Histori bilong dispela pres-wara pis industri i bin gat planti kain kain

stori bilong em yet. Pastaim tru ol lain kolonial edministresin bilong PNG o ol waitman bipo i tokaut olsem dispela kain industri bai ino inap kamap gut long Hailans bilong PNG.


Tasol ol liklik manmeri long ol ples na hauslain insait long kantri ino harim tok bilong ol waitman. Intares bilong ol i bikpela tru na ol i go het yet long wokim ol wan wan pis-pond bilong ol na stat long lukautim pis bilong ol yet.

Wanpela ripot bilong Inlen Fiseris long PNG isoim olsem insait long 1970s kolonial gavman bilong Australia i stop long sapotim dispela industri. Dipatmen ov Praimeri Industri long dispela taim i tokaut olsem ol ino laikim dispela

fres-wara fis industri. Tasol ogenik lo we i tokaut long trense o senis bilong dispela wok i go long han bilong provinsal gavman i bin kamap na dispela tasol i strongim dispela wok long stap yet na go het insait long Aiyura veli. Tasol wankain hevi tu i bin stap long dispela taim we i lukim olsem Nesenel Piseris Atoriti (NFA) i no gat teknikal save lukautim dimand o askim i kam long ol pis famas.

Maski olsem NFA i kamap wantaim disisen long inok inap sapotim ol smolholda pis fama na developmen bilong kap indastri insait long Hailans rijen, Provinsal Divisen bilong Agrikalsa na Laipstok insait long Isten Hailans provins i bin launsim Hailans Akuakalsa Developmen projek wantaim teknikal helpim i kam long Japan Intanesinol Koporesin Ejensi (JICA) long yia 1996.

Dispela helpim bilong JICA i



FRAI TALAPIA: Wanpela opisa bilong Inlen Piseris long Aiyura i kukim ol pres tilapia na salim long ol kastoma long Aiyura nesenel hai skul 30 anivesari selebresin las wik.

helpim long kirapiri na strongim wok bilong kap fis fam long Aiyura veli. Bikos long gutpela helpim bilong ol dispela projek i wok long ron gut tru.

Nau yet dispela senta i ken kamapim moa long wan-milien pis pingaling prodaksin na tu ronim ol kos na trening bilong ol smolholda famas insait long kantri.



VUDAL SUMATIN: Planti manmeri bilong ol ples insait long Papua Niugini i save laikim dispela Ostralop kakaruk. Hia tupela sumatin bilong Vudal Univesiti Simaima Ling na Francisca i holim kakaruk na redi long go salim long Kokopo maket. Salens i stap nau long ol agrikalsa ogenaisesen long lainim ol manmeri long ples long kain ol nupela abus.

Poto: Maisan Pahun

## Salens i stap long ol didiman meri

Maisan Pahun i raitim

BIHAIN long 31 krismas bilong Papua Niugini planti manmeri na ol bikmanmeri insait long kantri i wok long tok yet olsem baksait bun bilong yumi em agrikalsa sekta.

Dispela toktok i pas long maus na buk bilong planti saveman bilong kantri. Tasol long wok agrikalsa stret, sori tru yumi i develop yet.

Sergie Bang em man i go pas long wok risets insait long Nesenel Agrikalsa Risets Institut (NARI). Na

em i waipela strongpela man long kamapim planti agrikalsa risets developmen wok insait long kantri.

Long amamasim 31 krismas bilong Papua Niugini em i bin givim wanpela strongpela toktok i go long ol didimanmeri, agrikalsa saintis na ol na agrikalsa ogenaisesen insait long kantri.

Em i tok olsem i gat planti agrikalsa ogenaisesen long developim kantri tasol wok bai i kamap gut sapos ol wokmanmeri bilong dispela ogenaisesen i hatwok na wokim wok stret. "Olgeta

ogenaisesen i save kamap gut bikos i gat gutpela wokmanmeri bilong em. Planti bilong yumi i kisim pe long halevim ol ples manmeri bilong Papua Niugini, yet sampela pasin na wok bilong mipela i no stret," Sergie Bang i tok.

Sergie Bang i bin tokim ol wokman bilong NARI na ol Taiwan Intanesinol developmen Koporet fan (ICDF) i stap ausait long 10 mail long Lae siti. Dispela ogenaisesen bilong Taiwan i stap insait long kantri long halivim ol manmeri long ples long wok agrikalsa.

Planti wok bilong ol em lainim ol manmeri long groim rais.

Mista Bang i tok olsem sampela pasin bilong ol wokman bilong agrikalsa sekta na ogenaisesen olsem ritim Niuspepa long taim bilong wok o kaikai buai na stori i mas stop nau long dispela taim.

"Wanpela bikpela askim bilong mi long yumi ol wokman em yumi redi long wok hat yet long kamapim dispela senis bilong agrikalsa olsem nambawan sekta bilong Papua Niugini ekonoml."

**OX & PALM**

Miks gut wantaim kaikai!

I stap long stua klostu long yu...

**BIG RED**

Tomato Sos

HEINZ Big Red

# Glasing ron bilong PNG balus industri

Noreen Dada i raitim

**PRAIS** bilong baim ol balus tiket i orait na i stap namel long mak em i mas stap long en long sait bilong ol mak we ol arapela kantri i putim.

Dispela toktok i kam long Asosiet Komisina bilong Independen Konsuma na Kompetisen Komisen (ICCC) Paul Baxter taim em i ionsim laspela ripot bilong Riviu bilong PNG Balus Trempot Industri insait long Pot Mosbi aste.

Mista Baxter i tok dispela em wanpela bilong sampela bikpela painim aut ol i mekim taim ol i raitim dispela ripot.

"Gavman i bin askim ICCC long mun Janueri dispela yia long karim aut dispela riviu.

Dispela riviu i kamap bihain long planti askim namel long pablik na ol wok man meri bilong ICCC na risets insait ron bilong balus industri.

Ripot i givim luksave long wanem samting i save mekim balus industri apim prais bilong ol.

Bikpela as ripot i painim aut bilong watpo ol balus i apim prais em, em long lukautim sait bilong ronim ol balus na ples balus we i bikpela hevi long PNG long dispela taim," Mista Baxter i tok.

As bilong ICCC i karim aut dispela ripot em long givim gavman tingting long wanem samting i banisim developmen bilong balus industri na tok aut long wanem wok gavman mas mekim long kamapim industri.

Tu olsem bodi we i givim was lukaut long ol kampani insait long kantri, em i givim tingting bilong ICCC long wanem samting gavman i ken mekim long mekim mobeta ol polisi na oparesen bilong ae trempot sekta long kamapim resis wantaim ol arapela balus kampani.

"Dispela riviu bai nau go long gavman long kisim tok orait bilong ol.

Sapos dispela riviu i kisim tok orait bilong gavman, bikpela wok bilong em bai long lukluk prensip long resis namel long ol kampani husat i givim wan kain sevis.

Sapos dispela riviu kisim luksave bilong lo, ol kampani husat i mekim pasin long givim bagarap long arapela kampani husat i karim aut wan kain sevis, bai ICCC lukluk long bringim sampela kain eksen agensim ol," Mista Baxter i tok.

Long askim sapos ol arapela balus kampani i ken kam insait long kantri long givim resis wantaim Air Nuigini o Airlines PNG, Komisina bilong ICCC Thomas Abe i tok dispela i samting we i nogat rong.

"Aninit long Open Sky polisi, balus kampani husat i laik kam insait long kantri long givim resis

i ken kam.

Mipela i kisim strong long wanem kain resis i kamap insait long balus industri long dispela taim na mipela i laik lukim moa kam long kantri," Mista Abe i tok.

Riviu bilong balus industri i wanpela bilong tripela riviu gavman i askim ICCC long mekim.

Lons bilong riviu bilong sip industri bai kam aut klostu taim na patnasip riviu bilong ICCC wantaim Turisim Promosen Atoriti- Turisim Sekta Riviu bai kam aut tumora.

ICCC i kisim dispela taim tu long lonsim nupela yunipom bilong kampani we Komisina Abe i tok bai promotim ol wok man meri bilong en long strongim komitmen bilong ol long kampani.



Bisnis bilong Groim Diwai insait long PNG  
- Planim diwai long ol renfores eria

Rot bilong groim ol spisis diwai i save groa insait long PNG

## Grevillea Papuana




Nem bilong en: Silky Oak (Australia)

Wok bisnis nem: Oak, PNG Silky

Wanem kain diwai:

Liklik i go namel sais diwai i save gro inap 20 mita samting. Bikpela bilong namel bilong en inap long 30 cm. Bikpela bun bilong em i sot na het bilong em i bikpela.



Skin diwai bilong en:

I no bikpela. Ausait skin diwai bilong en i kala grei, em i smut, namel skin diwai i grin, insait skin diwai i yelo i go pink, em i strong na i save bruk isi isi.

Diwai bilong en:

Kala i yelo, strong na i hevi, wantaim ol bikpela han bilong en. Ol i no save yusim tumas bikos em i liklik tumas.

Ol lip:

Ol i save kamap wan wan, em i smut, antap i grin liklik na i gat liklik silva kala. Aninit bilong en i gat gras.

Ol plaua:

Wan wan plaua bilong en i yelo na grin, na i gat planti liklik ol gras.

Prut bilong en:

Dak braun, em i flet na nus bilong en i sap. Insait i gat tupela sid.

Em i save groa we:

Insait long olgeta hap bilong PNG long ol ples kunai na long ol drai sait bilong maunten.

Arapela stori:


Wanpela arapela spisis, G. pinnatifida em ol i save painim long Westen provins na yusim bilong mekim ol sia tebol samting.

McCARTHY & ASSOCIATES (FORESTRY) PTY. LTD.

National & International Forest Consultants

mccat@datec.net.pg

"Long kisim tok stia long olgeta wok diwai"



BIKPELA SAMTING: Bikman yah i kam salim pis long Kokopo maket na i laik go bek long ailan. Tasol bipo em i kisim boat em i mas skelim buai bilong em i go long plastik pastaim. Buai i save sot long ailan tu yah.

## Cat® Vibratory Soil Compactors

CS-563E  
CP-563E



Designed to provide...  
Outstanding Performance,  
Reliability and Fuel Efficiency.

The 563E Series Compactors are high production units. Standard dual amplitude, changeable from the operator's station, expands the application range. Operate in high amplitude to get density on thick lifts in the fewest passes. Select low amplitude when operating next to structures, when approaching final density, or to avoid fracturing aggregates. Patented eccentric weight design assures positive amplitude selection and helps extend vibratory system service life.

Hastings Deering



PORT MORESBY  
Spring Garden Road, Hohola, PNG  
Ph: (675) 300 8300 - Fax: (675) 325 0141

	PHONE	FAX
LAE	472 2355	472 1477
TABUBIL	548 9162	548 9155
RABAUL	982 1244	982 1129
LIHIR	986 4105	986 4107
KIMBE	983 5144	983 5144

Product People Commitment.

We deliver.



# NESENEL GRAUN DEVELOPMEN TAS FOS

## As tingting, Wok Painimaut na Rekomendesen

### Tok I go pas

Graun em i bikpela samting long sait bilong wok mani. I gat bikpela graun i stap long Papua Niugini (PNG), tasol bikpela hap-long dispela graun - em ol pasim i stap nating na ol kastomari o tumbuna graun, graun we gavman i holim taitol o wanwan manmeri i holim taitol - em i hat long mekim wok developmen long en.

PNG i pas lekhan wantaim poveti o hevi bilong nogat gupela sindaun aninit long ol lo bilong graun na etministretiv wok pasin we i save pasim developmen bilong graun, na holim ol Papua Niugini pipel i stap turangu yet.

Graun i stap tu olsem lewa na sol bilong olgeta wan wan Papua Niugini manmeri. Ol tumbuna pasin na kalsa bilong mipela, ol veliu bilong mipela, ol famili bilong mipela, ol wanpin bilong mipela, ol klen na ol ples bilong mipela i sindaun antap long graun. Bipo taim, i kam inap tude na bihain taim yumi bai stap pas strong wantaim graun. Ol pasin senis long ol papagraun i ken senisim pasin em holim strong komyuniti bilong yumi.

Salens em long painim ol rot bilong mekim graun long kamapim-bikpela kaikai, bai em i ken halivim ekonomik na sosol developmen, na long wankain taim givim luksave long ol kastomari papagraun bai ol i no inap lusim graun bilong ol.

### Stori bilong en

Midium Tem Developmen Stratesi, 2005 - 2010, i makim wanpela Ekonomik Gro Ret Taget o mak bilong gro bilong ekonomi moa long faiv pesen (5%) long wan wan yia long wanpela hap taim em i makim. Ol sindaun bilong graun i mas stret pastaim bipo long mipela i ken painim dispela ekonomik gro taget na holim i stap i go long taim bihain.

Long stat bilong 2005, Minista i bosim graun na Pisikal Plening, Dr Puka Temu i bin askim National Research Institute (Nesanel Risets Institut o NRI) long go pas na painim rot long holim graun bilong wok developmen, na long kamapim wanpela Nesanel Graun Samit.

Sampela wok bipo wok long kamapim ol graun rifom o senis long lo bilong graun i bin kirapim bikpela belhevi tru. Long abrusim ol dispela kain samting, wanpela nupela rot, we i pulim planti Papua Niugini institusen na wan wan manmeri i bin kamap. Ol dispela grup bai i ken painim kain kain rot, na long wankain taim stretim ol kain kain tingting bilong lo we i ken kirapim tok wanbel na sapot bilong ol polisi posisen bilong skelim na tok oraitim.

Ol University of Papua Niugini (Yunivesiti bilong Papua Niugini o UPNG), PNG University of Technology (PNG Yunivesiti bilong Teknoloji o Unitech), Institute of National Affairs (Institut bilong Nesanel Afes o INA), Dipatmen bilong Jastis na Atoni Jeneral, Dipatmen bilong Nesanel Plening na MOnitaring, na Dipatmen bilong Lens (Graun) na Pisikal Plening kamap memba long Nesanel Len Samit Kodineting Komiti.

Nesanel Graun Samit kibung i bin kamap long PNG Unitech long namba 23 - 25 Ogas 2005. Moa long 200 manmeri i bin stap long dispela bung na autim planti tingting na paitim toktok long en. Wanpela ripot bilong dispela graun kibung na ol rekomendesen o stia tok i kamaut long en i bin go long Minista bilong Graun na Pisikal Plening, husat i bin karim ripot i go long National Executive Council (Nesanel Eksekutiv Kaunsil o NEC) long mun Desemba 2005.

Bihain long dispela ripot, NEC i makim ol Nesanel Len Samit Kodineting Komiti olsem memba bilong National Land Development Taskforce (Nesanel Graun Developmen Tasfos o NLDT) na givim ol wok bihainim ol rekomendesen. Insait long Tems ov Refrens, NEC i tokim tas fos long kamapim tripela komiti i makim tripela bikpela het long ol rekomendesen o stia bilong samit kibung.

### Ol dispela het tok em:

- nogat inap gupela etministresen o menesmen o wok lukautim bilong ol leasehold graun lis i holim, na praivet frihol graun;
- rot bilong stretim hevi long graun i no strong na planti belhevi i stap yet; na
- i gat nid long stretim institusenei fremwok long kastomari graun bilong wok developmen.

Ol Bikpela Samting ol i painimaut na ol Rekomendesen o stia tok: Graun Etministresen Komiti

Lukluk bilong dispela komiti i bin pas moa long rot bilong strongim

### OL MEMBA BILONG NESENEL GRAUN DEVELOPMEN TASKFOS

- Dr Thomas Webster, Dairekta, National Research Institute, na Siaman bilong Nesanel Graun Developmen Tasfos.
- Mr Smyly Bannerman, Hetman bilong Dipatmen bilong Graun na Seveing Stadis, PNG University of Technology
- Profesa Lawrence Kalinoe, Eksekutiv Din, School Of Law, UPNG
- Ms Josepha Kiris, Siameri, Graun Taitols Komisin, Dipatmen bilong Jastis na Atoni Jeneral
- Mr Oswald Tolopa, Dairekta bilong Polisi, Dipatmen bilong Graun na Pisikal Plening
- Ms Julian Kubak, Dipatmen bilong Nesanel Plening, na Monitaring
- Mr Paul Barker, Dairekta, Institute of National Affairs
- Mr Mike Manning, Bipo Dairekta, Institute of National Affairs
- Mr Stephen Kassman, Prinsipal, Kassman Lawyers
- Dr Charles Yala, Sinia Risets Felo, National Research Institute

yusim ol state leasehold (stet lishol), state freehold (stet frihol), na praivet fri hol graun. Dispela graun i makim 3 pesen bilong olgeta graun long Papua Niugini. Ol bikpela samting ol i painimaut em:

#### 1. Kastoma Rilesens

Kastoma rilesens sevis long Dipatmen bilong Graun na Pisikal Plening (DLPP) i no gupela na i mas senis long strongim em.

#### 2. Akauntabiliti o Rot bilong sekim wok

I gat nid long wanpela sistem bilong painim na kisim bek insait long DLPP bai ol wokmanmeri bilong dipatmen i ken painim ol aplikesen bilong ol kastoma o klaien i stap long en. Dispela sistem bai luksave tu long wanem hap i pas insait long sistem. Dispela kain sistem bai mekim DLPP bai gat moa rot bilong sekim wok long ai bilong ol klaien bilong ol. Em bai opim rot bilong was long olgeta aplikesen, halivim wantaim painim na makim ol kran-gi wok pasin.

#### 3. Infomesen Yunit

I no gat kodinesen long DLPP databases na sampela yunit i nogat o i gat liklik infomesen tasol. Ol Provinsel Graun Opis i nogat we long ol stori bilong ol graun long Waigani, na i nogat rot bilong ol kain kain yunit insait long DLPP yet. I gat bikpela nid long apdetim ten infomesen databases o ol stori bilong graun.

#### 4. Rent Koleksan

I gat nid long lukluk long prais bilong planti propeti; i gat bikpela nid bilong strongim ol lo na kondisen long rent fopaia (default) na strongim ol tok wanbel; i gat nid bilong painim ol arapela rot bilong skelim ol rent bilong graun na ol sistem bilong skelim strong, wantaim luksave long yusim graun bilong mekim ekonomik wok, bihainim maket prais; na givim aut wok bilong kolektim o bungim ol rent em samting bilong glasim tu. Nau yet i gat bikpela hap mani bilong gavman i wok long lus nating.

#### 5. Valuesen o Prais bilong graun

Opis bilong Valiua-Jeneral i mas mekim moa wok insait long rent rivi wok; bikos ol dispela pasim i soim klia olsem mani bilong gavman i wok long lus. I gat nid long glasim bek propeti takis sistem insait long PNG, bikos ol papa bilong propeti i wok long baim ol arapela kain kain takis.

#### 6. Pisikal Plening

Pisikal plening em i we wok bilong yusim graun i stat. Ol pisikal plen i mas redi bipo long ol plen bilong sevei i ken kamap, na makim bilong graun i ken go het. Pisikal plening em nambawan wok bilong stretim ol wanem kain taun developmen. Pisikal Plening Divisen insait long DLPP i nogat inap risos i go long en. I nogat inap namba bilong ol pisikal plena insait long PNG husat i gat inap save, na nogat wanpela yunivesiti insait long kantri i save givim trening bilong ol pisikal plena. I gat nid bilong mekim ol Pisikal Plening Bod bai ol i mas stap independen na ol i mas holim olgeta pawa long bosim wok long makim graun.

#### 7. Ol Sevei na Mapping o wokim piksa bilong graun

Wok bilong senisim ol sevei plen long pepa i go long dijital o inap

kamap insait long kompyuta masin i mas go het kwik. Ol seksen bilong Sevei na Mapping i gat inap strong long mekim bikpela winmani bilong gavman. Tasol tupela seksen wantaim i mas i gat ol nupela wok masin. Nesanel Mapping Biuro i mas kamap hap bilong DLPP, na stap insait long infomesen sistem bilong dipatmen.

#### 8. Graun Menesmen

Land Management Division (Graun Menesmen Divisen) em i namba wan bikpela opis bilong lukautim wok bilong DLPP databases, bikos dispela hap em i ples we olgeta stori bilong olgeta graun i save stap long en. Graun Menesmen Seksen i mas i gat ol menesmen na polisi manual long staim olgeta kain kain rot bilong wok long graun. I gat nid i stap long developim o kamapim wanpela sistem bilong rekodim olgeta aplikesen na painim bihainim ol pepa na aplikesen.

#### 9. Taitol Rejistri

Lukautim na banis bilong ol len taitol o taitol bilong graun em ol bikpela samting. Nau yet i gat bikpela nid bilong skelim o kisim piksa bilong olgeta taitol, rausim ol taitol pepa long ol taitol fail, na makim gupela ples bilong holim olgeta kopi bilong ol dispela pepa. Rejistra bilong olgeta Taitol i mas i gat gupela wok pasin bilong sekim na stretim sindaun bilong ol dispela taitol samting, i mas klia long taim bilong ol lis i pinis, na was gut moa long givim aut ol taitol long daunim ol hevi i save kamap taim i gat moa long wanpela taitol did pepa bilong wanpela hap graun tasol.

#### 10. Nesanel Len Bod (NLB)

Nesanel Len Bod em i wanpela grup we i no wok gut na i nogat klia wok bilong en long makim ol graun. Pasin korapsen i ken i go insait long en. Olgeta etministretiv wok bilong NLB i ken go aninit long lukaut bilong wanpela yunit insait long DLPP yet. NLB i mas pinis na senis wantaim wanpela open oksen sistem.

#### 11. Spesol Projeks Yunit

Wok bilong Spesol Projeks Yunit insait long DLPP i mas op moa long stretim kwik ol bikpela nesinol projek we i gat bikpela wok halvim long sindaun bilong kantri na ol arapela we i ken strongim developmen bilong graun maket na kamapim gupela sindaun bilong ol pipel.

Hia em tupela long ol dispela kain projek:

- lukautim graun taitol transmisin, trense, na taitol rikleim blong ol smolholda we pam groas, wantaim ol fomol-gavman lis taitol (samting olsem 8,000 groas); na
- ol taitol bilong ol Nesanel Hausing Komisin (NHC) haus (samting olsem 10,000 pipel) we ol i bin kisim aninit long ol kain kain 'givim fri' na 'baim bek' skim NHC i kamapim.

Ol dispela samting em ol i stap long taim inap long sampela kris-mas, na ol papa bilong graun i no inap long salim ol haus na graun bilong ol long mekim wok bisnis.

#### 12. Trening bilong ol wokmanmeri

I gat nid long skelim ol wokmanmeri bilong DLPP long sait bilong ekonomik strong bilong graun. Nau yet dispela save i no stap. I mas i gat moa woksop insait long dipatmen yet, na paitim toktok wantaim ol stekholda na praivet bisnis.

#### 13. Odit long ol Graun i nogat nem

Stori long sindaun bilong ol elienetet graun o graun we i nogat nem, we ol i ken kam aninit long gavman lishol graun, gavman frihol graun, o praivet frihol graun i mas stap stret oltaim. Dispela odit o wok sekim i mas kamapim stori bilong graun, wanem ol graun i stap long han bilong ol pablik opis (nau yet ol i stap olsem ol Setifiket Otoraising Okupens long namba bilong ol fofitas, namba bilong ol nupela makim, na namba bilong ol nupela sabdi-visen, na i mas i go aut long pablik. DLPP i mas tingting gut long pablisim o autim wanpela enual ripot o ripot i save kamaut olgeta yia long sindaun bilong olgeta graun i nogat nem insait long wan wan provins.

#### 14. Bungim Olgeta Lo bilong Graun

I gat nid long glasim na bungim olgeta lo bilong graun bai i nogat paul i kamap na stretim olgeta wok bilong graun na etministresen. Nau yet i gat ol lo i save pait na dispela i save kamapim ol kran-gi wok etministresen long graun.

**Oi Eria We I Mas I Gat Wok Stretim I Go Het Long Oi: Graun Etnministresen Komiti**

1. Nupela strongpela sistem o rot bilong lukautim na menesim gut ol stori bilong graun i mas sanap kwik na i go insait long ol Provisnel Graun Opis. Dispela bai strongim wok bilong lukautim na holim ol stori i stap, wok bilong painim ol applikesen na wok bilong graun na akauntabiliti o klia rot bilong sekim wok.
2. Ol orjinel taitols datābes i mas go insait long kompyuta masin, bai i gat elektronik na ol pepa kopi i stap. Dispela i mas kamap kwik taim bikos ol taitol bilong graun na ol fail i wok long sting i stap o ol i wok long lus bhainim ol stil pasin, wara i bagarapim o ol rat na binatang i kaikai.
3. Ol wokmanmeri bilong DLPP i mas kism moa save long luksave long wokmanmeri strong bilong graun. Dispela i ken kamap bhainim ol woksop, paitem toktok wantaim ol arapela stekholda, na gutpela win na luksave bilong ol wokmanmeri.
4. Senisim Nesenele Graun Bod wantaim wanpela open oksien sistem. Dispela bai klia, bai nogat pasin korapsen insait, na bai gat strongpela rot bilong makim graun.
5. DLPP i mas i gat ol opis bilong em yet. Nau yet dispela opis bilong ol tude i no gutpela na i nogat gutpela hap bilong lukautim gut ol fail, kodinesen wantaim DLPP na givim gutpela kastoma sevis.

**OL MEMBA BILONG GRAUN ETMINISTRESEN KOMITI**

- Mr Smyly Bannerman, PNG University of Technology, Siaman (Februari - July, 2006)
- Mr Stephen Kassman, makim ol loya manmeri husat i save wok long graun etministresen, Siaman (Julai, 2006 i kam inap tude)
- Mr Jacob Wafindua, makim Dipatmen bilong Lens (Graun) na Piskal Plening
- Mr Kaluwin Potuan, Makim PNG Semba ov Komes
- Mr Steve Papst, Bank South Pacific, na wanpela mausman meri bilong dinau sekyuritis seksen bilong ol mani opis na bisnis
- Mr Brian Aldrich, makim ol taun plena
- Ms Lillian Holland, NBPOL, na makim Papua Niugini Institut ov Valuas na ol Graun Etnministreta

**Oi Bilkpela Samting ol i Painim: Graun Disput Setelmen Komiti**

Dispela komiti em wok bilong en em long painim ol gutpela-rot bilong stretim ol kros long graun. Oi bilkpela samting ol i painimaut em:

**1. Planti Kros long Graun bilong bipo i stap yet**

I gat planti kros bilong graun bilong bipo yet wantaim ol risos projek we i wok long bagarapim bel bilong ol investa na kamapim moa kros namel long ol papagraun grup. Dispela i soim ol hevi i stap insait long Graun Taitols Komisnin. Gro bilong namba bilong ol graun kompensesen klem, na bilkpela hap kompensesen i go long elenetet graun i soim klia olsem i nogat inap strong insait long Nesenele Graun Komisnin. Oi kros long graun namel long ol kastomari papagraun komyuniti i wok long daunim lo-na oda. Dispela i soim olsem wok bilong ol provinsel graun midieta i no strong moa wantaim Distrik Graun Kot, na viles/kot sistem.

**2. Oi Graun Disput Setelmen Mekanisim bilong Nau i Nogat Strong**

Nomol fomol kot sistem i gat pawa long stet na praivet fri hol graun, na gavman lishol graun. Tupela kot i bosim ol kros long sait bilong kastomari graun em Distrik Len (Graun) Kot, we i save lukautim Land Dispute Settlement Act 1974, na Village Courts Act 1974. Long sait bilong Distrik Len Kot, ol criminal na sivil kes i save go pas, we i save lukim i gat planti ol kros long graun kes i sindaun nating. Long sait bilong ol viles kot, ol i gat inap pawa long stretim ol kros long graun.

Nesenele Lens (Graun) Komisnin na Len Taitols Komisnin em tupela kwasi-judisil traibunel o ol traibunel i holim pawa bilong kot na tupela i stap insait long Dipatmen bilong Jastis na Atoni Jeneral. Tupela komisnin i karim hevi long ol i nogat independents, bikos ol i stap aninit long lukaut bilong eksekutiv han bilong gavman. Dispela i ken daunim wok bilong makim ol risoses na makim klia pawa namel long eksekutiv na judisiari.

**3. Graun Setelmen Proses i mas i stap bilong Kastomari Graun Developmen**

Kastomari graun i no inap go aut sapos i nogat gutpela graun disput setelmen wok, bikos i mas klia husat em ol tru tru papagraun na wanem ol hap boda mak i stap long en we ol i mas stret pastaim.

**Bilkpela Rekomendesen: Len Disput Setelmen Komiti**

Oi dispela tripela samting ol i painimaut i tok olsem ol rot bilong wok i stap nau em i nogat moa strong bilong en. Ol i no inap givim gutpela banis long ol rait bilong praivet propeti, na bai no inap long sapotim mobilaisesen o bungim bilong ol kastomari graun.

**1. Sanapim wanpela Singel Len Kot Sistem**

Em i bilkpela samting long gavman i mas sanapim wanpela singel kot we bai i ken lukluk long ol samting bilong graun. Dispela bai i mas lukim bungim bilong Len Taitols Komisnin na Nesenele Lens Komisnin, rausim bilong Lands Dispute Settlement Act long Majisteriel Sevises, na pulim bilong ol wok bilong viles kot long sait bilong graun na stretim kros long graun, wantaim dispela nupela graun kot sistem. Tingting bilong wanpela singel kot i bin kamap insait long Komisnin bilong Inkwaitri i go insait long graun (1973), Norm Oliver Report (1994), na wanpela Nesenele Eksekutiv Kaunsil disisen, we ol i bin tok wanbel long 1991 (Miting Namba 67/1991).

**OL MEMBA BILONG LAND DISPUTE SETTLEMENT KOMITI (LEN STRETIM KROS KOMITI)**

- Ms Josepha Kiris, Siameri, Sief Komisina, Len Taitols Komisnin
- Mr Steven Oli, Deputi Sief Majistret, Majisteriel Sevis
- Mr Micah Pitpit, Sief Komisina, Nesenele Lens Komisnin
- Mr Powes Parkop, Prinsipal, Parkop Lawyers
- Mr Ian Kundin, Loya, Dipatmen bilong Lens na Piskal Plening
- Mr Benedict Batata, Loya, Opis bilong Stet Solisita

**Oi Bilkpela Samting ol i Painimaut: Kastomari Len Developmen Komiti**

Dispela komiti i bin mekim wok long disainim wanpela rot bilong strongim ol kastomari o tumbuna papagraun long lukautim gut graun bilong ol na long wankain taim givim sekyuriti long ol lain husat i laik yusim graun bilong ol. Oi bilkpela samting ol i painimaut em:

**1. Oi Lo Fremwok bilong Kism Kastomari Graun**

Oi lo fremwok i stap nau bilong kism kastomari graun i givim wanpela gutpela hap bilong disainim wanpela nupela sistem bilong kism kastomari graun. Oi dispela em:

- Customary Land Registration (Rejistaim ol Kastomari Graun) (Loani Henao Proposal, 1994);
- Land Tenure Conversion Process (rot bilong senisim nem long graun) (1963);
- Incorporated Land Groups (Oi Inkoporetet Len Grup);
- Lease-Lease-Back Process (Land Act 1996));
- Compulsory Acquisition (Land Act 1996); na
- Compulsory Lease (Land Act 1996).

**2. Land Tenure Conversion Act 1963**

Maski kos bilong baim wanpela frihol taitol bhainim stretim rot em i dia moa na abrusim mak bilong ol liklik manmeri, as tingting bilong givim frihol taitol long wan wan manmeri o wanpela grup ol manmeri, i go agensim jeneral pasin bilong kastomari papagraun insait long PNG we ol raits bilong ol lain i yusim graun i stap wantaim ol grup. Em i go agensim tu tingting we i stiaim komiti; olsem long givim pawa long komyuniti straksa we i gat ol kastomari papagraun rait long lukautim graun bilong ol yet.

**3. Incorporated Land Groups (Oi Inkoporetet Len Grup o ILG)**

Maski ol Inkoporetet Len Grup i no inap long mekim wok bilong ol yet, rot bilong ILG i kamap bilkpela rot bilong stretim ol kastomari papagraun komyuniti, opim graun bilong risos projek developmen na tilim winmani i go long ol kastomari papagraun bilong ol risos projek. Tasol em i no mekim wok long kamapim developmen.

**4. Lease-Lease-Back (Lis-Lis-Bek o LLB)**

Lis-Lis-Bek (LLB) rot em ol i save yusim moa insait long agrikalsa sekta. Tasol yusim bilong dispela LLB sistem long ol arapela sekta i no op gut yet. Bilkpela as tingting em long sait bilong LLB sistem, kastomari graun i ken lusim nem bilong em long sotpela taim long mekim wok developmen long en. Long pinis bilong LLB taim, graun i go bek long kastomari papagraun yunit.

**5. State Compulsory Acquisition (Taim gavman i kism graun)**

Oi provisin bilong kompalsori akwisisen bilong kastomari graun we gavman i go pas long en i ken kamap bilong sanapim ol pablik sekta opis na sevis olsem ol skul na ol rot. I gat planti kain gavman len akwisisen o baim we i bin kamap bipo na ol dispela we ol pipel bilong tude i wok long salensim i stap. Olsem dispela i gat ol intajeneresenal hevi o hevi bilong dispela i ken bhainim lain famili bilong ol pipel i kam daun we i agensim pasin bilong banisim gut kastomari graun bhainim sindaun na laik bilong ol kastomari papagraun grup.

**6. State Lease of Customary Land (Taim gavman i lisim kastomari graun)**

Taim gavman i baim lis bilong kastomari graun em ol i save yusim long kism kastomari graun bilong sanapim ol pablik sevis. Dispela em i wanpela agrimen o tok wanbel wantaim as tingting long lukautim kastomari graun, bhainim laik na sindaun bilong ol kastomari papagraun grup.

**7. Informal Land Dealings (Oi wok bilong graun i no bhainim sistem)**

Oi wok bilong graun i no bhainim sistem em i bilkpela tru insait long Papua Niugini. Dispela i kirapim bilkpela nid long givim wanpela ligel, etnistretiv, na polisi fremwok.

**Oi Bilkpela Samting Ol i Painimaut: Kastomari Graun Developmen Komiti**

**1. Rausim Land Tenure Conversion Act 1963**

Namba wan as tingting em sapos ol i rausim dispela long ol papagraun komyuniti, na larim wantaim wanpela papagraun o sampela wan wan memba.

**2. Senisim ILG Act**

Oi ILG em ol i no bin mekim ol long mekim wok ol i mekim nau. ILG Ekt i mas senis, bhainim tingting long mekim ILG bai em i kamap wanpela rot bilong ol kastomari papagraun long givim o developim kastomari graun bilong ol yet.

**3. Givim ol Lo bai ol ILG i ken bhainim**

Oi dispela ligel instramen o lo toktok em ol dispela we ol ILG i save givim graun bilong ol long wok developmen o developim ol yet:

- Customary Leasehold Act (nupela lo i no kamaut yet);
- Lease-Lease-Back Process;
- State compulsory acquisition; na
- State compulsory lease.

**4. Kamapim wanpela Tupela Step Rot bilong Givim Kastomari Graun bilong Developmen**

Rot bilong givim kastomari graun bilong developmen bai bhainim tupela step:

**Step 1: Inkoporetim wanpela ILG**

Wanem komyuniti grup (traib o wanpisin, klen o famili na haustain) we i gat rait long makim wok long ol kastomari graun bai tok klia long olgeta hap graun grup bilong ol i bosim. Ol boda mak we i gat askim long en i mas stap klia long wanpela piksa bilong graun. I mas i gat nem i bhainim ol tumbuna bilong ol tu. Bhain, ol i ken rejista olsem wanpela ILG.

**Step 2: Rejistresen bilong Kastomari Graun**

Hap graun we ILG i tok wanbel long givim bilong mekim wok developmen bai i mas i gat sevel i kamap long en, na makim bilong ol banis o boda mak bilong en i mas stap klia wantaim ol bilkpela hap simen pos, eria bilong graun ol i rejistaim, na nem bilong go long makim ILG.

**Oi Bilkpela As Tingting bilong dispela Proposal**

Oi bilkpela samting insait long dispela proposal em:

1. Wanpela selifait ILG o ILG i gat gutpela nem bai stap insait long makim komyuniti i stap nau.
2. Dispela proposal bai pasim strong ILG long graun. Dispela i soim olsem i mas i gat wanpela ILG bilong wanpela hap graun. Dispela bai kontrolim gro bilong ol ILG, olsem i wok long kamap nau.
3. Wanpela ILG tasol i ken wok long dispela graun, na i no ol nara pela kain asosiesen.
4. Bikos radikel taitol i stap wantaim ILG, olgeta rent bilong graun bai go long ILG. Dispela i min olsem onasip bilong graun bai stap wantaim ILG i go oltaim.
5. Graun we i rejista pinis bai ol i wok long en olsem wanpela nomol stet lis graun. Dispela bai lukim olsem kastomari lo bai pinis long dispela hap graun ol i givim bilong wok developmen. Dispela i min olsem taitol bai nogat nem long en. Long narapela sait, kastomari lo bai stap yet long graun ol i holim bilong kastomari graun wok.
6. ILG bai mekim wok long developim rejistet hap na yusim ol instramen i stap long namba 3 Bilkpela Rekomendesen.
7. ILG bai gat kain kain rot long mekim bisnis, na long makim rot bilong yusim winmani i kam long ol projek. Olsem, wanpela ILG i ken kamapim wanpela holding kampani wantaim ol arapela liklik han bisnis na developmen ejensi bilong plenim ol developmen projek bilong strongim komyuniti, na yusim winmani ol i mekim insait long dispela bisnis grup long baim rent bilong graun.
8. DLPP bai lukautim gut ol Taitol tasol.

**OL MEMBA BILONG KASTOMARI GRAUN DEVELOPMEN KOMITI**

- Profesa Lawrence Kalinoe, Siaman, Lo Skul, UPNG
- Mr George Muroa, Lo Skul, UPNG
- Ms Louise Stanley, Lo Skul, UPNG
- Mr Patrick Harricknen, non gavman man, Harricknen Lawyers
- Dr Betty Lovai, School of Anthropology and Sociology, UPNG
- Mr Ian Marru, Dipatmen bilong Petroleum na Enej

**Oi Rot bilong mekim wok**

Nesenele Len Developmen Tasfos bai redim wanpela ripot bilong NEC, na em bai stret bipo long pinis bilong mun Septemba 2006. Oi rekomendesen bai lukluk moa long implimentesen o mekim wok, na NEC bai toksave long ol ejensi long karimaut ol disisen bhainim tebolim bilong ripot. Oi dispela rekomendesen we i mas i gat senis long lo i kamap bai go long Palamen bilong skelim, na ol dispela i mas i gat ol etnistretiv senis bai go het.

**Stori bilong Raitim Pas**

NLDT i statim wanpela jenerel pablik konsaltesen wok pinis. Pablik i ken givim toktok o tingting bilong ol long NLDT bhainim ol dispela rot:

The Secretariat,  
National Land Development Taskforce  
P. O. Box 5854,  
BOROKO, NCD.

Fax: (675) 326 0300  
Telepon: (675) 326 0213  
Email: nldt@nri.org.pg  
Websait: www.nri.org.pg

**RAGBI LIG**

**SP KAP**  
Gren Fainol  
3:00 Lahanis v Muruks (POM)

**POMRFL**  
SP 2006  
Priliminari Fainol  
Sarere Septemba 23, 2006  
PRL 1  
10:00 Tarangau vs Hawks U19  
11:00 Souths vs DoboWarriors U19  
12:00 Tarangau vs Hawks B  
01:30 Puma vs Magani B  
03:00 Puma vs Butterflies A

**Sande Septemba 24, 2006**  
PRL 1  
11:30 Tarangau vs Brothers A  
03:00 MJ Muruks vs CCA Lahanis SPCGF

**SOKA**

**POMSA**  
Match# 18  
Sarere Septemba 23, 2006  
NSL Draw  
Bisini 2  
01:00 Lamana vs PS Ruts WP  
03:00 WFD Momads vs PRK Souths Utd NSL

**Sande Septemba 24, 2006**  
Bisini 1  
08:00 Femor vs Markham Yarangs D2  
09:10 UBOG vs Ela Utd D2  
10:20 Los Negros vs Souths Utd WP  
11:20 Recos vs Telikom WP  
12:30 University vs PS Ruts PREM  
01:20 Souths Utd vs Blue Kumuls PREM  
02:30 Cosmos vs Mirel Momase PREM

Bisini 2  
08:00 Telikom vs Murat D2  
09:10 Markham Yarangs vs Murat W1  
10:20 Jaha vs Maclaran D2  
11:20 Rapatona vs University WP  
12:30 PNG Gardener vs Guria WP  
01:20 Guria vs Naniu PREM  
02:30 Rapatona vs LBC Defence PREM

**Sir John Gulse Stadium**  
Sarere Septemba 23, 2006  
Oval 1  
08:00 Jaha vs Lus Pruts D2  
09:00 Los Negros vs BMobile U/21  
10:00 Markham Yarangs vs POMIS U/21  
11:00 LBC Defence vs Tawala W1  
12:00 Jaha vs Naniu W1  
01:00 Manambu vs DBTI W1  
02:00 Moonbin vs Nuiani D3  
03:00 Raitman vs Papita D3  
04:00 Los Negros vs POMIS U/21

Oval 2  
08:00 PNG Gardener vs Maclaran D2  
09:00 Manambu vs Sobou U/21  
10:00 Bavaroko vs Badili Utd U/21  
11:00 Nimads vs DBTI D3  
12:00 Tawala vs Naniu W1  
01:00 Sobou vs Sunset W1  
02:00 Mungkas vs Markham Yarangs W1  
03:00 BMobile vs Badili Utd U/21  
04:00 Manambu vs PNG Gardener U/21  
05:00 Maset vs Sobou D3

**Sande Septemba 24, 2006**  
Oval 1  
08:00 Jovu Extracts vs Thrillers D3  
09:00 POM Tech vs PNG Gardener U/21  
10:00 Tarangau vs Ela Utd D2  
11:00 Watuluma vs Sobou D3  
12:00 Nomads vs Nuiani D3  
01:00 Jovu Extracts vs Papita D3  
02:00 Tarangau vs Markham Yarangs D2  
03:00 Telikom vs Lus Pruts D2  
04:00 Femor vs PNG Gardener D2

Oval 2  
08:00 Los Negros vs Mungkas U/21  
09:00 Sobou vs POMIS U/21  
10:00 Maset vs Papita D3  
11:00 Thrillers vs Eastern D3  
12:00 Markham Yarangs vs Manambu W1  
01:00 Mungkas vs DBTI W1  
02:00 Jaha vs Murat W  
03:00 BMobile vs PNG Gardener U/21  
04:00 Markham Yarangs vs POM Tech U/21

Bye: UBOG / Murat (D2), Sobou, LBC Defence, Sunset (W1), Bavaroko/Mungkas (U/21)

**McGREGOR YUT SPOT ASOSIESEN**  
Sarere Septemba 23, 2006  
08:00 Trench Taun vs Dever Brothers C Tas  
08:50 Back Street vs PS Warriors C Tas  
09:40 Gost Town vs Top Street B Tas  
10:50 Trench Taun vs D/Brothers Meri soka  
12:00 Souths Power vs Country Sharks B Tas  
01:10 Souths Power vs Country Sharks Meri soka  
02:20 Gost Town vs Top Street A Tas  
03:50 Back Street vs PS Warriors A Tas

**Sande Septemba 24, 2006**  
08:00 Gost Town vs Top Street C Tas  
08:50 Souths Power vs Country Sharks C Tas  
09:40 Trench Taun vs Dever Brothers B Tas  
10:50 Ghost Taun vs Top Street Meri Soka  
12:00 Back Street vs PS Warriors B Tas  
01:10 Back Street vs PS Warriors Meri Soka  
02:20 Trench Taun vs Dever Brothers A Tas  
03:50 Souths Power vs Country Sharks A Tas

**ETLETIKS**  
**PNG ETLETIK YUNION SEMPIONSIP**  
45 Nesenel Open na Anda 18 Sempionsip  
22 - 24 Septemba, 2006  
Lae  
De 1 - Fraide 22 Septemba, 2006  
Taim Iven Divison Man o Meri  
15:30 400M Heats U16 Meri Note 1  
15:50 400M Heats U18 Man  
16:00 400M Heats OPEN Man B)  
16:15 5000M OPEN Meri  
16:45 10000M OPEN Man  
17:30 400M Heats OPEN Meri  
17:40 400M Heats OPEN Man A)  
17:45 800M Semi Final U18 Man Note 2  
18:00 800M Semi Final Open Man Note 2

Note 1 The 400m for U16 Boys will be straight final


**De 2 Sarere 23 Septemba, 2006**  
Note 2, the 800m for Open Women and U18 Women will be straight finals on Sunday  
08:30 100m Heats (Round 1) U18 Man  
09:00 100m Heats (Round 1) OPEN Man (B)  
09:00 Shot Put OPEN Man  
09:00 Discus U18 Man  
09:30 Triple Jump OPEN Man  
09:30 100M Hurdles OPEN Meri  
09:45 110m Hurdles OPEN Man  
09:55 100M - Octathlon OPEN Man  
10:00 100M Semi Final U 16 Meri  
10:15 100M Semi Final U16 Man  
10:30 100M Semi Final U 18 Meri  
10:30 Shot Put Open/U18 Meri  
10:45 100M Semi Final U18 Man  
11:00 100M Semi Final OPEN Meri  
11:15 100M Semi Final OPEN Man B)  
11:30 100M Semi Final OPEN Man A)  
11:30 Long Jump - Octathlon OPEN Man  
11:50 100M Heats OPEN Man  
12:00 Medal Presentations  
12:30 100M Final U 16 Meri  
12:40 100M Final U16 Meri  
12:50 100M Final U 18 Meri  
13:00 100M Final U18 Man  
13:00 Triple Jump Open/U18 Meri  
13:00 Javelin U18 Man  
13:00 Discus Open/U18 Meri  
13:10 100M Final OPEN Meri  
13:20 100M Final OPEN Man (B)  
13:30 100M Final OPEN Man (A)  
13:30 High Jump Open Man  
13:45 1500M Final U18 Meri  
14:00 Shot Put - Octathlon OPEN Man  
14:00 1500M Final U18 Man  
14:15 1500M Final OPEN Meri  
14:30 1500M Final OPEN Man  
14:30 Medal Presentations  
15:00 4 x 100m Relay U18  
Meri  
15:20 4 x 100m Relay U18  
Man  
15:40 4 x 100m Relay Open  
Meri  
Man  
16:00 4 x 100m Relay Open  
Man  
16:00 Long Jump U18 Man  
16:10 400M Octathlon Open Man  
16:20 400M Final U 16 Meri  
16:30 400M Final U16 Man  
16:40 400M Final U 18 Meri  
16:50 400M Final U18 Man  
17:00 400M Final OPEN Meri  
17:10 400M Final OPEN Man  
17:15 5000M OPEN Man

**De 3 Sande 24 Septemba, 2006**  
08:30 200M Heats U18 Man  
09:00 200M Heats Open Man (B)  
09:00 High Jump U18 Man  
09:00 Long Jump Open/U18 Meri  
09:00 Javelin Open Man  
09:25 110m Hurdles Octathlon Open Man  
09:40 400M Hurdles Open Meri  
09:50 400M Hurdles Open Meri  
10:00 200m Semi Final U16 Meri  
10:10 200m Semi Final U16 Meri  
10:20 200m Semi Final U18 Man  
10:30 200m Semi Final U18 Meri  
10:40 200m Semi Final Open Meri  
10:50 200m Semi Final Open Man (B)  
11:00 200m Semi Final Open Man (A)  
11:00 Discus Open Man  
11:00 High Jump U18/Open Meri  
11:00 Triple Jump U18 Man  
11:20 800m Finals U18 Meri  
11:30 800m Finals U18 Man  
11:40 800m Finals Open Meri

11:50 800m Finals Open Man  
12:00 Javelin Open/U18 Meri  
12:15 Medal presentations  
12:40 High Jump Octathlon Open Man  
13:00 Shot Put U18 Man  
13:00 200M Finals U16 Meri  
13:10 200M Finals U16 Man  
13:20 200M Finals U18 Meri  
13:30 200M Finals U18 Man  
13:40 200M Finals Open Meri  
13:50 200M Finals Open Man (B)  
14:00 200M Finals Open Man (A)  
14:20 3000M Final U18 Meri  
14:30 Long Jump Open Man  
14:30 Javelin - Octathlon Open Man  
14:40 8000M U18 Man  
15:00 3000M Steeplechase Open Man  
15:15 Medal presentations  
15:30 4 x 400m Relay U18  
Meri  
15:40 4 x 400m Relay U18  
Man  
15:50 4 x 400m Relay Open  
Meri  
16:00 4 x 400m Relay Open  
Man  
16:10 1000m Octathlon Open Man  
16:30 Medal presentations



**MIPELA YAH!** Oi Tabubil Diggers i sanap amamas wantaim tropi bihain long ol i winim long Not Flai Salens taim ol i pilai gren fainol wantaim Kiunga sait.



**PAITIM STRONG:** Regina Morobe i mekim save long bal long nesenel tenis sempionsip long pot mosbi las wik Sande.



**KAIKAI GRAUN:** Dispela pilaia i kisim taim long difens bilong tarangau long Pot Mosbi ragbi lig las wik Sarere.



# PNGRFL kolim Kumul skwat

Chris Purkikil- senta, Rodney Pora - fowet, Channel Aquila- fowet (Guria), Wesley Benny- winga, Charlie Wabohuka, Joseph Omaefowet, George Monifowet (Muruks), Alphonse Kapil- winga, Nigel Hukula- fowet (Lahanis), Eki Ene- senta (Bombers), Kimepau Keimelo- F/bek/senta (Raiders), Porian Bal- fowet (Warriors), Francis Ray- senta (Cowboys), Johnson Kuike- fowet, Aaron Mulunga- fowet, Geno Kima- hap bek (Bulldogs). Ausait long kantri Keth Peters - faiv eit, Paul Aiton- huka (Penrith), Tuu Gray Maori- F/Back/wing

(Cronulla), Omphalus Kua- yutiliti (Nu Silan), Tom O'Reilly- fowet (France) na Kevin Prior OR Steve Franciscus (bai kisim wanpela bilong tupela- Australia). Askim i bin go long PNGRFL sif eksekutiv opisa Jeff Wade long stap bilong Marcus Bai, Stanley Gene, Makali Aizue na Stanley Hondina na em i tok dispela ol pilaia i gat ol pilai i stap yet o ol i kisim bagarap na olsem ol i bai i no inap long pilai. Hondina bikos em i kisim bagarap long sol bilong em na ol narapela tripela pilaia i gat pilai i stap yet.

# Diggers winim Not Flai ragbi lig salens

Francis Tekel i raitim

Tabubil i holim yet taitol bilong North Fly Cup insait long wanpela strongpela ragbi lig pilai namel long Tabubil Diggers na Kiunga Catfish long Sande.

Ol Diggers i bin soim tru olsem ol asples lain. Olsem na taim gem i stat, ol i pretim ol lain Kiunga Catfish wantaim ol traipela fowet bilong ol.

Olsem na long hap taim, ol Diggers ibin kisim sotpela malolo wantaim 12 poin na ol Catfish i bin gat 4 poin.

Long namba tu hap bilong gem, ol Tabubil Diggers i no givim sans long ol Kiunga Catfish. Strogpela fowet na Kepten Koi Maki i soim rot na ol narapela fowet olsem Peter Naipao, Jack Gunua, Lawrence Bannah, Andy Mait, na Moses Rumints i bihainim em

na soim tru strong bilong ol.

Kaikai bilong dispela hatwok bilong ol i kamap hariap tru taim David Raisa i skorim namba tri trai bilong em bihain long Moses Ol Catfish i bringim sko bilong ol i go long 8- pela poin taim winga Yaeti Sikili i putim wantaim trai. Bihain tasol long dispela strongpela lok-fowet bilong Kiunga Simon Mondo putim wanpela trai tasol refri tok nogat. Dispela i no daunim pilai bilong ol Kiunga na hariap tru narapela fowet, Solomon Namulu sko aninit long pos stret em faiv-eit Kenneth Kaliya i kikim gut tru.

Long fultaim Diggers win 21-8.

Menesin Dairekta bilong OTML, Keth Faulkner i givim Cup i go long ol Diggers. Tupela tim wantaim i kisim K500.

# Wabag ragbi lig gren fainol

PLANTI manmeri bai kapsait long Johnson Siki oval taim mina primia Lupa Royals na KTL Sharks brukim bung long Wabag Ragbi Lig Gren Fainol long Sande.

Sharks ol i nekim Apulin Brothers 24 - 16 las wik semi-fainol long bungim Royals long gren fainol.

Pilai bilong Sharks i bin narapela kain stret wantaim nupela jesi husat Pakau Brothers Stationary Ltd i kisim long ol.

Planti save man long ragbi lig i tok dispela pilai bai kamap bikpela bikos gutpela prais mani i stap pinis na ol

tupela tim bai paif hat long kisim taitol na go insait long primia Coca Cocal Ipatas Kap we bai kamap long Novemba.

Sharks i gat gutpela sans nau bihain long ol i lus long 2004 na 2005 gren fainol.

Olsem ol manki Sakales i tok pinis ol bai kisim dispela primia taitol bikos ol i smelim tupela taim pinis.

Sharks kosa kosa Buka Leme ol i gat bilip olsem ol manki bai wokim wok stret. Tasol Royals em ol maina primia na ol i redi gut pinis long bungim Sharks long mani bilong ol.

# SP Kap gren-fainol Muruks v Lahanis



James Kila i raitim

LLOYD Robson Oval long bikpela siti bilong kantri long Pot Mosbi bai paia lait stret long dispela wiken taim tupela tim bilong Hailans rijon- Mabey & Johnsons Muruks i pilai wantaim Coca Cola Lahanis insait long gren fainol bilong SP Kap resis.

Dispela bikpela pilai bai i strong tru bikos tupela tim wantaim i gat pawa long fowat na beklain bilong tupela na tupela bai traim stret masol bilong ol long lukim husat tru bai winim gem na apim SP Kap long dispela yia 2006.

Muruks i bin sambai long gren fainol bihain long em i kamap olsem maina-primia bilong dispela yia 2006. Ol i bin winim Agmark Guria 52-22 insait long wanpela gutpela gem tru taim ol i bin pilai long Mt Hagen.

Dispela win bilong ol na kain stail bilong pilai ol i soim long Hagen i mekim ol i strong tru na redi stret long bungim Lahanis long dispela Sande insait long gren fainol.

Ron bilong Lahanis i bin hat liklik tasol ol dispela bagaros bilong Nokondi kantri i bin soim stret pawa bilong ol taim ol i winim Pagine Chimbu Warriors long maina-semi fainol na bihain ol i go na rausim tiket bilong Agmark Guria 26-12 long gem bilong ol we i bin kamap long Lae long las wiken.

Gem long dispela Sande bai wanpela strongpela gem tru na husat tim i mekim liklik asua bai winim gem.

Tupela tim i bin traim bun namel long ol yet pinis na save long kain stail bilong ol yet long pilai. Tupela i bin bung tupela taim pinis we i lukim long namba wan gem bilong ol we i bin kamap long Madang i lukim Lahanis i bin winim gem. Long namba- tu gem bilong ol long Goroka Muruks i bin kam long bihain na winim gem. Dispela gem long Goroka i bin lukim ol pilaia i bin stap insait long wanpela bikpela paif namel long ol yet na bihain gem i ron gen na Muruks i bin winim gem long wanpela poin tasol em 23-22.



TAIM NAU! Lahanis (lep han) o Muruks husat bai kamap king bilong 2006 SP Kap taitol. Tupela wantaim i wokhat long sisen na nau em i taim bilong painim aut.

Dispela wiken bai paia-lait stret bikos ol lain Muruks i bin tren hat tru na ol i laik soim sponsa bilong ol olsem ol i ken winim SP-Kap na karim i go antap long Mendi. Long narapela sait tu ol boi bilong Goroka i kam longwe rot na ol tu bai soim kala bilong ol long winim gem na bringim SP Kap igo antap long Nokondi kantri.

Tupela sait i gat ol gutpela pilaia husat i ken helpim ol long winim gem bilong ol.

Long beklain bilong Muruks i gat ol strongpela lain bilong ron wantaim bai olsem Wesley Benny na Jonathan Sangano long senta wantaim ol winga olsem Terry Thoa wantaim Sova Milfred.

Tasol sori tumas olsem ol bai lusim kepten na pilai meka bilong ol Stanley Hondina husat i kisim bagarap long sol bilong em na olsem em bai i no inap long pilai. Long dispela Charlie Wabo bai kisim sapot long Joseph Omae.

Lahanis tu i gat ol gutpela lain long beklain olsem tupela senta Sigfred Gande na George Aba husat bai bung gut wantaim ol winga olsem Alphonse "Uta" Kapil na Kusiri Sonyu wantaim fullback Jeffrey

Mausi long traim stopim ol boi bilong Muruks.

Long hap posisen bilong Lahanis i gat tupela stail mangi em Mack Siwi wantaim Walter Hasu husat bai kontrolim gem wantaim huka Kapa Yaka.

Long fowat bilong Lahanis i gat ol strongpela lain olsem kepten yet Nigel Hukula, Nicko Slain, Adam Bill na Junior Ropra husat bai soim strong bilong ol long brukim difens bilong Muruks.

Tupela tim wantaim i gat wankain ol bikpela fowat long sait bilong tupela. Ating husat tim i kontrolim bai gut na ino mekim planti asua bai winim gem na karim SP Kap igo antap long ples bilong en long Hailans.

Tru tumas planti ol strongpela sapota bilong tupela sait wantaim i redi pinis long flai long balus igo daun long Mosbi na lukim gem laiv stret.

Ol sapotas bilong tupela sait wantaim long asples bilong ol long Goroka na Mendi i wok long skin guria stret i stap long lukim husat tru bai winim dispela 2006 SP Kap resis.

# Marshall, Lolesi na Harrigan bai kam

BIKPELA SP Kap gren fainol pilai bai kamap long dispela Sande long Pot Mosbi Lloyd Robson pilai graun.

Bruweri sinia bren menesa Peter Watinga i tok kampani bilong em wantaim PNGRFL na ol arapela sapot sponsa i luk olsem bai kamapim sampela gutpela progrem long dispela gren fainol.

Long Bruweri yet ol askim Benjie Marshall na Jamaal Lolesi, tupela Nu Silan man husat i pilai wantaim NRL tim West Tigers long kam antap na lukim gren fainol.

Marshall bai kamap ges spika long SP Kap gren fainol dina kaikai long Crowne Plaza long tumora nait Fraide 22 Septemba.

I gat luksave olsem long NRL olsem Marshall em nupela boi husat inap kisim ples bilong Andrew Johns long hapim nem bilong NRL long ol kain stail, strong na save em i gat long pilai. "Long Sarere Septemba 23 tupela West Tigers Sta pilaia bai go long Murray Berek."

"Long hap tupela bai bungim ol skulboi na lukim pilai bilong ol. Dispela em PNGRFL i redim," Watinga i tok. "Na mipela i wok long redi tu long kamapim "Bungim Benjie na Jamaal sesen long sampela ol hap long Sarere avinun," em i tok. Na long Sande morning Septemba 24 tupela pilaia bai go long trening bilong ol skulboi tim.

Bill Harrigan bai referim pilai long Sande avinun.

# NRL priliminari fainol



NOGAT kliapela save long husat tupela tim bai win na go long NRL gren fainol long narapela wik.

Foapela tim wantaim i gat strong long win tasol olsem wanem tim we i defen na atek gut na i no mekim planti asua bai go na win.

Melbon Storm i winim maina primiasip taitol na planti tingting bai stap long em long em bai wanpela tim husat inap mekim i go insait long gren fainol.

Storm i gat olgeta gutpela pilaia em i laikim long sapotim em.

Ol i kisim bek yangpela Gren Inglis husat i bin malolo na kisim bagarap.

Inglis i save pilai long fulbek tasol Billy Slater i pilai long dispela posisen Inglis bai stap long senta wantaim Matt King.

"Mi kisim tripela trening na mi pilim orait. Mi redi long pilai long dispela wiken," dispela 19-yia manki i tok.

Tasol Dragons we ol Storm bai kisim i redi tu long dispela pilai.

Kepten na faiv eit Trent Barrett i tok promis olsem em i no laik long lukim wankain kamap bilong tim bilong long las yia gren fainol.

Las yia i bin gat bikpela bilip olsem ol Dragons na Parramatta Eels bai go insait long fainol tasol dispela i bin abrus we i lukim ol West Tigers na Not Kwinnsen Cowboys i go insait na Tigers i winim gren fainol.

"Olgeta lain i wok long toktok long mipela na ol Eels olsem mipela bai kamap long gren fainol na olsem mipela i bin mekim tasol dispela i abrus," Barrett i tok. "Tasol nau mipela i no laik lukim wankain kamap bilong mipela long dispela priliminari fainol."

Na pilai namel long Bulldogs na Broncos



PILAI HAT: Broncos Kamichael Hunt

dispela bai wanpela strongpela pilai tu.

Ol Bulldogs i gat olgeta gutpela pilaia bilong ol i kambek olsem Roy Asotasi na Sony Bill Williams. Wantaim bung bilong ol wantaim winga Hazem El Masri na fowet Willie Mason ol Bulldogs i gat gutpela sans long win.

El Masri bai helpim ol Bulldogs long ol gutpela kik bilong em na Williams bai brukim gut banis bilong ol Broncos.

Tasol ol Broncos tu i sapim kom bilong ol na redi long sutim ai bilong ol dok.

Na yanpela fulbek bilong Kamichael Hunt i tok ol i no ken givim sans long ol Bulldogs sapos ol i laik win na go moa long gren fainol. "Em i no samting bilong mipela i takolim ol. Dispela long wanem ol i gat sampela ol gutpela lain bilong pilai," Hunt i tok.

"Mipela i wokhat long difens bilong mipela."

# Wisil givim salens

Eletiks

Paul Zuvani i raitim

NAMBA tu PNG spitmeri long 200m na 400m Toea Wisil bai givim salens long Mae Koime taim tupela i ron long PNG Eletik Nesenel Sempionsip long dispela wiken long Lae stat long tumora i go inap long Sande.

PNG Eletik Yunion seketeri Philip Rehder i tok Wisil bai yusim dispela sempionsip long hapim mak bilong spit bilong em na sapos em i inap long mekim ol i no save wanem mak em Koime bai kamapim.

Long sait bilong ol man em Fabian Niulai long 400 mita em Mowen Boino husat bai kam bek long kantri long dispela wik bai Aten, Gris wol sempionsip bai givim em salens.

Long ol meri em resis bai stap namel long Wisil na Maria Kaupa tasol gen em Koime em meri ol i mas winim.

Salome Dell husat i stap tren long Nu Silan nau bai kamap na resis tu long dispela mak.



TUPELA SEMPION: Mae Koime (lep han) na Toea Wisil long 2005 Palau Mini Saut Pasifik Gem. Koime em meri Wisil i laik winim.

Dell i gutpela long long distens em 800 mita.

Inap olsem 400 etlit bai kamap na ol bai kam long Rabaul, Kimbe, Kavieng, Madang, Karkar, Pot Mosbi,

Kainantu, Ukarumpa, Goroka skul, Simbu, Wewak na Lae yet we i kamapim bikpela tim.

Tasol ol lain husat i laik kamap i mas givim toksave long PNGAU bipo long kamap.

## PNG redi long bodibilding semp

bodibilding

Paul Zuvani i raitim

PAPUA Niugini Bodibilding Federesen i redi tasol long holim Saut Pasifik Bodibilding sempionsip long 12 i go inap long 15 Oktoba bihain long dispela yia.

Siaman bilong Lokol Oganaising Komiti Randolph Albrecht i tok ol i lukluk 30-pela bodi bilda long kamap long dispela sempionsip. Na hap bilong dispela namba bai kam long ol bodibilda long PNG. Albrecht i mekim dispela toktok long dispela wik long taim PNGBF na PNG Nambawan Trophy Ltd i sainim wanpela Memorandum Bilong Save (MOU) namel long tupela yet long mekim wok bilong spot.

Faipela kantri bai salim tim bilong ol em Cook Ailan, Nu Kalendonia, Vanuatu, Samoa na Tahiti. Tasol Albrecht i tok em i opim tingting olsem sampela arapela kantri na pilaia bai tokaut long tingting bilong ol bipo long pilai i stat.

"Olgeta pilaia bai kamap long dispela sempionsip, man na meri wantaim," Albrecht i tok. "PNG yet bai kamapim 23 bodibilda." Em i tokaut tu olsem Donald Kaivi, nau Mista Pasifik i mekim rekot long winim dispela taitol long tupela taim.

## SPOT RAUN



wantaim

## SCOTT VAVINE

### Trukai yut spot trening program

TRUKAI yut spot lidasip trening program i mekim gutpela wok na kamapim ol gutpela mak.

Dispela trening program em PNG Spot Komisen i kamapim we Trukai Industris i helpim long sponsaim. Na dispela program i bin ron inap olsem 14-pela yia olgeta, 12-pela em Trukai Industris i sponsaim.

Las wik dispela trening program i kamap long Aroma Kos long Sentrel provins we dispela i lukim 40 patisipen i kamap 7-pela meri na 33 man. Dispela ol lainmanmeri i lainim wok bilong spot etministresen, referi na kosing. Ol spot em ol i lain long en em soka, tas ragbi na ragbi lig.

Kain ol program i gutpela long wanem ol i mekim planti manmeri i kam save long spot long wanpela taim tasol.

Sapo i gat kain luksave na kain sapot i stap mi bilip planti ol sosel hevi nau i wok long kamap bai i no kamap long wanem planti ol lainmanmeri i save long gutpela wei bilong stap aninit long ol hevi i kam long laip bilong ol.

Na long taim mipela i toktok long sapot i kam long wan wan ol grup o hap mipela i no lus tingting long ol niusman- midia. Em radio, televisen na niuspepa.

Wanpela bilong dispela ol midia em Wantok Niuspepa.

Dispela niuspepa i bin longtaim sapota bilong ol grasrut na long wok bilong ol moa yet long komyuniti spot. Long salim nius i go i kam dispela em i no isipela wok. Em i hat tasol ol midia i wok hat.

Ol midia i gutpela hap bilong save long ol samting i kamap long narapela hap na long salim tok.

Ol manmeri i mas amamas long wok em ol midia i mekim na givim ol gutpela sapot em ol i laikim long em.

Wanpela gutpela samting namel long ol spot na midia em wok bung bilong tupela. Spot i nidim helpim bilong niuspepa man long go moa na midia i nidim spotmanmeri long mekim nius bilong em.

Ating Papua Niugini i gutpela long wanem ol niusman i no save kisim bagarap o hevi long han bilong ol manmeri long wok bilong ol.

Na maski mipela i save lukim ol kainkain bikhet pasin i save kamap long taim bilong pilai mipela i no lukim wanpela stori we i tok long niusman i kisim bagarap taim ol i go mekim nius long spot.

Sapos mipela i laik long lukim sampela ol pilaia i bilong i kamap ol sempion pilaia olsem Marcus Bai oraif midia i bikpela samting we i ken helpim mipela long kamapim nem bilong mipela long ol arapela long save long mipela.

Na sapos i nid i kamap em ol bai save long mipela insait long midia na askim long helpim bilong mipela.

## Abal sapatim Wabag spot

skul pilai


Peter Sowaip-Pia i raitim

Praimeri skuls insait long Wabag distrik i wok long pait strong long Wabag Distrik Abal Skul Soka Salens we i bin stat long independens de.

11-pela skul i stap insait long pilai long Wabag Praimeri Skul Oval na i agt 2-pela pul long 12-pela wanwan tim stap long meri na man.

Dispela pilla em wwanplea bikpela stret long distrik skuls long selebretim indipendens wantaim long olgeta yia.

Las yia sponsa na papa bilong tonamen, Wabag MP na ministra bilong Inta Gavaman



GIVIM SAPOT: Sam Abal Rilaisen, Samuel Abal i statim wantaim mani mak moa long K20, 000.00. Na dispela yia em i kam gut wantaim moa K40, 000.00 long gem.

Dispela mani long yusim baim 24-pela yunifom long olgeta skul, baim kaikai, stretim ples long longwe skul long slip na tu arapela samting.

Long opisel opening long las Sarere, Abal i tokaut olsem dispela tonamen bai stap olsem wanpela annual spot long amamas wantaim long independens selebresen.

Tru tumas papa bilong Samuel Lait, Sir Tei Abal husat nambawan memba bilong Wabag na man husat statim Pangu Pati na wok hat long kantri bipo long independens.

Abal i tok spot inap long kisim ol pilaia i go long ol arapela ples na save long sam-

## Sentrel provins soka

soka

INPA olsem 45 soka tim long sentrel provins i tokaut long kamap long Sentrel provins soka sempionsip.

Na tonamen kodineta Jubilee Roberts i tok em i amamas long gutpela namba bilong ol soka tim long kamap.

Roberts i tokaut long tingting bilong em long taim rais kampani Ezzy-Cook rais i givim sponsasip long ol oganaisa long ronim dispela pilai.

Kampani i givim ol bal, net na ol arapela samting bilong pilai wantaim long mani mak olsem K20,000.

Na kampani mausman Jason Bayagau i tok kampani i amamas long pas wantaim wok bilong spot na i amamas tu long givim dispela sapot long Sentrel provins soka tonamen.

Pilai bai kamap long 2-6 Oktoba, 2006.

## Blue Kumul go pas long NSL resis

spot grup

Bustin Anzui i raitim

TUGUBA Laitepo Blue Kumuls bilong Lae nau i go pas long Nesinol Soka Lig resis long poin lada bihain long ol i wilwilim ol manki Hagen Welgris Fuel Distributor Momads 3-1 long Lae long las wiken.

Long ol narapela pilai PRK Souths i winim brata bilong em Gelle Hills long Pot Mosbi 3-0 na Madang Fox i kisim malolo.

Long dispela raun 3 pilai, we kamap long Lae Futbol Asosiesen Pak (LFA) wantaim 7-pela poin na PRK Souths long Pot Mosbi i bihainim ol wantaim 4 poin na Gelle Hills snap baksait long ol wantaim 3-pela poin. Momads na Madang Fox i no skoa yet.

Kosa Ludwig Peka i amamas wantaim win bilong ol manki bilong em na tok ol i skoa taim ol i lukim olsem Momads i asua long en.

Long dispela wiken, ol polisman bai kisim malolo taim Hills bai flai i go long Madang long lukim Fox na Souths bai kirapim das wantaim Momads long Bisini Oval long Pot Mosbi. Ol Kange bai traime olgeta strong bilong ol long winim dispela pilai wantaim Souths long kisim



Photo: ANDREW MOLEN


BILONG MI: Gelle Hills United pilaia resis long kisim bal long Souths Eric Komeng long pilai bilong tupela long las wik. Souths win 3-0.

tripela poin long bod na tu long Madang, ol asples Fox bai traime long kisim tripela poin na wokim mak bilong ol insait long dispela pilai resis.


Long Lae las wik, Kumuls i painim umben bilong Welgris insait long 25 minit taim straika Edmund Lalo i painim mak bilong em. Ol Momads i paia lait insait long pes 20 minit na ol i bin kisim

tupela gutpela sans long skoa tasol ol i no inap painim umben. Namba tu gol kipa bilong Kumuls Anton Pipi i banisim ol dispela gol gut tu.

Klostu tasol long hap taim Lalo i painim mak gen bihain long wanpela gutpela set pilai we kepten Ian Yanum i setim bilong Lalo. Taim ol i kisim fil gen insait long seken hap, risev winga Harrison



# WANTOK SPOTS



**NRL- Priliminari Fainols**

- Broncos vs Bulldogs
- Storm vs Dragons
- Hodges go bek long fulbek



Lukim stori pes 26

- Hesenel Soka Lig resis
- Wisil givim Koime Salens



Lukim ol stori pes 27

**2006 SP KAP GREN FAINOL**

Lukim stori pes 26

# Bilong husat tru?

## SP KAP GREN FAINEL

**World Class Products from PNG's No.1 Automotive & Marine Dealer**

**Ela Motors**  
TOYOTA

**15 BRANCHES NATIONWIDE**  
[www.elamotors.com.pg](http://www.elamotors.com.pg)

*Your First Choice*

# Wantok

Digitized version made available by



**Copyright:** Under copyright

**Rights Holder:** Word Publishing Company Limited

**Use:** This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

**Constraints:** This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

**Note on digitized version:** Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.